

非 律 須

華僑名人史略


王正廷題



上海图书馆藏书



A541 212 0016 93768



~~1524211~~

## 華僑名人史略序

按史略在誌書爲傳記一類於例有名宦則書忠義則書高行則書文苑隱逸則書昔之爲方史者蓋斟酌乎文字之間體例之嚴矣顧國內州縣方志又有別列僑寓一門者凡生非土著久居異地而終始拳拳未去其本籍者繫焉準此以衡我僑衆之旅居他國離鄉背井歲時來復一省其先人之墓鬻鬢毛雖衰鄉音未改互十年數十年而不忘故土者盡我華族人士俱然也又或有生長異土越世二三迫於人地未或歸省南冠不改樂操土風綜其言論行誼每嘗倦懷宗國喬木興思若是者吾見亦屢矣此非吾中華民族相維相繫固結不散之善因有以致之越地既遠更時既久歷世又多其中迺有忠義慷慨之士瑰琦獨特之輩雕龍繡虎之流因時而挺生其間是皆按之志例而可書者也况此民命肇造故國維新夙昔有志之士瀝血陳詞毀家紓難者二三十年來項背相接流風未沫使後之人覽之可以廉頑立懦有歷久不朽者在若是則又國史之所應輯夫豈僅一地之備乘已耶若其遺言懿行仁風義舉可以焜耀舊鄉媲美他國者又其光也余故樂而爲之序二十年九月九日鄭洪年

華僑名人史略 序

南洋為我國僑胞奮鬥之新天地舉凡僑胞足跡  
所到之處靡不有驚天動地的事業足以表彰於  
世尤其是僑胞中諸多翹楚其嘉言懿行豐功偉業  
在在足為國人欽式徒以前人忽畧視之遂致湮沒無  
聞誠一憾事茲者菲島僑胞有菲律賓濱華僑名人史  
畧之輯將以介紹國人余喜其實獲我心因樂書數語  
以贈之

林文慶敬題



馳譽遐方

林森



祖國之英

于左



蜚英海表

王寵惠





其  
則  
不  
遠

斐  
律  
彬  
華  
僑  
名  
人

史  
略

孫  
科



薄  
隗  
焚  
眉

列  
年  
良

海甸英風

孔祥熙題



揚名四海

陳耀垣



菲律賓濱華僑名人史畧

亦是一部史料

呂渭生



# 菲律賓華僑名人史略總目

## 題 序

王正廷先生題詞封面

鄭洪年先生序

林文慶先生序

林森先生題詞

于右任先生題詞

王寵惠先生題詞

孫科先生題詞

張學良先生題詞

孔祥熙先生題詞

陳耀垣先生題詞

呂渭生先生題詞

本書弁言

本社緣起

本社贊成員

附錄本社所欲說明之各點

華僑名人史略 目錄

本社贊成員前任總領事鄭伯利先生  
本社贊成員現任總領事鄭光林先生

名人史略

吳記藹先生	薛敏老先生
李清泉先生	李昭以先生
林珠光先生	鄭煥彩先生
陳迎來先生	林西錦先生
黃念憶先生	許友超先生
李文秀先生	李略煖先生
李鋒銳先生	高祖川先生
鄭漢淇先生	蔡少菁先生
吳澤探先生	林雲梯夫人
曾廷泉先生	黃海山先生
鄭漢榮先生	梁德鎮先生
楊孔鶯先生	李惠齡先生
高 染先生	洪明炭先生
詹孟杉先生	楊乃甫先生
一	一三三
四	一三五
六	一三六
八	一三八
一〇	一三九
一一	一四〇
一二	一四一
一三	一四二
一四	一四三
一五	一四四
一八	一四五
一九	一四六
二一	一四七
二二	一四八

吳澤弄先生	四二	吳克仁先生	六一
吳賓秋先生	四三	劉惟玉先生	六二
吳金鼎先生	四四	吳澤拖先生	六三
王泉笙先生	四六	蘇必輝先生	六四
林書晏先生	四七	顏武煌先生	六五
顏文初先生	四八	林尙疇先生	六七
吳擇雲先生	四九	蔡祖增先生	六八
洪永修先生	五〇	蘇子升先生	六九
鄭孔珍先生	五二	施學齒先生	七〇
李昭北先生	五三	李 標先生	七一
曾瑞文先生	五四	劉景薰先生	七二
吳輔仁先生	五五	謝應寅先生	七三
李昭鎮先生	五六	邵子明先生	七四
林再生先生	五七	施教鋸先生	七五
蔡 葉先生	五八	虞永容先生	七七
曾雲繳先生	五九	林棠棣先生	七八
莊孫鰲先生	六〇	謝耀南先生	七九



俞廷修先生	八〇	黃自來先生	九八
李 彬先生	八一	黃平洋先生	九九
林朝發先生	八二	吳天讚先生	一〇〇
李 福先生	八三	吳達屋先生	一〇一
俞雲汀先生	八三	林文聘先生	一〇二
楊孝西先生	八四	楊成張先生	一〇四
李呈芳先生	八六	薛芳錐先生	一〇五
張尙茂先生	八六	余庚慶先生	一〇六
莊朝北先生	八七	丁文楮先生	一〇七
葉文田先生	八八	劉謙祥先生	一〇八
葉朝君先生	八九	馮玉麟先生	一一〇
林明連先生	九〇	薛家弼先生	一一一
黃世昌先生	九一	苑警支先生	一一二
歐陽磐石先生	九三	楊悌恬先生	一一四
吳天爲先生	九四	吳麟趾先生	一一五
葉安頓先生	九五	王子敬先生	一一六
陳夏蘭先生	九六	林金崎先生	一一八

黃媽超先生	一一九
戴秋飲先生	一一〇
楊忠信先生	一一二
桂華山先生	一一四
<b>附 錄</b>	
李馬芳先生	一
陳謙善先生	三
楊尊親先生	四
黃永摺先生	四
柯世張先生	五
楊在田先生	七
林雲梯先生	八
黃念潭先生	九
吳克誠先生	一一
陳清源先生	一二
羅火慶先生	一四
吳澤拐先生	一五

曾文榜先生	一七
林爲亨君傳	一八
鄭爵洗先生	一九
吳澤炊先生	二〇
鄭尊蜚先生	二一
蔡咸塹先生	二二
李郎喝先生	二四
蔡支籍先生	二五
吳實堂先生	二六
吳澤富先生	二七
李正坎先生	二九
吳綿果先生	三〇
許志巧先生傳略	三一
吳達成先生	三二
顏良瞞先生傳略	三三
黃振明先生	三四
黃馬元先生	三六

華僑名人史略 目錄

陳允全先生	三七
吳文鯤先生	三八
黃瑞坤先生	三九
黃媽超先生	四一
林伸壽先生	四二
包魏榮先生	四三
余兆文先生	四五
廖成功先生	四六
蕭奕周先生	四七
跋	

## 本書弁言

本書非史筆也。所謂史略者。厯各名流生平歷史之概略耳。檀香山華僑聞人錄。序者或比之春秋褒貶。榮於華袞。而嚴於斧鉞。或擬諸紫陽綱目。操賞罰之權。寓勸懲之意。若是編之旨趣。已詳於本社之緣起。其內容不外以時下此類之刊物爲藍本。疏漏譴陋。難免貽譏大雅。以例謹嚴之史書。則誠愧弗敢當矣。

本社非普通之報館。故此書非堪稱輿論之機關。羣衆之喉舌也。諸名人事蹟。雖經多方徵訪。究之。是書之編輯。規模法度。本不同國史。是以卽謂之私家著作。亦無不可。

此冊之編刊。僅係模倣。原非創作。蓋輓近類是出版品。西文號爲 *Who's Who* 者。於歐美誠司空見慣。所在皆有。我國則自一九一七年。上海密勒評論報開辦後。始由該社編纂此書。今年已刊行第四集。其中羅列國內各省各界之名流。計有千八百人之夥。此外則良友書局前年出版之新中國人物誌。亦屬此種著作也。至於是邦。去年吾僑客生子前菲島國民通訊社經理林君曾編撰菲島名流傳略 (*Who's Who in the Philippine*) 一書。內有一冊。專載華僑名人之小史。而今年糖業週刊社。又由美人尼列斯君編著菲律賓賓人物誌 (*Men of the Philippine*) 一巨冊。中自最高之行政長官。立法司法兩界要人。以至實業家商家軍人學者醫士律師工程師等

。網羅甚富。我僑界商人。獲參盛列者。亦指不勝僂。則本書之出版。絕非新奇。卽以視檀香山檳榔嶼之僑界。亦已爲落後之刊物矣。

本社緣起初發表於各報時。閱者或相顧而竊問曰。僑界之中。果誰堪稱名人者。編此書者不其難於衡定乎。卽社員向各方徵訪時。間亦有人婉辭以謝曰。名人之譽。是何敢居。夫誰是名流。殊無標準。編纂新中國人物誌者。在緒言中亦云。欲定一國人物之標準。乃一端極感困難之事。無已。姑就二十年來與政局有關係者略舉之耳。此蓋無可如何之辦法也。故書中所列人物。大率爲總統閣員督軍省長以及政客之流亞。今吾僑寄身海外。所居之地位。大概以商業爲中心。則所舉之名人。大多數爲園園中有聲望者。亦固其所。不足異也。

覽是書者或將曰。在吾僑社會中。某也某也。尙可居名流之列、若某某者。何足當名人之選。而某君某君。與若輩又何以異者。胡爲乎不獲廁此書之內哉。不知同號名人者有世界之名。人有一國之名。有一省一郡一鄉之名。其間相去固遠甚矣。如歐人曩者編世界百名人傳。我國被列其中者。只孔子成吉思而已。禹湯文武秦皇漢帝概不得與焉。而里中目不識丁之族長。捐納數十金之監生。縣知事下鄉時。拜謁紳耆。猶以爲有數之名流也。顧同是一國之名。才望聲譽。又有未可同日而語者。譬如新中國之人物誌。以袁項城梟雄之姿。曾爲大總統。謂爲中國之人物。固無敢非議之者。若其同宗之袁乃寬。雖曾任肅政史。則碌碌無

奇矣。何足與項城並列者。又如孫中山。號稱創造民國之元勳。其不愧爲新中國之人物。固也。然與同其姓之孫道仁。庸懦無能。不過遭逢時會。得秉閩中一時之軍政耳。才望功績。遠非中山比也。乃亦居然充人物誌之一份子。則又何耶。是書「華僑名人史略」之上。冠以「斐律濱」三字。蓋可知其範圍只限於是邦之華僑社會也。夫從十餘萬人而選擇其比較的有聲望之人物。自亦不外如斯而已。新中國人物誌中。不能人人皆如袁項城孫中山而不相軒輊。則本書之名人。安得盡如某也某也。而絕無差等者。若以如許之眼光衡量而苛求之。則如某氏某氏者。又何足在菲律賓濱人物誌中與繆督計順阿斯米惹等並列哉。且在我僑界中。若個足稱名人。當然亦無標準。今試以公認爲代表輿論與公意之報紙素常所推重者而作證明之實例。觀夫報上紀載。對於社會間稍佔地位稍有聲譽者。每稱之爲要人領袖巨子名人。（如今年三月一日日本埠新中國報記林森與該報記者之談話中敘往碼頭歡迎者有僑界要人黃謝梁戴吳等又四月一日該報載領署招待菲大學生之盛況中有僑界巨子薛某等列席之語又三月一日華僑商報登商業週刊出版消息內有且得僑界領袖如曾某等及各名商之贊助云云又四月一日該報揭菲大理院判決兩華僑名人訟案之記事亦有華僑兩名人字樣之標題又三月十一日公理報記林森陳耀垣答讜華僑各社團領袖之詳情其中特述林委員所云諸位或爲商界巨子或爲華僑領袖等語按以上僅舉一個月中所見於各報者耳）而名流之字眼。更爲新聞記者之所習用。不勝指數。所

少者見推爲偉人者耳。夫所謂要人巨子領袖云者。皆加於名人一等之尊稱也。究其實若輩果何如人者。大都亦不外僑界一般之商家而已。名人卽名流也。在一方之社會。比較聞名者。俱足以當之。彼報紙者。固號稱輿論機關。羣衆喉舌。而能代表公意者也。曾未聞有責難其不宜尊稱某氏某君爲要人爲巨子爲領袖爲名流者。矧本書乃類私家著述。胡獨對其編列之名。刻意苛論而發生疑問乎。至若各界名流本社欲爲表揚者。或爲過去。或屬現在。許多尙未備見於本編第一集者。則以限於經濟之關係。不克多聘徵訪人員。不能延長編輯期間。只得草草結束。告一段落。缺漏之處。本社抱憾良深。姑俟之編纂第二集時。再行徵訪。期成全豹耳。然從來私家著述。不比官書。以見聞寡陋。多有不實之病。如聖宋九僧詩。彙記宋代高僧之能詩者九人。夫趙宋三百餘載間。能詩之和尚。豈只九人已哉。又若程篁墩輯謝皋羽鄭所南等十一人詩文傳世。題曰宋遺民錄。而宋之遺民。有詩文可錄者。又豈只謝鄭等十一人已耶。亦各据作者之所知而述之耳。匪特此類著作如是也。卽垂爲楷模之正史。又豈不其然。請以我國大史家司馬遷史記之貨殖傳言。斯傳所羅列。類皆爭時逐利而致富稱豪者也。然由周而秦而漢。自范蠡以至張里。塵塵二十餘輩。其間舍范氏佐乎越王。子轅附於孔門。富而益彰者外。若猗頓用鹽起家。程鄭以冶鑄成業。雖與王侯埒富。究無德澤及人可以稱道也。甚乃掘塚之曲叔。賣漿之郅氏。販脂之雍伯。馬醫之張里。姦事賤行。小業薄技。

皆在收錄之中。試問自周至漢。善治生長殖貨。足採於列傳者。果只有此數耶。然則本書。即多所遺漏。亦未始乏先例足以解嘲也。

此書在編輯期間。屢有垂詢本社同人者曰。諸名流史略之所記述。乃盡道其人之懿行勝績耶。抑亦兼涉其生平之劣迹與醜德乎。意是編出版之後。發此問者亦必不少也。原夫史家之旨。勸懲並重。故有善則褒。有惡必貶。而此類之刊物。本非史筆。正如本社緣起之所揭櫫。純在彰善。不尙乎癉惡也。蓋近代如是之出版品。實含介紹性質。兼有宣傳作用。其要在舉社會上勝利者之成功事蹟。暨其功德及於人羣之公益事業。以垂模範而資勸勵也。譬諸盛會讌集。主席欲介紹幾輩登台演講者。必先敘其略歷。自皆舉其所長。或揚其學問。或宣其行誼。或陳其勳績。安有指摘其醜行隱慝者。如其有之。則羣將譁然駭主席者之患神經。而斥其出語不倫矣。近今類是之書籍。如鄭光林領事所合編之「現代勝利者」。劉君麟生所譯之「世界十大成功人傳」。秦君翰才所輯之「成功人鑑」。彈指居士所纂之「近代大發明家小傳」及「近世偉人小傳」等。不勝枚舉。無非記述其人之苦心孤詣。與夫勝利之經過事業之嘉惠也。寧有並揭其愆尤。暴露其穢德者。不特近世如此刊物然也。即我國從前之尙友錄。歷代名臣言行錄。以及清朝先正事略等書。其間所謂名臣先正。暨其足令後人尙友者。豈其平生絕無錯失戾咎。玷其人品耶。惟以其旨在勸勉後人。故皆原心略迹。表其所長。晦其所短而已。



華盛頓美之國父也。世之讀其傳記者。無不贊爲完人。蓋各家之著作。純然舉其嘉言懿行以垂訓也。詎意數年前。美國竟有好奇立異之作家。記述華氏生平。獨揭露其蕩檢踰閑敗德損名之種種事實。美人乍覩之。幾乎共駭爲半空之霹靂。顧閱者雖不敢責其無徵而污蔑。然而不貶其好事而失德。詆其無益而有害者幾希。夫假文字以匡正人心。綱維世道。勸善與懲惡。固皆足以收其功效。惟僅循偏面之旨趣。本君子隱惡而揚善之意而落筆。亦非無所依據。無所取義也。讀者解此。則本書所採錄。大抵皆僑界之勝利者。與有裨社會公共事業之人。其單純注重勸善垂訓之目標而着墨。當爲樂道人之善之君子所共許也。

本社編印此書。宗旨首重促進社會之公益事業。而使閱者略知諸名人之勝利事蹟。以作個人立身建業之模範。則僅其次焉者耳。是故紀述史略之中。必詳各名流平時所貢獻於社會者。藉資觀感。亦即鼓舞僑衆對於公益事業之熱誠。顧僑界人士已列是書者。其果克當所稱道之詞而無愧與否。及本社所懸之目標。今後又果能達到而不失所望與否。則胥視諸君之意志與操守爲何如耳。使其受贊揚之語而自覺無愧者能益自激勵。不致貽爲德不卒之譏。若其對溢美之詞。自覺受之而有愧者。知從今奮勉。求有以副同人之所期許。則本社之刊行此書。不僅可告無罪於僑界。抑且不無小補於社會云爾。

是編爲菲島吾僑界破天荒之嘗試出版品。其價值若何。見仁見智。初無憑準。他日乘輜軒者

得之。縱有所去。亦必有所取也。惟恐社會士女對於本社之旨趣。與本書之內容。或未盡明瞭。故不惜詞費。贅之如右。

## 本社緣起

古人有言。十室之邑。必有忠信。則我華僑自踐跡是邦。迄今數世紀。其間之仁人孝子。義士雅人。閨閣淑媛。巾幗英流。以及有功於社會。遺愛於桑梓。擅計然之長策。贊革命之偉業者。不知凡幾。而其懿行嘉言。技能才智。與夫好善之心。愛國之誠。皆湮沒而無聞。不有付諸簡冊爲之表彰者。寧非可嘆而可惜之甚哉。歐美名人傳記之書。層見疊出。非獨史家專此著述也。我國光復未幾。滬上商務印書館編纂員。鄭光林君一卽我國駐菲新任總領事。一與鄭君富灼。著有一現代之勝利者一一書。彙集當世中外各界名流之史略。以勉後進。一時風行。幾乎洛陽紙貴。近則良友書局。有新中國人物誌之印行。他如革命巨子之小史等書。在海內又後先出版。此類刊物。可謂多矣。至於海外。數年前南洋檳城新報社諸記者。則已編著「南洋名人集傳」第一集行世。北京國史館總裁派吳桐林南渡時。曾採一部轉呈史館。其第二集旋又刊行。岑春萱爲之題簽。以增聲價。而去年檀香山華僑。亦有組織編印社。編著檀香山華僑聞人錄者。黨國名流。孫科。伍朝樞。均爲題詞。二書所羅列。俱不下數百人。亦云盛矣。而吾旅非僑胞。事事不落人後。獨於此種著作。尙付闕如。夫何可哉。往者僑商傅孫儀君。曾擬編纂菲島華僑全史。唯規模太大。需費浩繁。竟不獲成功。誠爲憾事。

迨去年則有吾僑客生子前菲島國民通訊社經理林君 (Rodrigo C. Lim) 起而編菲島名流傳略一部。(Who's Who in The Phil.) 其屬於華僑者。採錄二百餘人。如鄭煦堃總領事。李君清泉。林君珠光諸巨商等。皆在其中，惜爲英文。不足使僑衆均得瀏覽。且僅紀述商界中人之事略。如女界學界等。則全無所選。而採擇又過於泛濫。不無缺點之處耳。同人有見及此。爰摹仿國內書局及南洋報社之成例。邀集同志。組織斯社。聘請岷中文士若干人。擔任諮訪編輯。撰述此書。近則以供僑界之借鑑。遠則以備輻軒之資料。俾吾僑名人之事績。不致泯滅於煙濤浩渺之中。同人深信是編出版。不特可爲個人立身建業之楷模。尤足以促進社會之公益事業。旨趣如是。想亦吾僑界士女所共表同情者也。

菲律濱華僑名人史略編輯社披露

### 本社贊成員

- 中華民國駐菲律濱總領事..... 鄭光林
- 前駐菲律濱中國總領事..... 鄭煦堃
- 前慈省名譽領事 中央僑務委員會顧問 華僑仁義團總團主席..... 曾廷泉
- 中華總商會副會長 中華木商會正會長..... 許友超

中華青年會會長	林珠光
華僑中西學校校長	顏文初
中華總商會董事	前中華木商會會長
駐菲律賓中國國民黨總支部執行委員	華僑普智學校校長
中華總商會董事	東方人壽保險公司總經理
中華總商會董事	旅菲鴻江公會主席
	桂華山
	虞永容
	王泉笙
	吳賓秋

### 附錄本社所欲說明之各點

一、本社宗旨在編輯旅菲華僑之名人史略。凡著功德於社會。曾効勞於黨國。以及有嘉言懿行。技能才智。與夫特性奇事。足以傳述者。不分性別。貧富。過去。現在。均徵求諮訪而表揚之。藉作模範。以勵將來。

一、本社編輯是書。以表德揚善。不特可爲個人立身建業之楷模。且足以促進社會公共事業。關係殊非淺鮮。經現任及前任兩鄰總領事。及各界名流領袖之贊成。社務即日着手進行。

一、本書編成而後。請由黨國要人題簽。題序。題詞。初版先印五千本。售賣額數。只定十

分之一。每本二元。藉以補充經費。餘者完全爲贈送之用。其贈送辦法。除應徵之名流。每人五本外。餘概寄送各公共機關。如國內中央黨部，中央政府。各部院。國史館。僑務委員會。各省政府。各省各級黨部。各縣政府。各省縣法定團體機關。一如商會教育會。各報社等。至於國外。如各領使館。歐美各國及南洋本島各處之華人社團及報社等。若冊數不敷分配。卽重行刊印。

- 一、本社是書出版後。當呈由中央僑務委員會。轉呈國民政府。令國史館備案。以資採錄。
- 一、本社雖本一君子樂道人之善一之旨趣。以表揚僑界名流之史略。然要提高本書之價值。所有紀述。貴乎徵實。力避虛詞。以昭信重。凡惠寄材料者。務祈留意此點。寧可縮小範圍。決不濫於採錄。

- 一、本社所編名人史略。雖不拘現在過去。惟對於過去之人物。則尤爲注重。以時過境遷。傳聞尤易失實。諮訪更見爲難。凡僑衆欲表彰先人德澤者。務祈與本社合作。俾是書出版後。可留傳於僑界。嘉惠於後人也。

- 一、本社不招集股本。所需經費。如人員薪資。及印刷電版等費。需款頗巨。同人無此力量犧牲。除招登廣告外。并仿江蘇無錫楊章甫先生編輯「環球名人寶鑑」向國內各界募捐例。向僑界熱心家或表同情者募集之。本社備有約券。凡認津貼印費若干。概以該券爲

憑。惟除先交若干。照給收條外。均俟該書出版後。方派員憑券鳩收。所有收單。一律蓋有本社經理人及司庫員之圖章。以昭慎重。

一、本社聘請僑界中方正文士多人。擔任諮訪編輯之責。并請相當人才。經理社務。掌管財政。其一切之責任。由創辦人完全負擔之。

一、凡在州府山頂之僻遠社里。本社諮訪員。足跡或難遍及。凡有吾僑史略可以編入本書者。務請直寄本社。或託各大埠親友代爲接洽可也。


一、本社定於二個月內。爲本書出版之期。并爲求印刷裝璜之精美起見，擬由上海大東書局承印。凡表同情者。務祈從速賜教。以免時間關係。致有不及排印

一、本書印刷數千本。分寄地方。範圍之廣。團體之多。定爲空前所未有。宣傳之力。自至廣大。則廣告之效率必非他種刊物所能比。各界欲登告白者務希從速接洽爲要。

## 本社贊成員前任總領事鄺伯和先生

鄺君粵人。畢業上海聖約翰大學。後又得免費赴美留學。首入安都佛學院。繼轉入賓斯頓大學。得文學士學位。又入紐約哥倫比亞大學。攻經濟學及新聞學。

得新聞學學士學位  
。在濱斯頓大學時  
。任該校日報編輯  
。嗣爲留美中國學生月刊編輯。在學生團體中。甚爲活動。曾被中國政府任爲世界新聞學會代表。又被選爲留美中國學生聯合會



鄺伯和先生

會長。回國後。居北京多年。從事於新聞學及他項工作。時前國民政府外交部長陳友仁。正在北平主英文報筆政。鄺君被聘爲副編輯。後因陳友仁於段祺瑞向日借款。攻擊不遺餘力。爲北京政府下令逮捕。繫之於獄。鄺

君亦因是狼狽出走。後鄺君又還北平主北京日日新聞筆政。直至民國十三年馮玉祥入京時始行卸去。鄺君在北京主筆政時。兼爲紐約晚報中國特約通訊員。又爲清華大學英文及國際公法教授。既回滬。被任爲政府之江南造船廠總祕書。從事於




## 本社贊成員

## 二

開發煤礦及經營建築事業。均極順手。惟仍不忘情於政治。民國十三年十一月十三日進北京外交部政務司第三科辦事。一九二三年爲中東鐵路理事。嗣後幫王正廷解決中俄問題。王任隴海路督辦時。鄭破委爲情報處處長。其工作爲對外交傳。十七年十月十三日被任駐斐總領事。在菲任內。對於美菲當局以及各國人士感情頗洽。關於保護華僑事務。亦竭力爲之。此間惟以失國民黨人之意。爲被誣控。今年二月。部召回京。將行時斐律賓中華總商會公宴鄭氏。美斐大員被邀作陪。席間贈大銀杯一座題曰『樽俎折衝』以請不忘云。

## 本社贊成員現任總領事鄺光林先生

鄺君名光林。粵人也。生長澳洲。未弱冠赴美留學。入科倫比亞大學攻文學。一九一七年將畢業時。適值歐戰。大學方面徵求學識優長體格強健之學生。赴戰地服務。時君以善運動聞。被派赴歐。入英屬加拿大軍中服務。而哥倫比亞大學。則授君以榮譽文憑。後又轉入法軍中服務。任青年隊幹事職。君服務軍中時。著有功績。英皇頒獎戰事獎牌一方。戰事告終。仍



鄺光林先生

返科倫比亞大學肄業。得文學學士學位。繼轉哈佛大學。專攻商業管理學及經濟學。一九二一年畢業。得商業管理科碩士。是年六月廿五日。在美與陳瑞英女士結婚。婚後赴加拿大紐西蘭等處各名勝渡蜜月。翌年。再偕夫人由美赴紐西蘭。由紐西

蘭。乘飛機返澳洲。同年由澳返國爲道經菲島。君歸國後。適其從兄鄺富灼博士。將出洋遊歷。因請君代爲主持商務印書館英文編輯部主任之職。一九二三年。任國立東南大學之上海商科大學管理科主任。持志大學商科主任。光華大學教授。

及青年會夜學主任等。君雅好運動。在滬時雖教務蝟集。然仍不能忽然去懷。又以體育貴在觀摩。採人之長。補己之短。斯能日臻上乘。乃赴港率領南華健兒遠征澳洲。返國後。並在滬組樂華足球隊。迨國府建都南京。被任爲外交部上海情報處主任。繼任情報處歐美科科长。前年升任典職科科长。去年改任駐菲中華總領事。至今年二月始就職。夫人陳瑞英女士。亦生長澳洲。後其尊翁赴美之波士頓城經商。女士亦偕行。卽肄業於波士頓市立中學。畢業後轉入音樂專門學校肄業。現生有兩男兩女。長子榮相。年九歲。次子榮正。三歲。長女美容。六歲。次女美意。生僅年餘耳。夫人擅交際。操極流利之英語。誠堪爲君之內助也。

菲律賓賓華僑名人史略

## 吳記藿

先生名記藿。福建南安十六都詩口鄉人。幼時資稟穎悟。然賦性崛異。不屑受塾師束縛。因小過爲師呵責。輒逃匿於蔗園。積碎石土塊。築屋以自玩。屢成屢圮。屢圮屢成。雖遊戲爲之。已具他年實業建築家之智慧魄力也。越年。乃輟學而事墾牧。效漢卜式蘇武之宏圖。而更有志於經商。孔門樊遲學稼。子貢貨殖。先生思以一身兼之。年未弱冠。卽稟商二老。欲出洋向外發展。以擴其抱負。二老許其請。遂渡重洋水。須用小舟盛往。既苦挑入。又須屛出。手續殊緩。先生心靈手敏。於船底暗鑿一穴。盛水時。塞其孔。迨麻滌淨。則

。至菲律濱棲息焉。初僅作鋸梳之小工。所入甚微。拮据終歲。僅領番佛二十四尊。聊以餬口而已。夙興夜寐。孜孜不倦。會有麻商連麻來坭。將抵境。船觸礁擱而損。致麻盡漬鹽水。欲僱工洗滌。先生效毛遂自荐。亦入僱工之列。時坭地尙無自來水之建設。洗麻之




吳記藿先生

拔其塞。俾水自流出。事半而功倍。未幾。麻已洗盡。先生因工捷而得報酬十九圓。卽以欸業小販。奈人地生疏。顧客殊少。不及數月。虧蝕殆盡。適值華商劉君聘爲經理。自後勤奮經營。其業賴以發達。獲利頗豐。先生亦得酬金不少。乃自營一家。付胞弟某及房親分任其事。先生仍爲該店經理。年廿六。承母命返里成室。無何。又渡垠。時友人林雲梯君因事欲歸家。店務囑先生代庖。力辭不獲。始就職。林君係埠中殷商。不幸遭祝融之災。全店付之一炬。且未有保險。損耗鉅甚。所存者僅三千餘元。林君素安命。徒喚奈何而已。幸知人善任。獨具眼識。先生受其付託。慘淡經營。十有二載。林君皆任先生爲政。不加肘掣。嗣後結算。卒得三百餘萬。是皆先生之力也。而先生所得分潤。亦有百餘萬矣。先生熱心公益。尤洞明教育救國之旨。目擊菲人教育進步之速迅。回顧祖國教育幼稚。致以四千餘年之文明古國。較之新進海邦。事反落人後。恆憤憤疾首。引以爲憾。迺於光緒末葉。遄返故里。倡辦兩等小學二所。民國九年。復於泉州創辦嘉福高等小學。學生達四百餘人。凡先生所立各校。概免學費。於是莘莘學子。鱗萃幅湊。爲泉州冠。惜其後。地方多故。盜匪猖獗。當局爲安全計。派兵駐守。所有校舍。盡被兵佔。因而停辦多時。殊爲憾事。當歐戰興。先生倡設長江椰油廠於菲境。廠地離城二華里。面積約九萬方米突有奇。嗣因廠之曠地。更設豐年麻袋廠。暨神農肥粉廠。竹林紙囊廠。漢冶萍鐵釘廠。鴻利食品製造廠等。以期發展實業。與外人並駕齊驅。其建築之規模。皆先生自行擬定。旅菲同胞以先生望重。歷舉之爲善舉公所董事。中華總商會董事。教育會董事。中西學校校董。中華布商會會長。菲律濱華僑聯合會協理。及南安公會委員長。中興銀行董事兼實業部主任。擘劃經營。均多所裨補。方民國初立。先生任善舉公所董事時。對於公所附設之崇仁醫院。銳意整理。蓋被舉爲該院調查主任也。凡病人及執役者之衣服。均先生選購布料。由其夫人親自裁製。又如藥料之配合。伙食之供給。病人之待遇。均親加檢視。纖細不遺。病人之稱頌者異口而同聲。院中慣例。如遇調查員蒞臨。司關者必鳴鐘通報。俾院中職員知所準備。而調查員亦以此顯其體面。故事多敷衍塞責。先生深不以此例爲然。到院查。

必戒鳴鐘通報。且無一定時間。因屢發覺其中弊端。於是各職員咸有戒心。唯勤唯慎。先生任事認真類如此。乙丑之夏上海約翰大學學生。爲國公憤。離校自創光華大學。先生嘉許其志。慨捐鉅資。俾底於成。丙寅之歲。國民軍奮興粵湘。由武漢皖贛閩浙。轉戰數千里。星馳電掣。以達金陵。奠定首都。再接再厲。繼續北伐。以竟全功。先生軫懷時局。輸助北伐費鉅萬。方是時也。先生更極力奔走。聯絡各方。召集大會。改組救鄉會爲國民協會。大舉募捐。計得十二萬餘金。以助北伐。先生之努力黨國。厥功偉矣。湖自孫總理在前清運動革命之時。先生已曾暗中聯合同志。輸款匯濟所需。先生蓋美屬小呂宋國民黨中之最忠實者。曾任總支部執委兼常委。慨捐鉅金。組織國民黨童子軍。中央黨部嘉其熱誠。卽委任之爲菲島童子軍委員會主席。濟南慘案發生。先生痛強鄰之橫暴。覺航空爲救國之要圖。起而提倡航空事業。未幾。廈門民用航空學校。卽得成立於鷺島。計先生於此舉。所輸之財。不下二十萬金。前年中俄戰事作於東北。先生又購德美戰鬪飛機兩架。獻與國府。以佐禦敵衛國之利器。軍政部及航空署。特贈「眷懷祖國」爲國捐輸一匾額各一方。今春中央委員林森募捐中央黨部建築費。先生亦以萬二千元應之。其愛國愛黨之熱誠有如此者。先生於教育事業。犧牲亦鉅。舍在故鄉設立學校外。捐資於菲島及海內教育機關者。計有十餘萬金之譜。如岷中普智學校之建築。捐助五千元。南安詩山職業學校。捐助二萬元。上海南洋商業高級中學。安海南星中學。泉州華僑女子公學。培元中學。西隅學校。亦先後各捐數千元。若是者不勝列舉。餘如埠中各華報。多有賴其財力以興辦者。桑梓之慈善機關公益事業。如泉州惠世醫院與泉州中醫院。捐資數千元。泉州花橋施藥局。婦人養老院。開元慈兒院。則共捐基金三萬元外。並每年捐助施藥局千元。二院各數百元。顧先生自奉甚儉約。敝衣惡食。不以爲恥。家庭亦力戒奢靡。惟其慷慨捐輸。則爲菲島華僑冠。如先生者。蓋可謂華僑社會上之一大熱心人也。元配謝氏。繼室侯氏。得七男二女。長男早世。次男鄉居。三男啓標。現經理岷中商務。四男啓秀。在上海經理分行。五男啓新。於舖中掌財政。餘則在肄業中。長女已出閣。次女珠玉。現肄業廈門大學。行將畢業。

。先生生於公元一八六六年。今年六十五歲。旅菲已逾四十載矣。



李 清 泉 先 生

## 李清泉

四

李君清泉。福建晉江石圳鄉人。父昭以

。素旅菲經營木業。得子三。君居長。

幼就鄉塾讀書。敏而勤。在兒曹中。便

卓爾不羣。然不羨筆墨之生涯也。十三

歲。渡岷。依父謀活計。初爲傭於廠中

。洒掃負木與椎髻胼胝者。共執賤役。

暇則從師學英文。每自習至午夜。又知

不求深造。弗足以資商戰場中之馳騁也

。乃負笈香江。入聖約瑟書院修業。志

致而心專。刻苦研摩。進境良速。年十

七。返菲。父以其才足以任事。遂委之

主持業務。時資本無幾。生意未發展也

。君雖未治周官讀管子。顧殖貨之道。

能從經驗而會通之。故持籌握算。多無



遺策。尤可異者。伍傭工。肩柱曳椽。勞其筋骨。耐其苦辛如故也。而成人之後。好學之志彌堅。治事餘晷。手不釋卷。自修之勤。古之囊螢鑿壁者。不多讓焉。數載中。商務恢張。利源猛進。繼與美人聯絡。得購黑人省森林山場。因獲奇贏。頓成巨富。年未而立。已爲木業界之翹楚矣。自是望重社會。疊充各團體名譽職。先爲中西學校董事。嗣則發起組織華僑教育會。而屢董其事。向來中華總商會會長。皆前輩巨商。始克當選。君三十歲。卽受推舉而任之。且連任六年之久。其爲商界所崇仰可知矣。民國五六年間。歐戰方酣。美國參與之。乃大募軍債。而及於菲島。時總督夏禮遜。以華僑以財雄是邦。邀請君等。商分售債券事。君爲提高華僑地位計。立允擔任。募集百萬元。後券售且逾額。吾僑商遂受美菲人之稱許。歷屆紅十字會之募捐。僑界素少輸將者。自君居商會首領。逐年爲鳩巨款。或遇賑災。尤加意勸捐。俾外人知我僑民。本胞與爲懷。非孳孳爲利。以自私其身者也。西歷一九二一年。卽民國十年。菲島議會。設立西文簿記條例。僑衆以此等歧視我僑商之法律。倘容實行。爲害於全體之商業者大非淺鮮。羣情惶恐。誓出全力以抗爭之。方議會之未通過此案也。君卽邀同商會副長薛君芬士。西文書記律師劉窩。往謁兩院議長。辯論至三小時之久。期可打消是案。詎意兩院協議後。遽於閉會之夕。倉卒表決。君等坐守終宵。不露倦態。弗料菲議士之固執偏見乃爾。於是僑衆彌增憤慨。特開大會。組織臨時幹事。與經濟兩部。辦理交際事宜。推君主持大局。並舉律師薛敏老。殷商吳克誠爲代表。赴北京呈訴。並渡美。向其總統與國會請願。而閩島華僑各團體。更組成聯合會。爲抗爭此案之後盾。亦票選君爲主席。迨薛吳二代表回菲。是邦議會。又將開幕。君復代表僑商上書兩院。請其取消該律。尋參院司法股。開此案審查會。君與薛君等。赴院與議員股長等。舌戰久之。非議士語塞。然苛例只延一年。而不得根本取消也。君爲貫徹主張計。再接再厲。復召集華僑大會。決定繼續抗爭辦法。先刊發簿記案報告書。都五六萬言。俾僑衆備知抗爭經過之詳情。並藉以鼓舞其堅持不懈之勇氣。卒也。案歸法庭審理。由地方廳。而高等廳。而美國大法院。吾僑終獲勝訴。簿記律乃以廢。是役也。僑胞固合羣策羣力。

以奮鬪。而君善總其成之功居多。其盛名亦以是震於海內外。僑界素乏金融機關。經濟盈虛。輒爲外人所操縱。君於民國八年。出而倡辦中興銀行。至今猶連任總理者。又投資於國內中南銀行。亦被推爲董事。左海光復以來。閩南多起匪氛。吾僑固有救鄉會之設。僉以君輿望素孚。舉爲主席。後改爲國民協會。會國民軍北伐。領導籌餉。得十萬金而強。南京國府成立。當道嘉君勞績。由財政實業兩部。聘任顧問。示褒獎也。京中開二五加稅委員會。君亦列席委員之一。前年氓中組國貨委員會。君主其席。去歲政府國貨銀行成立。便舉君爲監察委員。其見信重於京華執政諸公。可概見矣。君性沉毅。不露鋒銜。遇事恆胸有成竹。處之裕如。不僅如程白之擁巨資令人欽羨也。於公益義舉。捐資累巨萬。不勝其翬縷焉。文化事業。尤所注重。華僑商報。及新閩日報皆君倡辦者也。其所營企業。如李清泉父子公司。黑入省木業公司。菲律濱木業製造公司。規模甚宏壯。君皆爲總理。外人有稱之爲菲島木業大王者宜。其在社會中一言一動。舉足輕重也。君現年四十四歲。夫人顏氏。有淑德。生九男二女。民國十八年。君爲考察商業。遊歷歐美東洋。足跡遍名城大都。其眼界之廣。又爲吾僑閩中得未曾有者也。

## 林珠光

林。君姓也。珠光名也。字與號闕如。不尙乎文人之習氣也。古閩忠明之禾山。君原籍也。小呂宋之氓里喇。君所生與求學地也。雲梯考也。兄弟六人。君行第四也。中西學校。母校也。勝泰布莊。君承先人業而經營者也。華興銀行。君投資組設而歷董其事也。廈門雲梯中學。君其校主也。菲律濱西河堂董事。中華總商會職員。華僑教育會董事。中華青年會會長。君所任之社會團體名譽職也。體育與教育。生平提倡鼓勵。不遺餘力。慷慨犧牲。鏗而不舍。可謂君所異常注重而覺有無窮興趣之兩種大事業也。幼時而蒼黃。體孱弱。勝衣就傅。卽好體育遊藝。積月累年。遂成爲儀容俊奔筋肉發達之

體育家。未弱冠。便捐資組織僑界之球隊。青年會未實現前。已見推爲中華青年體育會會長。迨體育會改組。青年會成立。乃任體育部田徑隊主任。是部經費。多賴君輸助。會左海開全閩運動大會。君被舉爲青年會代表。率華僑運動員赴會。所需資斧。亦君擔任之。平時最

喜籃球戲。因著意於籃球隊之訓練。隊員皆卓爾

不羣之好身手。與菲美人戰。屢


奏凱。名揚遐邇。久執華僑籃球

界之牛耳。民國十五年君領隊如

武昌。參加全國運動會。獲勝而

還。譽滿海內。十六年其隊乃北

詫爲支那人之創舉。蓋以華人球隊橫行美利堅版圖。自來未之有也。之三役者。君用資在七八萬元之譜。疊次遠征。青年會全體。皆開盛會以歡送之。其凱旋也。則又羣集而歡迎。致詞以美之。且編專刊以記其事。留爲永久之紀念。而球隊足



征扶桑。與三島壯士角

雌雄。從神戶。而橫濱

。而東京。五戰五克。

以武士道自豪之木履兒

林。咸咋舌而駭汗。君之

球隊由是蜚聲於寰瀛。

稍爲見稱病夫之黃胄吐

氣揚眉。十七年。君又

統其健兒。乘風破浪。

渡太平洋。長驅美洲。

至之日。電音紛馳於四

表。由金山轉戰而底西

雅圖。至於紐約。美人


跡之所至。東西兩洋之名城大都。亦皆知菲島有林珠光者。爲體育界巨子。此君注重體育事業之偉績。而享盛名者也。雲梯學校爲君家所獨辦。建築之款。及歷年經費。已逾十五萬金矣。廈門雙十學校之創建。君助以重資。迄今猶供常費。以維持之。上海光華大學之健身房。則爲君所建造者。此間之普智學校與華僑中學及宿務中山學校。君皆樂輸巨款。以贊其成。而海內外各學校之募捐。慨然解囊以應之者。更不勝枚舉。然君造就人才之意志。又有遠過於所謂熱心家者。其所欣送東西洋以留學者。或教育。或美術。或體育。或醫學。於日一人。於法一人。在滬二人。在菲二人。美國則五人。爲費之鉅。可以測矣。此君之注重教育事業。爲受惠者之所深感。而得名猶其餘事者也。又凡公益慈善事業之舉。君無所不助。募善緣者。必登之君門。捐金萬元。爲青年會建築費。其昭然較著者。統計所輸將之金錢。常無算也。其他之瑣瑣屑屑。於人皆可道。於君則無庸言也。美之者稱之質樸溫藹。罔有夸飾。富而能施。不做無驕。擁資數百萬。曾不恃財而自矜。聞者幾咸以爲非過譽也。而立。君今年也。劉氏君之母。有淑德而具婆心也。黃氏如意。君之德配。稱賢婦也。得一男。現在僑校讀書。述君生平之梗概。以播揚於當世。使邦人士有所觀感而效其貢獻者。菲律賓名人史略編輯社也。

## 陳迎來

陳君迎來。福建思明縣禾山人。三歲失怙家素封。兄弟六人君最幼。七歲時進里中之蒙塾。頗能奮勉。在兒曹間稍稍露頭角。以家計中落竟爾輟學。遂於公元一八八四年南渡小呂宋。年方十有五也。初依其戚供商店職。事似無特者。惟志殊不弱。工餘從師研習西班牙文學歷數稔。並勤學士著方言。俱能通曉。足資應用。計在商場十載。潛求精進。商業上之學識與經驗。俱有足多者。兼能吸受歐西風化。其思想泥古守舊者有以異。迨積蓄微資可謀獨立。卽於一八九〇年開張布店。營業頗利達盈餘益豐。第君不以零售商自滿。銳意進展求爲製造家。乃於一九〇二年與宋圃君合資創辦一小酒廠於范倫那

街。辦事所則另設於知彬彬街。其行號即今馳譽遐邇之馨泉公司也。至中華民國紀元後二年。公司分拆。宋君將股本盡數抽出別自經營。君自是獨自振作抖擻精神煞費苦心。而生意興隆。亦與時並進。現君之酒廠設在本埠未拉示計。其廠屋及機器等項。值資甚鉅。君又於一九二八年建築巍樓於火燒埔為辦事所。宏敞壯觀匹者良少。君自任公司總理兼總經理。而舍自創之酒廠外。復投資於亞

悅撈酒業公司。邇來君佔該公司之股本已百份之九十五。其總理一職。亦由君任之。計此兩廠每年繳納政府之酒稅。達二百萬元之譜。其營業之懋盛可概見矣。一九二二年君更組織摩托火酒公司於東黑人省。後再設立買怡示酒廠公司於買怡示省。此二公司之大股東均惟君首屈一指。其總理與總經



理亦均君兼任之。計此兩公司之酒廠共有五所。一在民羅洛。四在東黑人省。每年所產火酒約八百萬加倫。除銷售本島者外。則運往中國等處。島中營酒業者。當以君為巨擘。人稱之為酒大王非溢譽也。而君企業尚不只此。如在武拉干省。則闢有魚池將近千海脫爾之大。在加查鸞省則設立未吹公司。經營糧食兼收羅各種土產

。且投資組織中興民興兩銀行及撈于閩貨資信托公司。為數頗鉅。君皆任該銀行及公司之董事。餘如福建造紙公司。廈門大同陶化罐頭公司。暨中國國貨銀行等。亦均有投資。并曾承買鷺江馬家花園。為異日優游之所。然壯志未懈。尚矻矻於鴻圖。而對社會公益事業。素極熱心斡旋。在二十餘年前即出維護僑界唯一之教育機關中西學校。又鑒於華僑子弟日見其

多。一校不足以容納之。乃與諸熱心人謀組教育會。議抽收營業附教捐。爲擴充教育之計。於是中小學校以漸增設。迄今已有八校。每年教育經費所需不下十萬金。連任教育會長歷十有四屆。其間之焦思策劃。設法維持。辛苦艱難可想而知。華僑教育有今日之成績。君實與有功焉。前上海中華職業教育社。派員來菲募捐君樂捐巨款以贊襄之。遂見推爲永遠之名譽董事。此外僑界之各種重要組織。如華北賑災會。抗爭西文簿記案委員會。閩僑救鄉會。國民協會。君皆任其要職。去今兩年。則連任菲律賓中華總商會會長。又任中國水災救濟會委員。旅菲泉永民團後援會。與華僑救國委員會主席。其在

吾僑社會之譽望如此。君有八男七女。長男次男均曾留學美國。現正佐理商務。長女已於歸。三男卒業於中西學校後曾轉入廈門英華書院。四男尙肄業於中西學校居中初一年級。其餘男女亦均在華僑學校修業中。君年已六十有二。然矍鑠健壯。猶如五十許人云。

### 黃念憶

黃念憶 先 生

黃君念憶。次章義衣。福建晉江廿都金埭鄉人也。父諱永摺。在十九世紀末葉。已在岷里喇營小鐵業。君七歲進故鄉私塾讀書。至十一歲。應父命南渡來菲。學習經商。雖尙爲童子而治事頗類成人。有餘晷則兼修西文。父甚器重之。料其能立業不愧爲長子也。時其父所創之鐵店規模未大。君智識與年俱進。苦心焦思佐之經營。其業日益進展。未幾父歸里養老。然易質


之際殊不以店務望懷。蓋深信君克勝其任。且有以光大舊業也。自是君與其弟綱紀一切相助爲理。不數年生意發達。財源廣進。擴張之速。有足令人驚異者。民元初。已爲此間鐵業界之巨子。華人所稱舟仔岸街之最高洋樓。卽君之鐵行。號稱 Ty Chao Sons and Co. 黃聯興鐵業有限公司者也。爲人沉靜寡言。而生財之道。胸有成竹。建置屋業之外。又投巨資開設大規模之米綫。華僑第一家銀行名中興者。君亦發起人之一。成立以來歷任其董事。今之數僑陶白程羅者。君必盡其一。

對於公益事業多所贊助。數任善舉公所及華僑教育會董事。前曾被舉爲總商會副會長。現仍居董事之列。抗爭西文簿記案之際。君亦交涉委員會之重要委員。凡國內及華僑社會之倡辦善舉與教育事業。有向君輸金錢者。慨然有以應之。夫人王氏稱賢內助。生九男二女。均受相當教育。男之長成者咸在行中任要職。長女已出閣。幼者皆在肄業中。君年五十有五矣。然尚健。治事之精力未弛懈也。現猶爲黃聯興有限公司之總理云。

### 李文秀

李文秀先生

先生姓李。名文秀號祿曾。父略生。世居閩晉江岑兜鄉。幼孤露。稍長。事母孝。有遠志。南渡菲律賓濱。供其舅肆職中。耐苦過人。工餘勤習西文與方言。尋得其舅賞識。擢任茂豐行經理。中經回國省親兩度。始去茂豐行。而自組新合美公司。初資本未厚。艱難締



造。極胼手胝足之勞。迄十餘年。厚積多藏。執商界牛耳。先設分部於甘馬仁黎牙實備亞啣各處。繼拓支行於怡朗宿務班里記等埠。日所出入。累千盈萬。人謂先生多金。由於善賈。實則先生有成。基於篤信也。先生性情和藹。處事沉默。族親窮苦。培之植之。故舊糾葛。排之解之。對公益事。尤不遺餘力。如中華總商會。善舉公所。中興銀行。泉州華僑女子公學。佩實學校。俱歷任董事。卽任抗爭簿記案委員會經濟主任。銀江學校董事會主任。又皆克盡厥職。稽其過去。於義舉貢獻頗多。故得邀省府遠錫樂善好施匾額。今也杖鄉將屆。精神奕奕。而蘭玉森森。尤足令人艷羨也。

### 李鋒銳

李 鋒 銳 先 生

李君鋒銳。昭以君之次子清泉君之令弟。僑界木商中後起之秀也。藉貫福建晉江石圳鄉。幼時入書塾。聰穎異羣兒。稍長。轉學廈門同文書院。便存宗愨之志。年十五。南渡來岷。自覺學業尙未盡萃。遂於明年赴香江。進聖約瑟書院。求高深學問。計歷四載。十九歲。始返斐利濱。初任成美公司職務。助其父若叔經營商業。不數年。持籌之道。殊有可觀。會公司分建力洛斐利濱木廠及斐利濱木廠製造公司君被舉爲當事。並歷任副總理之重職。於是君於木業一途。更加諳陳。民國十七年。卽西歷一九二八年。乃自行組織李鋒銳木廠公司於岷城之范倫那街。自任總理以本人姓名。爲商店公司之號。蓋菲洋習慣也。至其屋宇之宏廠。規



模之壯大。殆於木業界中。可屈指數矣。無何。又創立山描禮氏柁山公司。亦自任其總理。於短時期間。商業之進展。至於如斯者。誠不可多得也。君於公益以及體育事業。恆踴躍輸捐。間亦樂任其勞。曾充中華青年會董事。及木商會會長。歷任總商會董事。現又被推為司庫。君年才三十四。在社會團體中。已歷任如斯要職。足見其居商界之位置為何若矣。夫人郭氏。閨名錦綢。膝下子女六人。男五女一。男名景星景運景岳景寧景昕。女曼雲。均寓岷。在埠中著名學校肄業。

## 鄭漢淇



鄭漢淇先生

鄭漢淇醫士福建思明縣人。父諱質仁。有遠大眼光。知海禁開通之世。僅治國學者。不足成明達之士。且無以應社會環境之需求。遂送先生到福州英華書院求學。時在民元前廿年也。先生既通法盧文字。便有志習西方醫術。蓋以良醫之功。等諸良相。濟世之方。莫此為尚。而醫道貴乎實驗。非只憑空文所能深造者。西醫之長。原在乎是。是以未弱冠即赴香江醫科大學

修醫科。歷五載。得醫學士學位。於民國前十年來菲行醫。時美人已管領菲島。政府衛生局當道。以中國僑民多。欲得一華人醫生。以充要職。先生適中其選。連任至二十年之久。方先生初渡菲也。我國同盟會中人。正在海外各處運動革命。僑民受相當教育者無幾。思想多落後。聞革命事業。大都悚懼。如談虎色變。間有守舊者。且謂欲中國富強。與外邦並駕齊驅。非有真命天子出。不可得。先生在彼時可謂先知先覺者。於革命之運動。殊熱心努力。每在舞台上。以革命即真為命。為僑眾說法。素擅口才。一登講壇。恆娓娓動聽。使聆者鼓掌。不覺有倦。向來在僑界有大演說家之目。旅菲民黨人

。初組同盟會。先生出爲發起人。遂見推爲會長。設普智書報社爲機關。任社長者二十一年。後同盟會改爲國民黨。組織支部。先生卽受舉爲部長。民元之際。黨中同志以宣傳主義不可無言論機關也。先生乃發起組織公理報社。業醫餘暇。兼盡義務。爲報紙繙譯新聞。計自該報成立後。連任總理九年。華僑崇仁醫院爲善舉公所所辦理。先生平日服務僑界歷任公所董事兼崇仁醫院院長爲時經十有餘載。其得僑界之信仰。有如此者。而新建之西醫院。內部組織日臻完善。外人參觀者。咸嘖嘖稱道。先生主持之功尤居多。先生不獨熱心慈善事業。於教育商業。亦至留意。華僑教育會及總商會之組織。均得先生發起而參與焉。會員因屢推先生爲董事。七稔以前。僑界有組織青年會之新事業。先生爲造福青年計。首先提倡之。居會長之職者。相繼共六年。蓋僑界重要團體。幾乎無有不得先生爲其柱石者也。先生在菲懸壺久。不但醫術之精。譽垂僑界。而兼營商業。又殊形隆盛。其所開張之中興藥房久已馳名遐邇。華興銀行。亦先生投資之企業也。現尙任行中董事。至先生於革命籌餉。及各項公益之事業。亦多所輸將。故凡有募捐者。必登先生之門。平日對於文人教師之就醫者。往往却其酬金。其慷慨誠有足多者。先生居長。年已五十有二。夫人王輝蓮。生七男一女。男名建安建邦建華建中建和建祥建東。女名彩雲。皆聰穎而在肄業中。伉儷甚篤。素極反對多妻主義。嘗謂老妻如老酒。彌久彌佳。聞者以爲至言云。

## 吳澤探

吳君澤探。福建晉江十八都西吳鄉人也。父元鏡。本與先人營木業於岷城。君幼時在故鄉書塾讀書。十一歲便渡菲。時菲島爲西班牙政府所管領也。不諳西文通土語者。無能與外商交易。君乃入西人所設之私立學校。專攻西文習土語。歷四載。略通其語言文字。遂輟業。卽在其祖考所創設之木行佐理業務。而貨殖之長才。便有以表見。至二十一歲。因祖業分析。乃自樹立。開張合盛號。任其經理。逾三稔。規模已可視。廿四歲歸國省親。未幾。其手創之業。忽遭焚如之變。君聞




吳澤探先生

耗始復渡菲。至其赤手如故矣。惟信用素昭。早爲商界所欽重。而親朋戚友。俱識君有經商幹才。於是協助其重整舊業。君性耐勞。勤於治事。策劃指揮。矻矻而不倦。不數年生。意發達。有過於往時。自是財源廣進。便從而擴張之。民國紀元以後。成爲木業之鉅子。今丹槐街華屋巍然。君之木廠也。分支各號。均在進展中。有賢昆仲相助爲理。鴻業之隆盛。有以也。君爲人爽直嚴正。於公益事業。多踴躍贊助。且富責任心。與有始而無終徒竊其名者迥異。前爲善舉公所總理。連任五年。其間有人提倡建築崇仁西醫院。君樂任其勞。出而奔走募捐。鳩集二十餘萬元。新醫院遂得落成。其讓德堂董事。則連任至二十年之久。其爲僑界與同宗之推重。始

罕有其比矣。又曾爲總商會董事。公理報社總理。木商會會長。西吳私立學校董事。皆足見其於公共之事業有相當之貢獻也。而對教育及善舉。輸財良多。貧苦僑胞無力回國者。君輒贈與船券川資。使慶生還。受其惠者。殊未可計數也。數年前。君喜捨黎利省。巴西之地產二千方米達以建市場。該省之當道曾嘉獎之。君兄弟五人。已居二。原配陳氏。生兩男二女。長男在本行助理企業。次男現在廣州航空學校肄業。蓋君亦航空救國之信徒也。長女已出閣。餘者尙在求學中。君爲中興銀行之發起人。年歷爲董事。今年五十有七。開設之木行。有合和興合和新合和合興等號云。

## 曾廷泉

在菲律賓華僑社會中。談豪爽激昂個儻慷慨之流。誰其不曰曾廷泉。君名廷泉。字漢水。原籍福建南安二十二都湖宅鄉。民國紀元前。廿二年。(西歷一八九〇年)生於菲律賓。父諱文榜。前曾在菲經商數十年。母周氏。名直禮沙。爲旅菲故僑商周王君僑生女。周君漳州石碼人。與在菲之西班牙人之僑生女結婚。生一男一女。女卽君母。其男則已菲化矣。西歷一八九七年君隨父母回原籍。八歲入塾讀書。父則返菲經商。留其母養護之。十歲承父命。進廈門同文書院肄業。甫一年。父忽在埠病故。君得耗遂回故里隨侍其母。年十二。奉母命往廈爲伯父文昆助理店務。職任司賬。至十三。卽在廈與同學合資開果子店。越一年又開一酒店。營業皆頗發達。後乃與郭媽廷。陳銅鐘。曾盒。洪潤榮等三十人效桃園故事。結契爲兄弟。並集所交遊。組織同志會。以濟困扶危。懲戒不良官吏。反抗外人勢力爲宗旨。時君僅十四齡耳。不暮年。遠近



曾廷泉先生


人士加入同志會者。竟達八百餘衆。君連任會之總理數年。時南洋華僑自海外歸國。經廈門者。每被英人所把持之海關橫施侮辱。敢怒而不敢言。及西歷一九〇六年。適有同志會會友李長義。及華僑數十名。由星嘉坡回廈。因稅款問題。發生糾紛。英人遂將長義及諸華僑拘禁之。長義略與抗辯。卽被英人及諸走狗痛毆。背骨折者二枝。同志會聞事。立開大會。計劃對付。並與廈中各社團聯合。議決澈底排斥英人侵略手段。改良海關陋規。越日便率同志及市民浩浩蕩蕩往打番關。(時廈人稱海關爲番關)常人視爲神聖不可侵犯之海關。竟被折毀一隅。關中英人及僱員。多受毆打。且死一人。同志會會員。及市民亦死三人。傷者數十

。然民衆愈集愈多。毫無退縮之意。後經地方長官。蒞場向民衆解釋。乃漸退。是晚公議再進攻。則以天忽大雨。而不果。嗣由各幫行商及官長力向各社團勸止。交涉數日。事方結束。明年春。同志會議決參入革命運動。但地方官緝究甚嚴。故不能多所活動。時洪提臺復在廈嚴捕革命黨人。同志復被其擄殺者不少。君亦在被擄之列。本諸行商。力保得釋。再捕再保。至於三乃已。是年冬。諸同志力促君出洋。因乘輪往星嘉坡。詎當局忽派軍隊下輪追捉。同志多被拘。有格殺者。君則以受傷跌於海。幸遇救。遂逃還鄉。而該輪駛至中途亦沉沒。又明年春。君乃同母潛渡菲。服務商場。並加入華僑旅菲革命機關之普智閱書報社。及同盟會。努力革命工作。一九一〇年與岷中知交。黃奇璇等十餘人。組織化蘭軒。旋改組爲華僑青年同志團。團友數百人。多僑界青年。旨在研究學問。并戒嫖賭飲惡習。一時頗爲社會所推重。如當時三巴洛公娼區口妓。被諸華人所弄。竟勞駐菲日領提向我國領事交涉。卽該同志團所爲。蓋欲提醒僑界之誤入迷途者也。自是華人往遊者漸少。日妓營業殊受影響。後卒被堪市政當局驅逐以去。民國元年。君二十二歲。卽往葦描依絲夏甲萬那端埠設壹百貨店。四年兼任其他商店經理。後又組織一大公司號曰 *Tinto Cabo Chan & Co.* 蓋以君西文名爲號也。專營土產米穀。業甚盛。時菲總督爲美人夏里遜氏。性好遊獵。時赴葦省遊覽。與君過從甚密。華僑有與菲人發生交涉者。常得君之助而獲勝利。葦省華僑爭回義山地域。君之力居多。至今此事猶嘖嘖於人。君爲華僑永久計。着意華菲親善。後秉其扶危濟困之素志。拯濟菲人災難。贊助葦省貧窮華僑歸國。葦省菲人俱樂部。君亦參加之。連任其總理。其得菲人之推崇者如此。君購得菲人田地三仟六百餘畝。因當未開墾。地價尙賤。值僅菲幣拾萬元耳。以墾以殖。所耗十餘萬。嗣地價漸漲。一九一八年。已值壹百餘萬元矣。乃菲人有忌之者。忽呈菲督。請令制止君墾殖。於是訴諸法律。從地方法庭。涉訟至大理院。計歷五年。時夏禮遜已去任。繼督菲者爲渥德。君失奧援。竟敗訴。然菲政府又許君得六百畝爲產業。案以結。民國八年。被任爲中華駐菲葦省名譽領事。民九在葦組織中華商會。並與熱心僑商倡設華僑共濟學校。培養華僑子弟。後改組爲

大新學校。現尚繼續辦理。西歷一仟九百二十四年。菲報謬言在滬菲人慘被殺害。菲人以誤傳誤。乃發生排華風潮。蓋省華僑。幾至不保。蓋在風聲鶴唳中。菲人忽起暴動。華僑呼籲無門。勢幾束手待斃。君見事危急。遂要省長及地方長官。出而露天演說。向諸菲人解釋誤會。並以全家廿餘口之男女爲擔保無此事實。全省華僑生命財產獲轉危爲安。無何。風潮平息。十五年被選爲菲律賓羣島華僑各社團聯合大會副會長。十六年。任會姓三省堂總理。十七年爲中國國民黨駐菲岷支部指導委員。十八年被舉爲菲律賓華僑反日大會主席。厲行中央黨部嚴令取締奸商之命令。黨蠹之販仇貨者。尤爲所排斥。奸商皆屏息畏懼。菲島華僑反日運動。熱烈激昂。冠諸南洋各處。君之力也。十九年。俄寇犯邊。遂被舉爲華僑抗俄委員會主席。是年因業務叢集。向府國請辭名譽領事職。獲准。後又被中央僑務委員會。聘爲顧問。蓋省土著以君生此土。可享市民權利。例得爲官吏。羣欲選舉之爲省長。而君則固辭。不願被選。然西菲報章。已爭載其事傳達遐邇矣。君歷任菲律賓華僑仁義團總團主席。每逢祖國提倡賑災。或政府機關以及地方慈善團體。派員來菲募捐。無不竭力匡助。並自樂輸以爲之倡。故得僑界之信仰。稱爲領袖。無論個人或團體。發生糾紛時。君出爲排解。多能和平息事。圓滿解決。其造福僑界誠匪淺也。君性倜儻。重義氣。每當啣杯引滿。談不平事。便拍案叱咤。不亞於擊碎唾壺之激昂狂態。間有令乍見者舌橋而股慄。其類燕趙感慨悲歌之士歟。蓋亦華僑社會之豪爽不羈者也。

## 鄭漢榮

鄭君漢榮。籍貫福建思明縣。岷埠僑界名醫漢洪先生之介弟也。君七歲。入廈門教會學校肄業。十四歲。便思作自立計。與友人南渡星洲。未得治生之機緣。旋轉赴台灣。依其父質仁先生。實習商業。歷五年。始來菲。先爲埠中某布店職員。三年餘。薄有囊積。卽回國省親。越年返岷。仍舊貫以資生計。無何。改任公理報印務部。事又三載。年廿有六矣。時民



鄭漢榮先生

國紀元後二年。即西歷一九一三年也。其兄與楊君乃甫。組織中興藥房。委君以相宜職務。君勤慎守己。百凡可靠。至民國十年。楊君亦自開藥房。君因舉平時所積。投資於中興。兼以合股者資格。任總經理。於是全盤生意。由君主持之。連年着力。經營藥房。以漸擴充規模。日益可觀。其聲譽鵲起。亦為社會人士所信重。且君遇事富有責任心。僑界團體中。舉君充名譽職者。數稔以來。不一而足。如善舉公所董事。連任五年。兼司庫者則兩載。華僑青年會。君亦副董事部之列。今年則被選為總商會董事矣。德配蘇氏。聞名秀金。生六男二女。舍幼穉者外。皆在僑校肄業。君現四十四歲。以曾投資於中華印書館。及華僑商報社。故兼任該館之司庫。及該報之董事。

## 楊孔鶯

楊孔鶯先生。福建南安拾四都後坑鄉人也。為菲島華僑木商中之巨子。其所開之木廠。號振益。在范倫那街。馳名於島內外久矣。以居木業界之前輩。被推舉為木商會會長。然先生之聞名於社會不在此也。十稔以前。菲島代議士為抑制華商。特通過簿記律。令華僑之經商者。所有簿記皆須以西文或英文或土文。此律一行。不啻制我僑商之死命矣。我僑胞勢在必抗。願是邦重法治。事事不得平穩者。須訴諸法庭。而有令必行。違法者不能免焉。簿記律頒佈後。僑商數千家苦其不



楊孔鸞先生

便。皆蹙額而挾憤曰。奈何奈何。然多怯顧。而不敢挺身與嚴法抗。先生獨岸然自告奮勇曰。此律不廢。我僑無立足地耳。吾將當其衝。爲僑胞爭公利。百凡犧牲不顧也。遂悍然拒此律。被政府控告。不抗而訟焉。聞者咋舌。羣服其剛毅。自地方廳而高等法院而美洲大理院。訟事糾纏數載。先生週旋其間無畏顧。僑界遂盡識楊孔鸞其人。外邦人士談簿記案者。亦皆以楊孔鸞之名。謂其強項過人云。終獲勝利。簿記律已撤。僑界便之。先生之功偉矣。民國六年閩南匪氛初熾。先生適還鄉。怒焉憂之。倡辦自衛團。以保里黨而遏匪勢。此實爲閩南民團之嚆矢。自是各鄉師之。多有民團之組織。而先生之高明遠慮。遂爲閩南人所稱道。去歲高陳二匪部。猖獗於閩南。民團與拒。非有雄厚之力不爲功。當局乃請助於旅菲之僑衆。此間遂有泉永民團後援會之設立。先生被舉爲主席團之一。又以熱心過人。羣推之爲代表。赴京請願。其爲僑界所器重蓋如此。最近故鄉民團需款。派員來菲募捐。先生首先輸國幣五千元爲僑民倡。於是隨其後者。不敢慳囊。募捐成績乃大佳。當茲商景凋零之際。凡百捐款。皆憂憂乎難。獨民團之募捐。不數日間鳩集數萬金。可謂得先生提倡之力矣。先生素關懷教育。在故鄉倡辦道南學校。以培育鄉中子弟。輸將不少。在岷歷任宏農俱樂部總理。中華總商會。教育會。善舉公所。蓋華僑社會之聲望隆著者也。先生年雖五十有五。而精力尙強。其木廠分支於各省。又兼任東方保險公司之協理。事必身親。織煩彈舉。所謂能者多勞也。夫人侯氏。生八男二女。諸孫十餘輩。一家計四五十口云。



## 高 染

七十五歲翁高君名染。字標松。閩之晉江十九都龍穴鄉人也。父諱輝。在西班牙管領菲島時代。爲華僑之老前輩。其所業。閩僑稱曰客頭。蓋當時未有今日所謂海關之移民經紀。有新客來菲。多賴老洋客之熟悉是邦情形者挈帶而來。凡途中住宿客棧船中準備客位。皆由其一手經理。因號爲客頭。君自九歲進里中書塾。受業七載。至十六歲隨父來菲。先在小雜貨舖。俗稱菜仔店者爲傭。以作力餬口。君性耐勞疲其筋骨不辭也。越三年。奉父命回國完婚。翌年返菲。爲人司簿書。




高 染 先 生

所入較多。又以誠謹得東主信任。歷八載。歸國省親。乃覺自立之計弗可忽也。再渡菲時。遂向華僑首領陳最戈。即其銅像巍然立於崇仁醫院之陳謙善及居留地政府。請准叫庫營煙業。叫庫者。曩昔閩僑請向官廳包辦或種營業以圖專利之流行成語也。逾六載。既有贏餘。即於公元一八九一年在沙拉沙街。開東發紙煙廠。又經六歲。獲利頗豐。則分其資營米絞鐵器雜貨等業。君知人善任。各得其才以治其事。生意日見亨通。於是自行建築宏敞之煙廠。並置屋業以殖賃金。然君雖已居資產階級。而對勞動者尙表同情。扶掖援助。不遺餘力。前清光緒二十五年僑界發起組織華僑工界聯合會。後改名工務團體會。君被推舉任總理者六載。光復後曾代表

斯會。赴南京向民國新政府立案。因謁孫總理。深蒙獎勵。孫公勛其集資回國興實業。君極感其意。民國三年在鷺島開設愛國煙廠公司。思寒舶來紙煙之漏卮。願與勢遠。經營三載。爲情境阻碍。生意從而停頓。而垠中各業仍在進展中。君爲老洋客諳西文精土語。雖不讀律。而善解法意。訟庭手續殊了了。且處事有果斷。而性尤疾惡。飢法之徒多望而畏之。元配施氏。繼室董氏。皆賢淑。側室則係菲女。共生十有二男。女半之。君重視教育。在前輩華僑中堪首屈一指。故其栽培子女也。皆成俊才爲社會優秀份子。長男祖丙。曾師美國工程家希閱氏。三年而學成。能自製磨米機器。次祖望自少有志從戎。曾肄業福州之海軍學校。後以際遇所趨。任職美國東亞艦隊。以次升爲軍佐。四祖川。留學美國畢業法律科。得博士學位。現爲埠中名律師。五祖森亦留美卒業。成醫學博士。近在廈鼓懸壺濟世。七祖表卒業菲律賓濱大學工程科。八祖秉。亦肄業菲大爲建築師。均任稱其職。九祖儒。畢業黎薩大學成商科學士。擬再赴美留學。餘或佐理商務。或尙在求學中。女有家者。僅長女適吳。次適邱耳。君昆仲四人。殆以居長。得天極厚。故逾從心所欲之年。尙矍鑠有龍馬之精神。

### 詹孟杉

詹君孟杉。生長福建晉江二十都之港邊鄉。其尊人諱孔鑠。營小生意維持家計。屢空而乏故。君十四歲。始進里塾。而發蒙焉。越兩年餘。因覓食無暇晷。又須輟學。至年十九冒風濤出洋。驅於飢也。抵菲。先在某號任末職。初乏才幹。僅僅以耐勞勤力見稱耳。任職兩載。粗諳化居之道。賤取貴出。胸有把握。於是乃作自營之計。粒積些少。便於中路布市中。置布櫛販售布疋。自是居然小坐賈矣。經營四稔。略有贏羨。遂歸里娶婦。生意托人掌理。及旣返菲。店業卽歸割與他人。自以轉售貨品。逐計一之利。億則屢中如意。每出所料。故四年餘之間。剩資三萬餘。美人治菲後。乃開張詹成發鐵業商行。不意未數月。痛丁父憂。奔喪旋里。商務則付人主持。君在鄉居喪年餘。曾從俗修佛事爲先人積功果。並卜牛眠馬




詹孟杉先生

鬢以安窳。鄰里稱孝焉。繼則營建宅。第爲宗族交遊光寵。既而回菲。擴充商業。積極進展。以信用昭著。馳譽益遠。不久。在鐵業界中堪稱表表者矣。民國六年。再返梓建新廈。落成後復渡菲。未幾。泉州發生政變。閩里遭兵蹂躪。君眷屬逃禍鼓嶼。遂又築室嶼中。然君性質朴。殊有古風。今日雖爲富翁。而出門猶乘十餘年所置之敝陋馬車。不以摩托飛馳。示其闊綽。蓋念念不忘疇昔辛苦之生涯卑微之出身也。顧對於公共事業。則素多贊助。而善舉公所董事歷任七年。鐵商會會長則歷任三載。中華總商會董事。亦屢任之。君幼雖失學。於教育獨知注重。此間教育會曾董其事三年。永寧競新女學旅菲董事會。君居主席之位者四稔。凡國內外各項募捐。君亦時有貢獻。與守財而慳吝者誠有以異也。夫

人董氏。得六男二女，均使培育於學校。長者能掌握業務矣。君年六十五。尙壯健如五十許人云。

## 薛敏老

薛君敏老。僑界之先進律師。法學之名譽博士也。君原籍福建思明禾山。以公元一八八七年。生於菲島。父清習。久旅菲經營商業。先後得六子。君居第五。六歲歸祖國。繼入福州鶴齡英華書院肄業。時南洋閩僑子弟回國進省垣之外人書院讀




薛敏老先生

書者。殆如鳳毛麟角之罕觀。君在院中稱高材生。益爲師長所重視。然君志在讀律。以該院無法科也。遂於數年後返菲。準備赴美治法律專科。某歲西渡美洲。先入預備科。後進蜜芝根大學。其業以勤而精。成績卓然可觀。一九一二年。得法學士學位。旋即回菲。明年應高等法院之律師考試。即中選。由法院頒給證書。於是君爲僑界留學美洲之律師第一人矣。曩昔。閩僑旅菲者。大率目不識丁。或則僅識之無而已。而受高等教育如君者。即在廿世紀之初。亦爲鳳毛麟角之不易覯。君自美回菲。而考中律師。僑界榮之。而並羨君之尊人有遠大之眼光。能不惜重資遣君留學於他邦也。僑界既素乏人才。得學識如君者。且執律師之業。幾共目爲社會

之寶。凡有重要事件。無不惟君之是謀。若善舉公所。總商會各機關。皆聘君爲顧問。以備諮詢。及西文簿記案發生。羣情惶恐。以菲人假苛律制我死命。使無法抵抗之。則商業之基礎於以顛覆。吾僑之地位亦於以墜落矣。乃組織委員會。合羣策羣力。以力爭之。雖參與其事者。不乏商界之要人。願具法律之深邃學識者蓋寡。故關於斯案之法律上問題。能與所聘任之各著名美律師研究而討論者。則非君莫屬。是以此案始末。皆賴君斡旋於其間。曾被舉爲代表赴京呈訴。渡美請願。並屢在此間與菲島代議士舌戰。以求達到取消斯律之目的。吾僑對此案之終得勝利。平情而論。君可謂勞苦功高者也。君以譽望所歸。曾任總商會會長。凡僑界重大組織。如救鄉會。國民協會。外交委員會。君皆居其要職焉。民國十八年。

上海聖約翰大學。特贈君以名譽之法學博士。亦旅菲僑界之莫大光榮也。淑配鮑氏。乃上海商務印書館之創辦人兼總經理鮑君咸昌之女公子。亦曾留學美洲者也。已生三男二女。皆秀外而中慧者。君年方四十有四歲。前曾爲益華公司之總理。現則任中興銀行之協理。其事業之前途。殊未可限量也。

## 李昭以



李昭以先生

李昭以君。世居福建晉江十五都石圳鄉。乃菲島僑界領袖李君清泉之尊人。亦近倡捐五千金以建木商會所之李成美木廠主人翁也。父諱漢果。生兩子。君居長。童龀入鄉塾。至十二歲便隨伯父漢崎南渡。蓋時閩南之人羨洋客博奇利。多使子弟。杞風濤適異域以奔富厚也。君抵埠未幾。卽入商場實習商業。夜則就學於私立學校修西班牙文。以資經商之用。不數年略通外人語言。能與交接。遂輟業。佐其伯理木箱鋪。操作勤敏。事不辭勞。且有臨機應變之才。其伯雅愛而器重之。年逾弱冠。益有進取之志。適因鋪業分析。君乃乘機作自立計。開張一傢器鋪於後街仔。支持數年。微有積蓄。旋回國省親並完娶焉。無何。島著憤西班牙政府之暴政。紛起反抗。地方從而多事。一夕告警間。鄰店突罹焚如之厄。蔓延及君鋪。所有盡付劫灰。君聞耗倉卒返菲。以無保險。毫忽莫可取償。赤手書空。徒喚奈何而已。乃忍困掙扎。與從弟某開設盛美號營木業。歷

六年餘。爲環境阻礙。生意難發展。遂變更其合作主張而各自爲謀。時君年三十有五矣。因與胞弟昭北羅致資本。創立成美木廠。刻苦自勵。併力以致其謀。慘淡經營。又逾六載業務始漸進展。後更得其哲嗣清泉君佐理一切。越三稔生意殊發達。遂添置新式鋸木機器。恢張規模。至民國五年亦公元一九一六年。在木業界中佔重要之地位矣。民國十一年君與弟昭北返廈。開設李氏興錢莊以流通金融。而權其子母。總理之任君自肩之。然坻中之木業尙能兼顧也。君雖未受高深教育。而商業經驗殊爲豐富。深識古人所謂無財作力。少有鬥智。既饒爭時之大經。故有今日之成就。爲人和平而爽直。於慈善義舉公共之事。必擇要而贊襄之。君現年六十二者以僑界木商公所無會所。特慨捐五千金充建築費。以爲諸木商倡。殆老而益壯者歟。德配陳氏。得三男。長清泉次鋒銳皆坻中名流也。三其昌才卒業於上海暨南中學。未婚。亦後起之秀也。

## 鄭煥彩


前任菲律賓中華總商會會長鄭君煥彩。福建晉江南門外青濛鄉人。即名著一時之已故老前輩鄭鑒先生之姪孫。登灤君之子也。幼入書塾。聰明邁兒輩。年十四。在晉江一商店習貿易。十九歲。承父命來菲。時西歷一九〇一年也。翌年。入溪仔婆公立學校肄業。歷一載。以校中制度太機械式。與素性不合。遂輟學。然研習西文。已得其起點矣。初擬入正益本行任職。顧其父取父子不責善之義。不以爲然。蓋恐在己店中。遇事較自由。易流於弛張。不若供職於他人商店。於所學較有造就。故入榮勝布莊爲夥。然夜間猶從菲師修西文。君明敏有識見。於短時期中。已能演習商務。諳練商情。民國紀元前八年。卽一九〇三年九月。父去世。君乃繼其志。承其業。由布店夥。一躍而爲正益行經理。時君年才二十一歲。惟當日正益僅經營米業及什貨兩途。規模頗小。資本又不充裕。迨君當事慘淡經營。籌謀恆操勝算。商務遂進寸進尺。蒸蒸日上。君於一九〇五年回鄉葬父。繼與盧氏結婚。返菲後。其行務範圍以漸擴充。分輪船部。米類部。匯兌部。土產部。出入



鄭煥彩先生

口部。且分支代理遍全島。以及廈門上海香港安南等處。局面之大。居菲島中外鼎鼎商行之列。堪與馳名之歐美商人並駕齊驅。君素性穩重。不事機巧變詐。主持全局。能於紛紜凌雜中。以雍容閒靜之態度處之。民國九年。與吳克誠李文秀兩巨商同遊日本朝鮮及中國北部各地。抵北京時。謁見徐世昌總統及各部長。並受薩鎮冰劉冠雄許世英及在京福建同鄉會諸君殷渥之款待。斯時對於所經各地之人情風俗及工商狀況。實地調查。頗爲周詳。堪稱僑商中眼界之廣者矣。一九二四年。回廈門。爲其長子三元完婚。現君有七男四女。其屬學齡者。在廈門及本埠中外學校肄業。就中以第四子三省最聰敏而好學。每屆考試。必冠其榜。同級八十餘名西菲學子。無一能駕其上者。不但鄭家之幸。抑亦僑界之榮也。君爲人忠厚正直。待人接物。益見謙謙。社會公益事業。常踴躍贊助。民國七年倡設青濛學校。首捐萬元爲開辦費。後每年經常三千餘元。亦君獨力負擔。餘如廈門女子公學。泉州女子公學俱曾捐輸巨款。本島及國內各學校。每有募捐。君必樂解義囊。對祖國愈關心熱切。北伐軍餉。華北賑災。閩僑救鄉會。及其他慈善事業。資助尤力。君任正益經理後。先被選爲中華總商會董事。後歷任善舉公所華僑教育會救鄉會董事。一九二九年即民十八。任中華總商會會長。聲望卓著。而非島外人公益慈善機關。亦嘗推舉君爲委員。蓋僑界有數之名流也。君現年四十九。身體強健。精神充足。尤煥發云。

## 林西錦



林西錦先生


岷里喇華僑教育會現任會長林君西錦。五十二年前生於福建晉江甘市鄉。父諱輝光。得三子。君年最幼。而最挺秀。七齡。父取蒙以養正之義。令就蒙館讀書。蓋以正心修身屬望之也。然其時西學已興。父具過人眼識。知洋文爲來日所崇尚。君十三歲。即使往鷺島。肄業於教授英吉利文之私塾。忽忽四載。會同文書院創立。君年十六歲。乃轉進該院專修英文兼助教。畢業後。卽任院中正教習。經三稔。受漳州府中學校聘。擢臯比於官學者。又三載。繼復來廈。執教鞭於高子欄中學。逾一年。受美領事聘任祕書職。始舍教師生涯。君之爲人師也。循循善誘。蒙其教澤者。以千百計。願君有志於陶朱之術。供職美領事署四年後。先卽充太古錫記公司買辦之缺。未幾。被委駐菲辦理岷厦船務。歷兩載。自行立職於商場。組織錦華公司。經營匯兌業並收羅土產。時民國紀元後某年。卽公元一九一某年。自是着力發展生意。日有進步。約經十稔。皆以漸擴而充之。分支於利牙實備等處。後因土產跌價。分行之生意受環境阻礙。不覺折閱。又爲祝融所祟。損失十餘萬金。總行因受波累。致至無法維持。乃宣告收



盤。惟匯兌部已發出匯票。達三萬元之譜。君爲顧全信用計。雖商業蹉跌。亦不願損及執票者之毫毛。於是急奔赴廈門。與諸股東及代理人設法張羅消支。所發票券。一文不苟。其慘淡幹旋。煞費苦心。然君之聲譽反以是而昭著。邇來皆任埠中正益行滙兌部主任兼各銀行經紀。仍執其本業也。爲人和平樂易。胸無城府。喜服務社會公共事業。多任其勞。曾任中華總商會副會長。華僑各團體聯合會副會長。青年會董事。西河堂總理。善舉公所董事。於僑界教育尤素熱心。歷任董事。近二三年來連任會長。其對於社會之効力。可概見矣。夫人蔡氏。生三男三女。長子在上海暨南大學肄業。長次女已出閣。餘則少小。均就學於僑校云。

## 許友超

近數年來。岷中之僑商充任社團名譽職之多。而又樂任其勞者。當無過於現任木商會會長許友超。許君者。僑界工讀學生之傑出者也。君於民國紀元前十一年。生於福建晉江檀林鄉。四歲失怙。鮮兄弟賴其母鞠育之。是時其父在岷。與其伯叔父所合資經營之生意。獲利甚微。而所寄之家費。不足維持家計。其母於治家外。兼以女紅佐治生。而君亦得進其鄉中之私塾改良學校肄業。未幾。則轉入規模較見完善之西吳學校。畢業時年十二乃隨其先叔許君經卦來岷。時在岷生意視前略見擴充。所入亦稍豐。其叔乃令修英西文於 San Ben 書院。歷五載所學稍稍足資所用。乃進其叔所經理之義隆木廠司職。顧君勤而好學。並不因工而輟學。乃於工餘入中西學校攻夜課。旋升學於 The Liceo de Manila。日工而夜讀。如是者數載。矻矻焉不知倦也。民國十二年回國與陳素娟女士結婚。時女士尙在小學肄業。君爲前途幸福及組織新家庭計。不惜暫時割愛。明年復隻身渡菲。令陳女士入華英師範求學。以底於成。陳女士稟性溫厚。自奉治家。均甚儉樸。於君堪稱賢內助。君第二次來岷。仍任舊職。然不以成家而棄學也。聘中西教育家。專修英漢。又以當今之世非有專門學術。難以立



許友超先生

足於競爭之場。乃兼向國際函授學校。專治商科。其於學問。鏗而不舍之志趣也如是。十四年其叔逝世。君因接任義隆木廠經理職。自是益展其才。卓然成商界之表表人物。而該木廠之營業亦因之而大擴展。君爲人精誠質樸。見義勇爲。樂善好施。常犧牲精神與金錢爲人排解紛糾。與交遊者無不欽敬之。克己待人。親朋中之受其扶助者甚多。君且俱有遠大之眼光。宏大之企圖。十九年秋曾遍遊南洋攷查木業及各地商況。至其孝親之道。誠濁世所僅有。且注重身育。每日黎明卽起鍛鍊身體。識君者咸羨其體格魁偉。精神躍躍。而不知前十年之君乃重不及百磅之一病夫也。君尤熱心社會公益事業。四五年間所充任之社團名譽職。幾指不勝屈。十六年被選中華木商會及檀林學校董事。君之任斯職也。不慕其虛聲。必求其實際。故恆樂任其勞而不懈。十九年被舉爲木商會會長。規矩會岷分會司庫。二會受其益不淺。由是今年連任木商會主席。升任東方共濟俱樂部總理。又被選爲中華總商會副會長。中華青年會董事。檀林學校總理。中西學校校友會及泉永民團後援會執行委員。其所任之名譽職。如是多。其深得僑界之信仰也。彰彰明矣。君苦心研求學問。對於中西文學均有心得。且有志於著述。如華西會話一書。俾外人能自修廈語。華人能自修西語。卽其著作品之一。而俾於實用者也。其繼著之英華西菲會話。純爲華僑而作。視前書尤完善。不久可付剞劂矣。於經商之餘。從事於著述。在閩閩中誠可稱傑出者。君年才三十一。正在猛進。前程尙未可限量也。

## 李略煖

李君略煖。岷埠僑界鉅商李君成業之兄也。字春業。父諱武密。世居福建晉江廿都岑兜鄉。有兄弟七人。君行第五。家小康。幼時多病。至十三歲始入其伯所願邱遜三小塾讀書。然性敏慧。且善強記。故成績冠儕輩。雖年較長者弗若也。讀三年。遂辭學舍而與其第二兄外出。作糊口計。十五歲拋梓里來菲。往甘嗎噶省學習貨殖之道。店中事能爲者無不爲之。每月薪水只銀餅一圓有半。微薄甚矣。然君不以酬少而稍懈也。年終結賬。伯嘉其勤能。卽升其月薪至四元。君於是益勵志自奮勉。力求上進。工餘之暇。自修西文。旁習土語。持一暴十寒之戒。歲月無閒焉。遂通曉之。而足資應用。其伯察君



李略煖先生

才幹。於化居有無之術。思過半矣。因益信任之。十七歲卽見委爲經理。主持其店務者約七八載。營業殊發達。十九世紀之末。島著羣起而革命。反抗西班牙官吏。君爲土人挾迫。令入行伍。與西兵相搏擊。君露不願意。領隊者怒。揮劍示威。幸君傾其首。中帽落。頭顱乃無患。亦云險矣。不得已隨軍出發。經許多危難。始脫厄而返國。先創設杉行於港邊鄉。與其兄慘淡經營。至五年生意興盛。乃出任協豐典鋪司庫。然君之遠志未稍衰也。知菲島亂平。卽復渡菲。仍爲其伯父掌理商政。逾五稔財源駿發。而君之分潤亦頗豐。於是爲宗族交遊光寵計。還鄉里。問舍求田。翌年建巨廈於港

邊鄉。再還菲。圖自樹立。於一九〇六年自開百貨店於甘省。凡布疋食品器皿雜貨無不居積而發售之。時其弟成業已在菲相與策劃。努力經營。業日隆。而資日厚。一九一三年乃建立出入口行於垵埠。即今馳譽四方之太裕和也。君不但善經商。聞於僑界。而熱心教育亦堪令人稱道者。在甘嗎嚙時因鑒祖國教育之不興。客生子及幼稚來菲者。每流於菲化。遂出而提倡創辦學校。以鼓吹宗邦之文化。並組設董事會。以維持之。君歷任會長或董事。財力心力。皆犧牲不少。而其他之公益事業。亦無不踴躍贊助。如君者可謂能自立而立人矣。妻龔氏。生三男四女。男畢業於香港聖約瑟書院。現在太裕和佐理商務。長女適陳氏。餘皆在修業中。君之年已五十有七。

## 高祖川

高君祖川。字峻峰。斐律賓僑界名律師也。父名標松。原籍福建晉江十九都龍穴鄉。自美國管領斐島以前。即在是邦經商素重視教育。與一般無識之守財虜迥不相侔。生子有十二。可培成者皆使求高等學問。君居四。生於民國紀元前十二年。總角時。在僑界首創之教育機關中西學校肄業。資稟異常。師長便知其他日必出人頭地也。卒業後。轉入斐律濱公立中學。甫兩年。負笈香江。修業於聖士提反中學校。業未畢。即考入香港大學。修文科。華僑子弟之留學香港者。頗不乏人。而君之才學出類。罕有其匹。民國八年。即西歷一千九百十九年。君返垵。進斐律濱國民大學治法科。蓋性讀律也。越三載。得法學士學位。而君志求上進絕不以此自滿也。旋赴美國。留學於華盛頓祝士統大學。一九二三年。受法學碩士學位。又一歲。即民國十三年。榮膺法學博士之學位矣。回斐未久。應政府律師考試。測者僅料其獲列前茅耳。而君成績至優。以亞魁中式。名大謨。自是設館操律師業。君素擅口才。能雄辯。開業之初。適垵中發生一風流血案。即華僑丁某手刃其少婦及姦夫事。君爲被告人作辯護士。當法庭審訊時。君据法理。逞其詞鋒。作驚人之雄辯。談者稱其有孔明舌戰羣儒




高祖川先生

投資於中興銀行。被舉爲董事。君年僅三十有二。其夫人係僑界已故巨商林君爲亨之第二女公子。生一男三女尙幼穉。然均娟好清秀。如蘭茁其芽也。

## 蔡少菁

蔡君少菁。福建同安劉五店社人。菲律濱華僑商界中之一巨子也。父辛佑。獨生一子。而又早世。君幼時。以失怙空乏甚。因來廈。依其表兄弟就設館教授英文者。學習數載。十二歲爲自謀活計。投商場爲傭。初執雜役。使令而已。夜則勤修英文。孜孜不懈。稍長。兼習商務。頗得貿易法。至十八歲通曉英文足應所用。遂與人合開西藥房於鷺島。營業尙見發達



蔡少菁先生

。然君素有志於四方。廿二歲即乘風破浪而南渡菲島。先任吳合茂木行繙譯員。君心靈手敏。不久便旁窺木業之奧窔。而有經之營之之把握。越年餘。乃與友人合資。開設木廠並承辦建築事。至西歷一千九百有八年亦民國紀元前三年。公司分析。自樹一幟。築林木廠即其始創之業也。顧是時資本未厚。慘淡經營。煞費苦心。惟以通英文能與外商接洽生意。諸凡倍見便利。故廠務進展至速。獲利亦良豐。民國十年更擴充而營鉛管業。號曰綿益公司。規模殊宏壯。其化居之才幹。益有以布矣。所營之業均在進展中。君乃基督教徒。故謹守商人道德。信用昭於中外。社會公共事業。得其贊助者匪少。埠中之重要大團體有三。如善舉公所。中華總商會及華僑教育會。君皆任其董事。聖公會所辦之女學校。為僑界首創之女學。得君維護之力居多。君亦歷年董其事而不辭其勞。公益慈善之捐款。殊可謂有求而必應者。夫人吳氏。生兩男一女。長男現任木廠經理。次男佐理業務。女尚在肄業中。君年已五十有五矣。

## 林雲梯夫人

夫人氏劉。閩名椒。林君珠光之令慈也。前清光緒四年生於福建思明禾山方湖梧桐社。父諱沉。素在菲島嘉雅那省經商。夫人以無女塾故未嘗向儒師問字學書。在家只事女紅習中饋耳。十六歲。作嬪於雲梯君。時翁姑俱已棄世。家政皆由夫人治理之。至公歷一八九七年。隨雲梯君來菲。未幾。土著苦西班牙政府之苛政。倡義反抗之。地方時起變故。人心慌惶。




林雲梯夫人

雲梯君之商業正在草創時期。煞費苦心。以經營之。幸有夫人主以內事。得專其精力以逐時於外。無何。生哲嗣珠光君。而美人亦管領是邦矣。地方之秩序以定。夫人乃返梓里。自後鄉居逾十五載。始再與其夫渡菲。斯時也。岷中市政商業大改舊觀。雲梯君。則已鴻圖大展。以富家翁聞於遐邇矣。而夫人謙德過人。儉約如故。絕不以夫富而驕奢。僑氓四載。不幸痛所天。乃於悲慟之餘。扶柩歸里。如禮儀安其窀穸。夫人雖屬女流。乏學問。未通書史。而能識大體。重教育。其居鄉也。以夫名興辦義務學校。建校舍。設圖書舖。以惠鄰里子弟之乏資求學者。越二稔。復來菲。躬親掌理各項產業。生平具婆心。自是誦佛經。愈勤。而資助慈善公益之舉。亦益力。某歲。禾山江頭社。謝振德君來菲募捐。開辦醫院。夫人首捐五千金。以爲僑界倡。泉州陀蓮寺建養老院。則樂輸二千金。以贊厥成。又另一千爲修橋。泉州開元寺建築寺宇。則喜舍三千金。泉州高山亭福蓮寺設墳場。亦捐資一千二百元。去年福州北嶺林陽寺方丈淨然和尚。來岷募款建佛學院。夫人先捐一千元。請益則增三百元。餘如漳州某校。曾助以千金。廈門女子公學。亦獻巨款以裕其經費。鷺江林忠孝堂。重建新廈。所貢獻者亦一千金。禾山瓦厝社向有施棺之舉。俾貧苦者死得安土。迄今已有十餘載。而供其資者。卽夫人也。雲梯君故里及前埔社。初有人倡議開山路以達洪山邊。藉利行人。詎有其始無其終。卒費二千餘金。以竟其事者。亦夫人也。本年暨南大學派陳掌誥君來菲捐募建築體育場。

。夫人亦捐助彬銀一千三百元。華僑崇仁醫院每年亦負擔經費一百元。此外如捐助福州婦女工藝傳習所。及其他慈善事業者。尚不勝枚舉焉。其好施舍而不吝。非僅炯炯爲仁者所可倫比。卽古之哲婦莫是過也。珠光君之慷慨捐輸以襄義舉。殆亦夫人之熱腸有以使之然歟。夫人現年五十三。有兩女。俱已適人矣。

## 黃海山

黃海山先生



先生名海山。字鑑遠。世居廣東台山縣護亨村。父諱開建。生五子。先生居四。獨穎異。就學見稱於其師。然迫於生計。不得已輟學。年十六渡菲。初執苦工以餬口。勤而儉。微有囊積。便謀自樹立。蓋以依人作嫁。鬱鬱無聊。終無望出人頭地也。因投其資於商業。爲人重信用。然諾不苟。營業漸發達。平時對於社會事業。無不踴躍贊助。曾爲廣東會館總理。其得粵僑之信仰可知而知。素於振興教育。促進文化。尤熱心効勞。其創辦故鄉教育。輸資良多。坭埠中山學校得以維持至今。亦先生扶翼之力也。前爲民號報董事。現爲新中國報董事。疊次解囊。曾不稍懈。然先生生平所最努力者實爲革命事業。蓋由工而商歷二十餘載。腦海中無不灌輸革命思想。此間組織第二支部。曾任部長歷若干年。受知於孫總理而深得其信任。民國五年孫公以中華革命黨總理名義。給先生三等有功獎章。嘉其慷慨捐資以贊襄義舉也。六年孫公




任中華民國海陸軍大元帥。特頒狀命先生爲小呂宋籌餉委員。先生奔走籌捐。不遺餘力。孫公會親筆致書褒稱而策勵之。中有「兄熱心救國。歷次籌餉。奔走最力。深堪嘉慰。一俟大局底定。卽論功行賞以酬勞苦。」之語。十一年陳炯明叛變。孫公蒙難之際。先生奔走籌餉尤爲出力。後革命政府向美國金山購軍械來菲。孫公委楊炳江託先生斡旋。爲轉送廣東。其見信重如此。十三年民黨改組鼓動。先生得銀質獎章。菲島總支部成立。先生被推爲執行委員。十八年先生爲此間黨務糾紛。親到南京與黨中當局磋商辦法。諸同志之推重之又如此。現中央僑務委員會。聘先生爲顧問。聞者以爲榮云。先生商業年來日益進展。其所經營者。有洋衣鋪。寰球酒家。東山旅館。坭里喇汽水廠。華興號匯兌局。又分支於香江。可謂善於持籌握算矣。先生現年四十三。德配司徒仙。稱賢淑。生五男二女。長男現肄業廣州嶺南高中。餘均在坭肄業中。

### 梁德鎮

梁君德鎮。廣東省台山縣良邊村人也。父諱廣澄。生六子。君行第五。資質超越諸兄。曾就私塾治國學。少卽輟業。以梓匠爲生。西歷一千八百九十八年。君年十九矣。會是邦革命軍興。西班牙政府被推翻。旣而美人入菲管領菲島。君早有志於四方。以遠遊勝於株守也。乃乘時遵海而南。抵坭先投身於海軍工廠。見錄用。歷六載。儉積餘資。乃赴碧瑤開

梁德鎮先生



設雜貨罐頭舖。生意殊亨通。親故知其能。時有同宗開設船塢。以修造輪船爲企業。聘君爲之經營其事。事皆以治。幹才益顯。至民國五年。君蓄積頗豐矣。遂自樹一幟。創船廠於經利之區。營業殊發達。以君之信用已昭著於航業界者也。有餘資。復投諸罐頭之生意。亦贏厚利。在海外商界中。因佔相當之位置。君雖不擅筆墨之長。而於社會國家之觀念。皆以異乎尋常之市井中人。廣東會館也。善舉公所也。民號報社也。新中國報社也。見推任董事。其爲僑界所信重也可知。然君尤努力於革命事業。當海外革命風潮暴發時。曾躬助黨人在菲製造地雷炸彈供給前鋒。後得孫總理信任委爲籌餉員。又嘗慷慨捐資以助軍糈。民國五年。孫公以革命黨總理名義。特頒三等有功獎章以褒豪之。初此間有愛國團之組織。君任評議員。團中事務。多資策劃。民國九年。孫公以國民黨總理銜。委任君爲菲島國民黨第二支部總務科副主任。越明年。又加委爲該支部評議部議員。君於第二支部。蓋爲中堅人物。歷任其職員。而無或間也。至十八年。中央僑務委員會。用呂委員謂生言。函聘君爲顧問。其名遂聞於京華矣。性坦直。而疏財。平生爲公益善舉而輸將之款良鉅。現年五十有二。妻陳氏。生四男三女。長男 現在船塢中佐君理業務。餘皆在求學中。長女篋嫻。乃僑界最高學府之高材生。去年曾被選爲僑中女士。芳名尙嘖嘖於人口云。君名意德鎮其字也。

## 李惠齡

李惠齡女醫士。福建閩侯人。父名斐周。篤信耶教。得風氣之先。不囿於「女子無才便是德」之陋說。更痛惡我國。向來重男輕女之積習。女士居長。愛若掌珠。必欲培育。使之成材。先送之入興化高等小學。畢業後。進福州華南中學校。業畢。則轉往北京協和大學醫科。時某年也。女士素抱大志。願服務社會。爲巾幗揚眉吐氣。得醫學士後。卽赴安徽。仁濟總醫院供職。就診者。咸飲其具婆心。歷一載。以志在四方。非獨男兒當如是也。遂隻身往南洋。星洲一帶遊歷。以廣眼



李惠齡女士

員。其見重於外人。有如此者。女士醫寓。現設埕埠之亞捕撈洛街。

## 洪明炭

菲律賓華僑社會之八十一歲翁。洪君明炭。可稱齒之最尊者。翁字輝煌。福建晉江十九都石獅鄉人。父諱公池。曾旅菲營笠業。生二子。翁居長。八歲入村塾讀書。性卓異能爲羣兒長。以父業不振。家屢空。未三載。而輟學。然已具過人之膽識。十一歲隨老洋客乘帆船渡菲。即在父店中學習商賈法門。以勤敏見稱。未幾。頗有商場經驗。便能佐理營業。奈因其父缺乏資本。及環境阻礙。生意竟折閱。而停頓。時君年廿有二矣。然爲人重信義。然諾不苟。而親戚故舊咸知其有幹練

界。菲律濱馬利亞約翰遜女醫院。當局耳其名。電聘來斐。任常駐醫生。經三稔。中外士女多仰其仁慈。而女士富愛國思想。平居恆欲爲僑界服務。於是循此邦法例。向非政府衛生處投考。獲中。遂自懸壺。見稱爲菲島華僑社會之第一女西醫。女界求醫者踵相接。女士之名。遂益著。僑中人士。以其曾受祖國之高深教育。堪居僑界女流之巨擘。每逢盛會。必請其演講。女士登台。便諄諄不倦。娓娓動聽。其口才良足多也。民國十四年。被舉爲婦女青年會會長。華僑婦女救國團成立。又見推爲委員。不愧爲僑界女名流也。是邦有所謂婦女慈善所者。女士亦其中董事之一。美菲中央學生禮拜堂。曾推舉女士爲職




洪明安先生

之才。足以經營商業。游刃而有餘也。乃各助以一臂之力。使重整舊業。號曰泉勝。自是具堅忍卓絕之意志。耐勞動。而奮鬪於競爭之場。歷十載。所業大見發達。遂成筮途之翹楚。無何以積資稍厚。兼營匯兌業。開設捷勝信局。以公平見稱。近悅遠來。財源因益進。生平爽直。而坦易。慈善為懷。於公益事業。每樂任勞而捐輸。曾任善舉公所董事十餘年。始為中西學校董事兼與負擔經費三年。繼為教育會董事十年。可謂參與僑界教育事業之最久者。其充總商會董事也。亦歷十二年。且一度被推為副會長。六桂堂家族自治會。翁任其總理者若干載。於故鄉公益素尤熱心。歷任石獅旅菲同鄉會會長。及石獅愛羣學校董事。年五十時。回國解囊獨修南安大驛橋。與附近之道路。以方便行人。至若泉州順州橋。及漳泉接壤之江東橋。翁均輸助巨款以供建造之費。餘如僑界或國內之各項募捐。有請於翁者。未嘗無以應之。稱之曰急公好義。非溢美之詞也。夫人黃氏。育七男四女。長子次子三子均受相當教育。能承父志。掌理商業。長孫志鳳。在故鄉教育界服務。現為泉州天主教學校副校長。翁壽雖高體魄壯健。精神矍鑠。無龍鍾之狀態。誠為得天獨厚者也。

楊乃甫

楊君眷西。號乃甫。福建漳浦佛曇鄉人。父隆英。業農。性謹厚和藹。鄉之人皆稱之。尊爲長者。母林氏。克盡婦道。兄弟三人。君最幼。九歲始就傅。十四歲入廈門鼓浪嶼尋源中學肄業。十七歲畢業。翌年升入迴瀾書院。修教育並神學兩科。二十歲應浦邑耶教會新創立之逢源小學校聘爲教員。是年臘月卽與陳明軟女士結婚。自是在浦邑任教職十餘年。三十二歲受白水營教會聘爲牧師。逾兩載兼任鼓浪嶼迴瀾書院監院。又二歲轉任英華書院監院。兼漢文主任。四十歲以菲律賓濱馬



楊乃甫先生

尼拉華僑中西學校聘爲監學兼教員乃南渡。翌年繼鏡湖先生任校長。時民國方紀元也。遂與總理蔡君少青。教職員洪君涵清。于君以同。張君雲章等將舊學制改組。各級均以英文爲必修科。同漢文兼課。學期及年暑假期參照菲學務局規定。（舊制照陰歷準定）爲開設義務夜學。俾華僑青年。工餘得有補習機會。成效頗著。民國二年以學校經費未有的款。乃與總理陳君迎來。提倡創設教育維持會。徵求華僑同意。僉曰善。三年維持會便成立。於是學校之基礎以固。君斯時有意於經商。卽於是年暑假辭職。然於教育事業。未嘗去懷也。維持會後改爲教育會君亦任其董事。君既辭校長職。遂與鄭漢淇醫士。合營中興西藥房。是乃華僑營西藥者之第一家。民國五年因國內兵禍疊作。華僑多挈眷來岷。而女子未有相當學校可得教育也。華僑聖公會施牧師夫人。乃邀君及蔡君少青等籌議創辦華僑女子學校。並向僑胞募捐固定基金以之生息。藉爲學校永遠經費


。至猶爲該校董事。君與蔡君蓋皆會之中堅也。民國十年君與其子自開德全西藥房於洲仔岸。十八年與三民藥房合組楊春西藥房有限公司。規模益大矣。君今年六十歲。夫人陳女士亦健在。伉儷結婚已四十週年。子五人。長次子均授室。生有子女。長子崇德。任瑞隆興鐵業公司發貨部經理。次子修德。任本藥房副經理。三子敦德。在國內。四子謙德修工程科。

五子德全在本藥房幫理業務。僑界人士多羨君有令子也。君在僑界教育幼稚之時多所策劃。他年在華僑教育史中。定居相當之位置。令人不忘其勞績云。

### 吳澤弄

吳君澤弄。字克璋。生長於原籍福建晉江十七都西吳鄉。父諱元鏡。爲旅菲僑商之先輩。兄澤探。澤淦。弟金鼎。皆坻中僑界之聞人也。君髫齡在村塾讀書。便微露頭角。然不羨筆墨生涯。十六歲遂乘風破浪作南渡之遊。抵菲。隨侍其父學習商業。以爲生財之道。莫善


於角逐。於閭閻之間。與操奇計贏者相周旋也。後父棄世。先業分析。乃與兄澤探等張羅資本。廣販木材。號合和。無何



。商行爲祝融所祟。又咄咄書空徒嗟白手。本與其兄信用素孚。得親朋戚友協助。重整舊業。仍獲在木業界中。佔有相當位置。自是勞苦經營。奮其合力。以固基礎。生意日見興隆。不數年已與有數之木商。項背相望。成木途之中堅分子。且分開數號。如合和興。合興。新合和。皆木行中之資本雄厚者也。君則任合和行之經理。其兄弟合營諸公司之企業。均在進展中。而君之持籌握算與有功焉。爲人質直敦樸。和藹可親。且慈善爲懷。輸將不吝。僑界之崇仁醫院。向多貧苦僑胞。臥病其間。君時攜款分給之。使不感空乏之困難。德之者不計其數。素於治事之餘。細心研究外科醫術。凡患疾之人。窮而不能求醫者。君每親爲診治。不獨不受輿馬之費。而且贈以藥物。其樂善好施之心如此。遇公益事。既助以金錢。又躬自奔走勸導。以冀其成。雖爲僑界之富商。而絕無資本家凌人之傲氣。尤喜與貧苦之僑胞爲伍。不知者莫識其爲大木行之主人公也。說者。多謂君之品性。爲海外資本社會中。所不多觀者云。夫人生三男四女。男名文仲。文謀。文芳。女名省治。心治。寶珍。麗珍。均受相當之教育。君年已五十有二矣。民國十九年曾被諸同業推舉爲木商會之副會長。

## 吳賓秋

吳君賓秋。澤炊先生之長子也。生於菲律賓濱之首都坭尼喇。至八歲其父始挈之返原籍福建省晉江縣西吳鄉。就鄉塾肄業。蓋當時坭中僑界尙無學校以灌輸文化於僑民之子弟也。澤炊先生恐君入外人學校讀書不免爲其習俗宗教所濡染。潛移默化。或至貽數典忘國之譏。故於其穉齡卽令先歸故國。越六載君逾舞勺之年矣。國學略有根底。其習慣思想亦均與生長中土者無異。始復來菲進政府學校。治西文。然不致受非化矣。十八歲回國與高棗治成婚禮。女士卽僑界名律師高祖川博士之姊也。逾年返菲。則入商場。任蔡德淺木廠之財政矣。又數年蓄志自立。乃與其叔澤拐君合資在山米屹創立合春號木廠。未幾又分一支廠於亞實加呔牙街。卽今之吳合成木廠公司也。無何合春號遭回祿。遂併全力經營合成公司。亦共同經理業



吳賓秋先生


務。及其叔逝世。君便任總經理職。事無巨細。皆惟君之指揮。蓋至茲君殖貨之才昭然著矣。然君非特擅計然之長策也。受先人遺訓。對故鄉及僑界之善舉與公共事業。多所籌謀而借助焉。如泉園交通。今日得著成績者。君之力居多。當開始築路之際。微君一再親督其事。促其尅期告成。則通車之遷延。知者皆謂恐將悠悠無期也。素關心桑梓教育。歷任旅菲西吳教育會董事。鄉黨之人多稱道之者。其在菲也。歷任木商會會長。讓德堂協理。華僑教育會司庫及中華總商會。青年會。善舉公所之董事。觀其所任社團名譽職之多。則其熱心公共事業已可知矣。反日之役君奔走甚力。犧牲金錢殊不少。僑界人士多欽佩其愛國熱誠。君有五弟。皆能自立。現年四十有四。君性本溫厚友于尤篤。有妹室於安海王氏

有年矣。分爨之日。特分資產若干以與之。說者俱云。丁我國女子承繼權未成立之時代。爲兄者乃能如此。可謂難得而足多矣。德配高氏。賢內助也。得六男二女。長子德怡在廈門集美高中肄業。任校中義勇隊及童子軍教練。卓爾不羣矣。次子天純現在本埠仙迷撈非校肄業。長女已于歸。餘均在求學中。碧梧翠竹。娟好清秀。識者羨之。君字秀三。

## 吳金鼎



君吳姓。名金鼎。福建晉江十七八都新西活鄉人也。幼時所受教育雖無幾。然好學。勤於自修。故亦略通文字。爲人温和忠厚。有古風。以昆季皆出洋營生。家政不可無人主持之。遂獨守株園。至三十餘載。始來菲列賓佐其兄料理商業。平時寡言笑。而慈善爲懷。痾瘵在抱。嘗發宏願。欲拯衆生於苦厄。竊嘆不居高位。具大力。無以酬饜飢庶寒之奢望也。吾國



吳金鼎先生

之人。素不知講求衛生之道。而政府當道。又弗施防疫之新猷。是以逐年酷暑炎蒸之候。城鄉遭瘟癘者。比比皆是。計其死亡之數甚於兵燹。君怒焉憂之。乃思由施藥之法門。爲救死之善策。獨其囊積。訪求祕方。加以悉心研究。配製良劑。爲治霍亂之獨勝散。醫鼠疫之三聖丹。已痾病之百草回生丹。則其尤著者。每年春夏之交。必先登廣告於著名之報。俾同胞週知之。其藥雖不得謂百發百中。起死回生。然其神效之著。爲四方活人之數。不知其幾萬也。計每年贈藥之費。恆近六七千元之譜。國內各省及台灣。南洋各處。比年以來。知有贈藥之吳金鼎者已甚夥。郵寄函件以索藥鳴謝者個人及社團歲恆以千百計。如廣州公安局長鄧彥華致君之書。一則稱爲第一獨步之良藥。再則曰「活人數萬」福建高等法院之函。譽之曰「善人善舉」「壽世壽人」。福州市公安局

。肅習之「熱心公益」。福州推善社謂其「活人之功德莫大焉」。泉州巨紳林狝鶴則稱其藥之靈曰「救命特多」。上海普善山莊爲國內一慈善大機關。主其事者爲名聞海內外之慈善家王一亭先生。聞君之名。亦寄書請惠。君既贈以各種藥餌。復助

以二百五十金。爲收埋骨骼之資。故得謝啓有「遠賜靈丹。拯疾苦於閭閻。鉅款遙頒。廢荒郊之枯骨」諸如此類。不勝觀縷。近又決匯款數千元。以修故鄉之義塚。是又澤及枯骨之一斑也。君在僑界。可算罕有之慈善家。願訥於口。不欲誇張於社會。與向聲而背實者迥異。故其在菲也。名猶未甚著。君兄弟五人。行居第五。有四男二女。現年四十八歲。其企業。卽與其兄擇探擇淦二君所共同經營之合和興木廠云。

### 王泉笙

王君泉笙。閩惠安人也。字頑僧。以公歷一八八六年九月十五日。生於晉江水門外之鯉洲。自幼肄業私塾。稍長轉入基督教會之學校。因而信仰耶教。一九零五年。冬。卒業於廈門尋源書院。年十九歲矣。清季滿廷政綱頹弛。益以拳亂之後。外患滋迫。政府賣官鬻爵。財賂衰耗。而百姓抗弊。蕭然頽苛。咸苦無由振拔。


志十偉人。思轉移國運。奮起組織同盟會。從事革命工作。君在閩南。可謂得風氣之先者。亦潛隸同盟會籍。計自辛亥光復前五載至民國紀元後五年。十稔之間。君於泉州城內外。先後擔任泉州公立中學及志城。文錦。商業。紫江。錦江。紫蘭各私立小學校職員。以培育人才爲職志。一面致力於閩南之革命運動。民國二年而後袁氏顛政。倒行逆施。民黨同志紛紛以討袁爲事。各省靡然發動。左海健兒之活躍。更不人後。君亦曾經孫總理疊次委任各項職務。民國五年夏。泉州革命黨機關被破。錢竹軒。湯文卿等五同志遭害。君乃偕朋輩赴滬。復命於孫公。是歲秋。以內地艱於舉義。遂南渡來菲。



王泉笙先生

與諸同志協辦黨務。並從而倡設普智學校。苦心籌維。卒底於成。自是任校長迄今。已十有五年矣。建築普智書報社一舉。君奔走募捐。尤著勞績。而其間歷任國民黨總支部暨支部之執監委員以及其他要職。未嘗間斷。在黨中見稱爲中堅人物。至於華僑社會與祖國故鄉之教育慈善公共事業。君多隨力量所及參與之而不辭其勞。民國十三年。旅菲閩僑倡救鄉運動。君曾奔波南洲一帶。從事宣傳。蓋君擅口才。氣力亦足。每登台演講。其聲隆隆。良能博羣衆之傾耳也。君現年四十有六歲。

## 林書晏



林書晏先生


林君書晏。字聯參。福建南安溪東鄉人。當今垵埠國民黨員中之擁資頗厚者也。父諱周綿。本爲儒者。在鄉中執教鞭。繼念託舌耕以餬口。非治生善策。乃投筆而舍乳臭之徒。航海來菲律賓濱。廁商場中以殖貨爲能事。竭力經營。家計漸裕。君生故里。十歲進學館讀書三載。企慕洋客生涯。遂於十三歲隨人渡垵。先在中路布市供職。性勤慎。勵志求上進。銳意實習貿易之道。其所心得有遠過於人者。閱六月。便能與人交接。居然有做生意之經驗矣。甫兩載。卽受黃某之聘。任經理。爲營布業。未一年。忽遭回祿。君忠爲人謀。倉卒之間。重整舊業。逾三載。運與時俱進。鴻圖以展。獲紅利頗豐。自知可以成室

家矣。遂歸里完娶。翌年返菲。仍任舊職。至西歷一千九百又七年。亦民國紀元前四載。君以東家之子。頗具經商學識。乃將全盤生意交之掌理。而自罄所積蓄之資財開張布莊於洲仔岸。其地蓋初爲海岸。以漸成街市者也。弗料未匝月。鄰店突羅焚如之厄。大勢蔓延。君盡喪所有。計達兩萬元有奇。因無保險。莫可取償。又赤手如故矣。不得已寄寓於大興號。邱君奕經僑界殷商也。知君善居積有信用。薦引之經理大興號之分店曰日興布莊者。歷二年。生意興隆。君之力也。因益得器重。辛亥革命之年。君回國。挈眷南來。然君已隸籍於同盟會爲革命機關之普智閱書報社發起人矣。民國紀元。君改任邱君自開之經綸布莊經理。自是歷十有六載。營業日見發達。所獲酬金累巨萬。置產建屋。又投資興辦非島煙廠。儼然躋小資產階級。爲民黨中之重要人物矣。君所任之社會名譽職頗多。爲民元發起創公理報社後歷任董事。善舉公所中華總商會及華僑教育會。君皆曾參董事之列。於布商會則嘗爲會長。於西河堂則嘗爲總理。然君於黨務尤見努力。支部及總支部疊次被選爲職員或執委。當初華商俱樂部之組織。與崇仁新醫院之建築。君皆與諸熱心人奔走其事。並樂任募捐之勞焉。民國十八年。君始受萬豐源公司聘。爲其總經理。以收集土產運輸出入口貨爲業。商務正在進展間。淑配梁氏。生八男二女。長男次男均受相當教育。已有授室。餘尙在求學中。君頗好遊歷觀覽古今名勝。以廣眼界。民十民十二及民十五三度返國。閩粵各埠香江歙浦杭州西湖金陵新希長江一帶。爲赤嵌之地。足跡皆至焉。君今年四十有八。

## 顏文初

君氏顏。以字行。世居福建晉江南門外鈔坑鄉。父諱良瞞。乃坵中僑界之先輩。有三子。君其幼也。八歲而孤。便知孝道。母夫人蔡氏雖不讀書。然夙昭婦德。尤善於治家。米鹽凌雜。均躬理之。井井有條。平日恆以勤儉訓後人。俾克顯家聲。君幼時得力於母教者甚多。在里塾修業。已嶄然露頭角。年十六入郡城從名師讀。益馳譽庠序間。科舉廢後。更同此間。

巨商吳克仁君負笈省垣。肄業全閩高等學堂。是蓋當時左海之最高學府。即今改爲榕城之第一中學也。君以漢學早具根柢。成績屢冠儕輩。庚戌年以最優等畢業。得獎拔貢。閩里榮之。光復後任泉州中學校學監。甫一學期即受垠里喇公理報社聘任記者。以雅好小品文字。主編說林藝苑。其著作風行一時。然君注重教育事業。中華民國三年夏。乃入中西學校執教鞭。循循善誘。不愧人師。時僑界方有擴充教育之議。所有提倡文字。多出其手。果也成效良著。僑校繼起者不一而足。民八君升任校長。自後於教育行政。時有更張。迄今十有二年矣。門下桃李之盛。在是邦僑界。罕有其匹。而君著述之工



顏文初先生

作。未嘗以輟也。歷年來所辦出版物。有教育叢刊。教育月報。教育週刊。中西學校三十年紀念刊等。於是君之文名益著。海內外徵求鴻篇鉅製者。數觀不鮮。又於餘晷編著恰合此地吾僑兒童讀物。如童子尺牘。學生尺牘。商業尺牘及商業新教科諸書。各處僑校頗有採用者。宜其在教育界獲佔重要之地位也。至若社會上各種運動。君亦多參與之。蓋資望之隆。已非尋常教育者所可倫比矣。君性溫和穩重。安樸素生涯。現年五十歲。而身廣體胖。則又不類夫書生寒士耳。

## 吳擇雲

吳擇雲先生。籍貫福建晉江十五都福泉鄉。父諱返，爲鄉中有數人物。生子。先生居第二。性頗與人異。入村塾讀書時。便在兒童中露頭角。惟不甚留意於學業。嘗曰。我總不能作文文皺皺之書法賴子曰詩云以討生活也。奚用埋首於書籍與

筆硯。未幾遂舍村塾而作出洋計。十六歲隨人渡菲。爲傭工以覓食。秉性剛毅有膂力。爲工也。而已露領袖才。有某行東僱之爲工頭。指使衆工。部署殊有法。後謀自立。營炭業。開木行。設珠細里商店「珠細里」乃西班牙文之譯音。其業大抵販售器用雜貨也。因勤儉有信用。積資頗厚。時來往坭廈之航業爲英人所操縱。輪船中職員。待華人良苛。勞動者尤爲所賤視。先生憤憤不平。思有以制之。因於民國十年租賃殊山馬輪船以走坭廈。與英商抗減收船費。工界之人。川資尤廉。



吳擇雲先生


。於是吳擇雲之名。遂爲勞工所共仰。英人航業。大受影響。終至於不能支持。任閩商會館總理歷十有餘年。其具領袖之才略。可不言而喻矣。閩商學校。未經教育會管轄卽閩商會館所辦理先生任該校董事。不但多所籌劃。而且輸將匪少。爲人爽直疏財。故於北伐救鄉以及慈善教育之種種募捐皆隨其量而解囊贊助。先生年已六十。而氣猶豪。原配林氏有男三女一。長男世朗次世省世致女名曉治。現所經營者爲米廠及福記船行。米廠在廈。船行在坭埠怡干洛街。凡貧苦僑胞無資回國者。恆慨贈船票。並略助盤川。感其德者殊不乏人云。

## 洪永修

洪君永修。福建晉江廿四都洪窟鄉人。近九年來。歷任華僑善舉公所之董事協理或總理也。父江子。只生君。君四歲卽喪父。家貧。賴母氏劬勞。至七歲。得入學塾讀書。其母雖不足媲美畫荻和丸者之賢慧。而善於撫育。亦村婦中之難得者耳。

君十四歲。隨舅父來菲覓食。旋任店夥事。勤而耐勞。儉而守樸。經十四載始積得微資。買舟言旋。時二十七歲也。越年完娶。不數月便重渡返菲。然無意依人作嫁。力求自立。初開設菓子鋪。營業頗稱得手。乃分設支店。又另張一雜貨館。撐持四五載。生意進境。殊有可觀者。君之年卅有二矣。居無何。氓城鼠疫盛行。君一再被染。而入防疫所。商務託人管理。顧用不得人。店均倒閉。

於是君依然赤手矣。後有益友予以臂助。則別開生面。而開張一麵線鋪。甫一年，時疫又大作。死者甚夥。衛生處下令，凡製線麵及糕粿等類之食品者。概須歇業。其犯例禁干戾咎者。且沒收其器物而焚毀之。藉絕疫苗。君之生理又生停頓矣。西歷一千九百年氓城中路區布市突遭焚如。



洪永修先生


君先幾租得一片地。築屋四椽。賃人經商。藉維生計。嗣與洪南田等合設大字館。閩僑謂護照爲大字。時美人治菲嚴華僑入口之禁。新來者須有人擔保登岸。歸去者須向海關請給回菲路照。大字館主人。即營此業務者也。然君初乏經驗。館務殊

冷落。繼有美人名萬仁珍者。通廈語。適任移民部通譯事兼檢查員。君乘機而納交焉。館事遂能得心應手。獲利不貲。未幾。海關又頒新令。凡代理移民護照事宜者。須領執照。君非通英語者。萬君乃介紹一李姓名增培者佐君辦理館務。彼此遂結金蘭之契。然經一番頓挫。始得通力合作。後萬君遷調。又得同文教習恩雪江君之助。聯絡新主任。其聲氣相通。辦事如意。遂爲同業者所不能企及。一時大字館一途。君幾執其牛耳。擁資既厚。即兼營索業。號曰義隆。民國十年又開設

鐵鋪與笠鋪並投資於中興銀行。在商界中。權爲於是佔一相當位置矣。而社會團體之公職。亦相率推君任之。曾爲閩商會館董事兼司庫。於善舉公所則或充董事或居協理或任總理。迄今九載。無或間也。六桂堂宗族自治會之本屆總理。亦舉君任之。妻蔡氏。得四男。皆受相當教育。而能佐理商務云。

## 鄭孔珍

鄭君孔珍。字遠書。岷埠僑界先輩前善舉公所總理尊蜚君之次子也。世居福建晉江廿都永寧鄉。勝衣就傅。便露拔萃之才。十三歲應父命來菲。入官立學校治英西文。卒業中學校。轉入菲律賓大學預科。越二年有志於法家之學。乃升入菲律賓法律學院。卽現改稱國民大學者也。學畢。得法科學士之學位。旋應大理院所



鄭孔珍先生

。自是歷任領憲如王麟閣。葉可樑。鄭煦堃。以至現總領事鄭君光林。皆延君任是職。其推重之也蓋可知矣。凡署中交涉事涉及法律上問題者。必徵君意見而取材焉。君爲顧國體而謀僑衆福利。遇事亦必聚精會神。竭其力爲僑衆臂助。性醇樸


主考之律師考試。中選。領給律師執照。遂開設事務所。營律師業。君蓋華僑畢業是邦法科。而應考爲律師之第二人也。時僑界明法理通律意者。如鳳毛麟角。有重要事。多賴君以斡旋之。曾任善舉公所及總商會律師。辦理外交事件。民國十三年。周國賢銜命來菲。爲我國總領事。以君精法律。聘爲總領事法律顧問。以備諮詢




。作事務求實際。不喜虛聲。平日以伸張法理。保障人職志。不孳孳爲利。對於公共訟事。或貧苦僑胞。遭枉屈者。常任勞以力爭之。盡辯護之能事。君年方四十一。夫人張氏。生四男五女。均在肄業中。

## 李昭北

李君名昭北。原籍福建晉江十五都石圳鄉。中李北木廠之主人也。父諱漢果。以醇愿稱里閭。君幼曾受蒙塾之教育七八載。以其兄昭以旅菲經商。遂於十六歲輟業泛海南來。思在商場作初步之嘗試。顧知徒識漢文。不足以逐時於海外也。卽入西班牙人私立學校治西文。約經三稔。略知門徑。可以自修。卽舍學校而佐其北兄營木業。時廠中規模尙小。值之草創而已。相與企圖。各任其先能。竭其力。以聘其所謀。君從經驗所得。浸知積著之理。賤取而貴出。獲利不貲。建屋置產。富饒有加。十餘年間。在木業界漸負重望焉。至西歷一九二二年卽民國九年。君與兄同回國於鷺江。開設李民興錢莊。權子母。君任協理兼總經理。連年投重資於實業。並以路政爲地方要舉。輸巨款購泉園車路公司之股份。以促其成。一九三一年坭埠李成美公司分析經營。君遂獨自樹一幟。開張李北木廠有限公司。躬任總理兼總經理。生意前途正無





曾瑞文先生

限量也。君練達世情。長於辭令。與人交接。能稱其意。凡國內外公益事業。皆隨力樂助。夫人蔡氏。撫育六男七女。不愧稱賢內助。長男成室。現佐君理商務。餘或尚幼稚。或在求學中。君行第二。年五十有一。居坭城之范倫那大街。

### 曾瑞文

曾君瑞文。字碩臣。現年五十四歲。原籍福建晉江縣卅五都下輦鄉人。父諱雲擲。在里中聲望素孚。君爲長子。得其鍾愛。幼入村塾讀儒書。聰慧冠羣兒。至十五歲有志於四方。遂隨戚友來菲。先赴外省任商店職員。而好學不懈。工餘自修西班牙文。兼習土語。歷四載通之足應所用。而經商之道亦實驗過半。在美岸社乃合資組織聯發公司。獲利頗豐。復採買土產。兼收並蓄。以善居積。財源更進。不數稔成商界翹楚。未幾坭中泉發煙棧主人。知君擅計然術。聘爲經理。於是君將所業付親屬掌理。蒞坭任職。泉發之有今日。君擘劃之力居多。嗣又爲秀琅公司所聘。經理匯兌及糖業。四載之間盈利累巨萬。自是君聲望益隆。在商場中羣視爲表表人物。民國十三年君積資既厚。遂自組均益煙棧公司。躬任經理。年來營業突飛猛進。分支外埠不一而足。因提倡婦女職業又投資故鄉福利布廠。蓋該廠目的在爲女界謀生活之獨立也。君以注意此舉。被推爲總理。其商業前程正方興未艾也。君於商界既利達如意。社會人士多屬望焉。是以公共事業每挽君參與

之。君亦公益爲懷。樂於贊助。曾爲善舉公司董事。普智閱書報社職員。公理報社之創設。君亦發起人之一。後歷任其事。故鄉興三省學校。君以發起人而歷任總理。岷中之三省堂同宗。亦推君爲總理。泉州華僑女子公學旅菲董事會。及此間華商俱樂部。以君有幹才。舉爲董事。兼任外交事宜。中華煙葉商會。疊次選君爲會長。凡此皆足以見君之爲人望所歸矣。德配林氏。有淑德。生六男三女。長男已完娶能佐理營業。餘均在修業中。君之寓居在岷城王彬街六百二十二號。

## 吳輔仁

先生名鈞友。字輔仁。閩晉江十六都會坑鄉人也。父諱秉打。在鄉中素負聲望。以先生居長。爲家之宗子。欲培育之成讀書人。先令就塾師受漢學。國文頗有根底。後則肄業於西資岩高等學校。見稱爲高材生。一年畢業。自設私塾。爲童子師。歷數載。慨然曰。男兒志在四方。何能鬱鬱守一片青毡。與乳臭爲伍者。遂於民國八年。拋鄉井而作乘風破浪之計。抵非之時。廿有三歲矣。始供職岷中成美木廠。專治而才以見。而誠謹可靠。爲閩閩中人所僅有。信用遂日隆。未幾自經營木業。開鋸廠於范倫那大街。號曰大生。並分支於各處。自是任木商會文牘者。歷七年之久。今日岷中僑界言木商有數人物。先生必居一焉。先生性抗爽。見義勇爲。雖非素封之家。自奉極儉樸。而對公益事業。捐輸均不吝。報上每披露募捐題名錄。閱者見其所輸將。必曰吳輔仁之疏財。實甚於所謂富家翁者。蓋以其捐額與資產爲比例也。平時作事。富有責任心。無論匡扶學校。贊助報社。皆有始而有終。爲僑輩所敬服。與興作而熱。興盡而冷者迥異。岷中吳姓組織讓德堂。同宗之人推先生爲董事。再而三矣。佩其遇事策劃。無不週到云。先生雖出身學校。而經理廠務。每與傭工伍。能耐勞不倦。貌非斯文。而有閒情逸致。在市廛喧囂中。恆喜吟咏。可謂商而士者也。遇文雅者流。特表欽敬。遠非操奇計盈之流輩。所可同日語者。蓋猶不失其爲讀書人之廬山真面目也。現年三十有五。夫人蔡氏。生男女各一。尙幼稚。

## 李昭鎮

李君昭鎮。字國樑。小呂宋首都。亞實加拉牙街。大興木廠之主人也。原籍福建晉江十五都石圳鄉。父諱漢崎。於十八世



李昭鎮先生

紀末葉。來菲經商。君有兄弟四人。其行第三。幼讀書於鄉塾。便爲塾師所重視。年十六。與李君清泉同南渡。是美人已爲是邦之統治者矣。初猶以爲所學。未足以應所用也。乃進僑界之私立學舍。再求深造。又覺寄人宇下。非普通其文字語言。不克有爲於角逐之場。惟當時菲境。雖歸美轄。而西班牙文字語言。猶爲國文國語。君遂入西人學校。修業四載。因其父木業停頓。乃輟學。赴州府爲人理簿書。經三稔。勤儉異常。粒積餘資。卽歸國省親。逾年。復渡菲。供職於成美木行。蓋卽本埠著名木商。李君昭以所創之業也。以素有商業經驗。且治事精細勤敏。部署一切。井井有條。昭以君雅愛其才。甚信任之。歷五年。委之爲分行經理。約三載。營業殊進步。昭以君倚之爲股肱。未幾言旋省親。且微有儲蓄。乃思自樹一幟於木業界。明年。卽組設大興木廠公司。不數歲。因爲環境所左右。各股東先後讓君獨自經營。自是全權在握。惟所欲爲。其間亦經多少之努力鬥奮。企業始大發達。曾任木商會董事四年。在同業中頗見推重。其爲人也。爽直而慷慨。公益慈善之事業。多得輸將。而於故鄉教育。尤復踴躍捐助。石圳閱書報社。以君有實質上之貢獻。公推之爲社長。陶江學校之成立。亦得君財力之扶助


。遂舉之爲名譽總理。然君非好名者。所行不欲人知。故社會上知之者亦少也。夫人吳氏。有六男三女。男名文忠。文正。文彩。文安。文振。文永。女名淑琮。淑明。叔美。長男文忠曾肄業於香江聖約瑟書院。現在本廠佐理業務。識者皆謂其克承父志。守父業。餘均在求學中。君年四十有七。所營之商業。尙有大通木廠云。

### 林再生

君名再生。資嶽其次章也。現年適週甲子矣。生長於原籍福建晉江十四都蓮峯鄉。父諱章雍。生丈夫子四。君居其次。幼讀書於村塾者五載。始於九齡而至於十四。西歷一八八六年。同里人浮海來菲。藉謀活計。初供職於戚屬之鋪中。每月所得辛資。僅銀餅三枚耳。然勤治其事。善耐其勞。不計傭值而懈怠也。且有志遠圖。日乘隙攻西班牙文習答加洛語。答加洛語者。呂宋南部之土音也。不久便兼通曉。東主以其能漸重視之。而薪水亦漸增加焉。自後悉心注意於經商之道。外事屏絕。不旁顧。惟其籌之持算之握。益得行東之信任。旅菲之第十一年。受委託爲總經理。於是事權可專。居其下者順君之命。是聽措施裕如。營業大見發展。君之分潤亦不貲矣。民國紀元前十一載。卽西歷一千九百年。自行開張源隆布莊於坭埠之唐人街。素號爲舟仔岸者。錦繡、

林再生先生





蔡葉先生

絲羅、布帛、麻、泉、以漸居積至於豐富。超同業之上。財與時俱進。其聲譽遂馳於海國之南北。民國十四年。別營穎源酒廠有限公司。又投資種植橡樹。華興銀行之創辦。君亦大股東之一。因被舉為董事。君自布業廢進之後。對社會事業。多所贊襄。曾任善舉公所董事。布商會會長。公理報社董事。教育會司庫。西河堂名譽董事。華商俱樂部副總理。資望之隆。概可見想矣。淑配氏吳。養育十一男又五女。君素注重教育。知現代商戰場中。非具有專門學識者不足與人角逐而制勝。因遣長子錦谷君。修商科於美國華盛頓大學。畢業後即佐君經理布莊。並自營砲廠。亦今日商界後起之秀也。五男肄業於黎薩大學。餘未成年者。均在中小學校中讀書。


### 蔡葉

蔡君名葉。閩省晉江南門外塘邊鄉人。小呂宋鏡業第一家蔡益盛之主人也。父名友箱。家貧。以稼穡為活計。今年邁矣。然尚健在。稱一鄉長者。君幼時。曾進蒙館讀書。以窘於束脩。中途輟學。鄉中多洋客。冒犯風濤。遠託異國。咸視為常事。君舞象之年。便有志於南遊。蓋熟知株守鄉僻。霑體塗足乎隴畝之間。難於發迹。更非生財之上策也。十六歲。隨母舅渡菲。顧乏長技。祇得入工業鋪為藝徒。賤役勞工。皆耐而操之。時坭城無自來水。羣趨井源。以及以挑。往往因擁擠而肇爭端。誰先誰後。率以強弱為準。君每往擔水。必與土人比武。以勝負決後先。幸君體壯力雄。

。恆佔優勢耳。其主人乃業洋鐵燈者。君於勞勞碌碌中。竊習園囿之法。更事既久。遂旁通乎鏡業。君雖未得高深學問。而智巧超於庸衆。且志堅自立。不屑長鬱鬱傍人門戶。乃於公元一九〇五年。卽中華民國紀元前六年。罄積餘資。自豎一幟於商場。時君年逾弱冠矣。初開一小鏡店兼售洋鐵燈。規模極狹。凡雜役簿書。招呼顧客。採辦貨品。皆以一身兼任之。以逐什一之利。一日。欲往洋行購鏡。店乏人顧。正咄咄書空。適有一半面緣之外省菲婦過。卽以好語挽之守候片晌。不意與洋商接洽。遲遲而返。菲婦急於乘火車滿里。焦灼萬狀。然恐失竊。不敢分身。竟誤行程。濡滯越日也。前年一菲媪入君鋪中市鏡。與之覲面。其覺似曾相識。迨一問訊。乃知卽廿餘年前爲守其店至於趁車不及之菲婦也。交談往事。彼此不禁恍然失笑。而老嫗視其鏡業之恢張。琳瑯璀璨。與昔日相去萬萬。尤形駭目而嘖嘖稱焉。君自致志於所業。慘淡經營。取漸進主義。其間或經挫折。亦鏗而不舍。於是規模浸宏敞。是與西商競爭。初菲島鏡途生意。本爲外商所壟斷。君蓄謀取而代。乃用化居神算。出靈妙手腕。與之抗衡。卒也西商束手。罷業而退。是亦僑界各途商中所莫與頡頏者。今日君廠中機器多至數十架。出品爲各家冠。外商說蔡葉者。皆稱之爲菲島鏡界巨擘。無出其右者。非溢譽也。惟君經商。貴騁其志。不求取厚利。故其生意得近悅遠來。致有今日之發達云。夫人林氏。性至慈祥。生一男四女。長次女已畢業於聖公會女學。有淑德。似其母。男尙幼穉。君現四十七歲。爲人豪爽疏財。恆念曩昔之艱苦。故待店夥至寬厚。於彙梓公益事業。犧牲不少。如濬溪渠。利溥鄰里。其鄉中龍淵學校。經費多由君擔任之。其被舉爲該校總理。蓋有以也。

## 曾雲繳

曾君雲繳。福建晉江下輦鄉人。父諱呈璧。生子若干。君居三。獨具雋才。未冠便隨其兄渡菲。以曾受相當教育。受知於甲必丹曾祝戈。得其器重。時菲島尙屬班牙管領。華僑之表表人物。大半見任爲甲必丹。能與甲必丹相盤桓者。必出人



曾雲繳先生

頭地者也。祝戈知君才幹異乎庸衆。凡商業機要皆委託之。不啻倚爲長城。君之信用遂以著。未幾。自樹幟於商場。開設豐源米廠於坭城。善經營。所業日進展。不久卽分支於溪仔婆羅沙禮示。殖貨長才。益有以自立。然素忱爽。不孳孳爲利。凡屬募捐。慨然解囊。不少吝。又蓄意興桑梓教育。曾輸將巨款爲鄉人倡。故園之三省學校得有今日之成績。君之力居多。歷年被舉爲學校司庫及協理。現任總理矣。是邦華僑米商頗多。然素無團體。殊形泛散。君以爲不有所組織。不但其業未能發展。且乏集思廣益之道。尤難保持其固有之勢力。因起而倡辦米商會。以團結同途。鞏固本業。諸米商皆贊成之。公推之任斯會重要職員。君爲人和平坦直。待下寬厚。遇店夥同鄉之婚喪。恆助之。有困乏者尤樂濟其急。蓋性近乎仁者也。君現年

五十有八。原配張氏。繼室楊氏。俱稱賢內助。有子三。長瑞熙次瑞方三有志。女一閨名淑明。肄業於華僑中學。在僑界曾稱交際明星云。

## 莊孫鰲

莊孫鰲先生字莊超。福建晉江青陽市人也。父諱鳳翔。初生先生愛之甚。又以其穎悟異常兒。欲培之成材。先使治國學。



未幾科舉廢。先生遂輟業。而習治生術。民元渡菲。佐其父營米業。然其獨立之特性卽有以自見。後其父年事高。息肩家園。作娛老之計。先生乃任本行萬春號之總經理。運籌握算。懋遷裕如。不數年而蔚成盛業。在米途中佔一重要位置。設米廠。置不動產。先生之鴻猷益以光大。平時對公益事。恆厚於負責。以故聲望隆於故鄉。民五袁氏以帝制難成。憂憤而死。黎元洪以副總統入京繼任。民六。行大選。而舉參衆兩院新議員。先生適在泉。被選爲晉江縣初選員。到省垣與全閩之候選者會議。譙於督軍署。乃爲李厚基所器重。勸就仕途。願

莊孫鰲先生



先生審度宦海風波之險惡。政治生涯之齟齬。終不敢冒昧以試之。遂復南渡。至是先生會精聚神於商務。並以社會桑梓之公共事業爲己任。是邦米商組設米商會。以厚其團結力。先生與有力焉。曾連任會中之職員。又以同宗族人渙散無聯絡。乃倡設錦繡家族自治會。因被公舉爲是會之主席。足見其爲一宗之最負時望者也。於梓里教育尤提倡不遺餘力。如青陽市公立學校。先生獨力擔任經費者至六年之久。其犧牲之精神。殆有過人者矣。先生友愛性成。父棄世後。與諸弟從無閒言。皆隨其材質而栽培之。今青陽市之民團主席孫金君。卽先生之介弟也。從上海大夏大學畢業後。卽爲黨國効勞。爲桑梓服務。知者咸謂先生有弟矣。然又

無不謂孫金君之得成材。未始非幸得先生爲之兄云。妻李氏。側室謝氏有六男三女。現年四十二歲。

吳克仁

華僑名人史略

君名克仁。以字行。生長於福建晉江新西吳鄉。在兄弟行中居四。而受教育獨多。幼少時肄業於私塾。頗露頭角。父兄屬望焉。冀其能騰躍於仕途。稍長遣之赴榕垣。修業於福建高等學校。是蓋當時閩中之最高學府也。業畢後。負笈走滬江。



吳克仁先生

入中國公學。研究政治經濟科。廿餘歲覺中國政治難躋清明之域。遂無意於仕途。航海來菲。佐其兄克誠君治理合茂木廠事務。以君所求之如許學業。降志廁身於商場。在僑界誠不可多得。未幾經驗已足。卽任大野覓示鋸廠經理。又四年改任棉蘭老木業公司協理。前後在該廠當事。約歷十三年之久。嘗然自謂僑菲廿餘載。心役形勞。大都討生活於木屑中。蓋不欲以木業家自命。而故作謙詞以自遺耳。性沉着。尙質樸。不喜鋪張。君所任之社會名譽職。舍木商會董事外。則爲旅菲西吳教育會會長。住垠時並兼任華興銀行董事。以該行係其兄弟所共行投資以開張者也。德配許氏。善撫育兒女。不愧稱賢內助。君現四十六歲。已有七男六女。其長郎輝洛才逾弱冠。已能掌理棉蘭老木廠業務。並爲三寶顏良友社之長云。

## 劉惟玉

君姓劉。名惟玉。字際澄。世居左海溫陵新門外浮橋龍濟境。爲旅菲華僑中醫界之卓著人物也。先世業醫。父諱宗顯。以儒家而行醫道者。君幼承家學。八歲入書塾。歷數年。能自修。便涉獵家中所藏歷代著名之醫書。初其父開設萬全堂藥局


於故里。及君年壯。遂承任父業。經理藥局事。未幾。又手創萬勝杉行於浮橋。治生之術。頗有以自見。然素抱遠游志。因於民國四年渡菲。懸壺於坵埠。僑界中欽仰其醫道高明者。良夥。諸同業亦殊推尊之。故歷任中華醫學會會長。或充司庫等職。初中華崇仁醫院亦聘之爲中醫主任。於是在醫界中譽望。乃益隆。泉州公立醫院。因募捐事。組織旅菲董事會。君被推爲總理。晉江新華學校之旅菲籌辦處。舉君爲協理。而中華全國醫藥聯合會。菲律賓特別分會。公選君任常務委員。

其見重於社會有如此者。然君於行醫之餘。仍注意商業。旅菲後。曾與其昆仲合組泉州公司於本島之三播省甲播朗岸社。蓋於治生之道。素所擅長也。君現年五十有三。德配許氏。四十九歲。有男一。女三。男肄業於華僑中學。三女均在第一小學校讀書。兄弟若劉千人君居二。以友于。見稱於宗黨交遊。母謝氏。尙健在。已七十惟五歲矣。

先玉

### 吳澤拖

生 吳君澤拖。次章克藍。原籍福建晉江縣新西吳鄉。幼讀書村塾。尙未成年卽隨父實堂來菲學習商業。蓋其父素僑坵。欲君從商知懋遷之道貴在實地練習。非可於詩云子曰與之乎也者中求之也。惟在外洋爲賈。非通曉西文西語。不足與人角逐於商戰場中。於是進斐律彬公立學校修業若干載。西語西文均操之流利。而驅遣於筆端。在





### 蘇必輝

中醫蘇必輝君。福建南安石湖邊鄉人。父諱應時。以儒而業醫。聲望著於一時。生七子。君序五。勝衣就傅。便以聰穎見稱。頭角嶄然。稍長。有紹箕裘志。每於肄業餘暇。旁窺岐黃諸籍。父知其能繼己業也。時與談醫道。君具慧根。輒能參解奧旨。年十八。輟儒業。悉心揣摩醫術。逾年。遂出而問世。醫名漸著。嘖嘖鄉里間。君素注重教育事業。時閩南創設崇文學校。推君任校董。負維持之責。民國九年。南渡菲律賓。埠中華僑素耳君名。爭爲介紹。名益著。十一年。開張鶴壽堂藥房於仙道其厘實道街。十二年。君以僑界中醫之渙散。無以通聲氣。謀進步。乃招集同志。組織菲律賓中華醫學會。因公奔走不辭勞瘁。君歷任會長司庫董事等職。於是馳譽於菲界。求醫者日益多。不僅爲同道中人所推重也。願君居醫

吳 擇 拖 先 生

市屢中足資應用。自少而壯。襄助父兄發展業務。勤勞備至。極爲得力。中年而後。經驗尤富。其所事企業。如坻中之合茂木廠三寶顏新晉江水廠寬晤啊貯密木廠以及宿務三寶顏納卯各處售木場暨營造工程等。其卓犖大端者也。君爲人謹愿。忠厚之氣度。睥然盡于眉宇間。而勤儉之德性。由習慣而成自然。殆可謂財不浪耗而時不虛廢矣。然於社會公事桑梓治安與教育。亦見義而勇爲也。曾任小呂宋木商會會長閩僑救鄉會司庫。故鄉學校。尤多資助云。君現屆知命之年。有五男三女。夫人施氏。閩字扁治。重婦德。善主中饋。君有兄弟六。行第三。



界。而扶翼教育之志如故。南安南星中學及泉州平民學校。皆由菲島籌捐贊助。君均竭力贊襄其事。兩校旅菲董事會成立。俱被舉爲董事。泉州公立中醫院之來菲募款也。尤得君之贊助。是以亦推君爲董事。君爲人抗爽。有才略。於公益事。不特樂輸金錢。且喜躬爲提倡。又以交遊道廣。信重者衆。在醫界中誠爲有數人物也。

### 顏武煌

生先輝

顏君名武煌。世居福建南安三都埔頭角後。父諱祖魚。生五子。君居長。幼時家貧甚。八歲入書塾。甫一載。因家計窘迫。乃輟學。且爲飢驅而至廈。初任太古錫記公司小什役。供呼喚任洒掃而已。然頗有志於遠方。十三歲。隨甲必丹劉甚戈南渡。甲必丹者。西班牙管領菲島時代之一種官銜也。



僑界必負有聲望者。始克當之。君初抵菲亦猶恆人以苦工餬口。旋致人挑布販賣。博蠅頭之利。菲島革命風潮作。土人反戈。以抗西班牙官吏。君避險歸國。迨美人佔領菲土地地方寧謐。君始與弟全渡坭。以換金銀爲業。至勤且儉。銖儲而粒積。頗有餘資。廿幾歲再旋里。遂完娶焉。並建築屋宇。翌年返菲。仍舊貫以經營。獲利較豐。又兩載。與弟同歸。慶新廈落成。且爲仲季成室家。尋復回坭其所業如故。再兩年。又挾盈餘。還鄉興土木爲利行人計。開闢山路。並建雨亭三座。

鄉鄰鄉里之人。德而稱之。再渡菲後二稔。乃與吳君天炳所開設之煙廠合資。即從而擴充之。至民國十一年。因吳君另組煙廠。公司遂分拆。各自經營。君之煙廠。即今日那仁那街之福源興也。自是奮發進展。以角逐於煙業界。基礎遂以固。君爲人戇直。有血性。堅忍質樸。胸無城府。其愛國之熱誠有過人者。最努力於革命運動。不但輸將金錢。且樂犧牲精神



顏武煌先生

。奔走呼號。不遺餘力。民國紀元前。已加入同盟會。宣傳革命。勞瘁不辭。曾任普智閱書報社董事。疊次募軍餉。皆慨解義囊。於民國十年。受孫總理委任駐斐國民黨支部評議員。後又任支部。總支部各職員。黨人以君富犧牲精神。推之爲北伐後援會財政主任。五卅慘案發生。君痛憤欲絕。此間五卅臨時救濟會。君亦居職員之一。且深嫉帝國主義之壓迫。遂命其子萬川君赴黃埔中央軍事政治學校求軍事學識。使他以爲國家効命疆場。十五年適蔣總司令誓師北伐。萬川隨軍北行。後仍回黃埔畢業中學後。升入中央軍事大學。現尚在肄業中。君屢任黨報公理報社董事。所助財力頗不少。又被舉爲中央直轄旅菲童子軍評議員。前年南京僑務委員會。聞君効忠於黨國。聘之爲顧問。十九年十月間爲維持公理報出爲募捐。忽遭敵人行刺。受傷頗重。昇入醫院診治。幸獲痊愈。蓋亦危矣。君雖不學之常識。然一生對黨貢獻。純屬犧牲。其視一般投機份子。盤踞黨部。把持黨務。以營私牟利恃勢凌人。迥不相同也。僑界之談真黨員者。莫不曰顏武煌。君所任之名譽職。除黨部外。爲華僑工界團體會職員。煙廠聯合會



林 尚 疇 先 生

### 林尚疇

董事兼司庫。故鄉東三學校董事會總理。南安民團團長等。不一而足其樂爲社會公共事業而効勞也蓋可知矣。德配潘氏生兩男一女。次男已能佐理營業。女亦出閣矣。君之年五十有八。然未衰老也。


君林姓。名尚疇。現氓中西河堂之總理也。原籍福建漳州龍溪縣。父諱慶財。於君五歲時。曾一度來氓。未幾。如水土不合。治裝歸里。自後經營於故土。不復南游。惟在氓時。交一挈友莊再澳。爲人殊有古風。君十二歲。莊君適回國。到君家訪問其父。見君循規蹈矩。視爲子姪。君雖幼。能以父執禮致敬。其父亦以老友情摯。命君拜爲誼父。時君尚在村塾受業也。十四歲。得莊君提攜而來氓。藉謀生計。莊君重其樸實勤敏。爲薦於一布商。使學習貿易技能。並以忍苦耐勞相訓勉。謂寄人籬下。不可有忝厥職。致誤及前程。君聞之拳拳服膺。遵循唯謹。遂夙興夜寐。竭力操作。終成習慣。自覺無所苦。店東愛之甚。故嗣後生意遷居他處。而君皆得其任用。數年間。相依如一日。惜東主多遭挫折。所業終於虧本停頓。會莊君新張珠細里店。召君爲店夥。鷓鴣一枝。幸免失寄。逾三年。因股東意見不相投。生理收盤。此際林君幾弱冠矣。而歷歲備值。薄有積蓄。因念古人有百尺高松從地起之語。且聞市面殷商富賈。營業多由小而大。自計爲備覓食。終非善策。乃租一屋角。作排櫥仔生理販賣零星珠細里貨品。朝斯夕斯。不敢懈怠。蓋有知好純憑信用。

借給君所需要。是以益經自守。深恐有負於人也。君既以厚道待人。又善招呼顧客。生意頗得進境。然其苦心經營。亦殊所難也。已廿二歲。奉親命回家完娶。除攜款以應婚費之需外。所有櫥仔位及存貨價值八百餘金。招人承頂。由擔保者負責。意將此項備爲再來時之營業資本也。不意越年履屨。其人生理不就。保者又翻腔。厥後由公親調停。僅收回叁佰元。於是不能別開生面。只得仍就僱傭之職。役役碌碌者又六七載至卅歲。始能乘時奮鬪。再自樹立。開設一鋪號信義於洲仔岸門面擴張進出漸巨。由是益自戰戰兢兢。慘淡經營。逾三四年。方喜利達。忽因鄰店失火。亦遭回祿之災。時逢辛亥。所謂洲仔岸之浩劫也。幸保有火險。惟該項即抵欠人賬項。而數年血汗已付一炬。嘆無餘力可再整旗鼓矣。旋有德國商知君信義過人。願助一臂之力。勸君再樹幟商場。因而捲土重來。其行號仍顏曰信義。蓋以信義動人始有復起之日也。光

陰迅速。奄忽又二十載。而君亦年逾半百。垂垂老矣。生年雖僅入蒙館三四年。未受高深教育。然朱文公所謂讀書起家之本。勤儉治家之本。君固深悟其旨。能力體而行之。且於社會公共事業。亦慷慨而任勞。舍任西河堂總理外。亦曾任珠細里商會及東方共濟俱樂部董事。後一團體君且爲其發起人也。君年五十三。有四男一女。其德配黃氏。

### 蔡祖增


君姓蔡名祖增。無字與號。籍貫福建晉江二十一都古浮鄉。初在私塾肄業。喜貨殖。不喜埋頭於筆硯間。遂舍學而渡重洋。



蔡祖增生



其乘風破浪之時。年甫十五。抵菲後。爲人執賤役。藉習耐勞。繼受僱於米商恆豐號。獲研究持籌握算術。爲人謹厚。有恆心。以次升任經理。然不願鬱鬱。因人成事。乃圖自樹一幟。無何。果組織益源公司。性和藹。得中外商人之信託。企業發展與日俱進。其米廠分設各省者。不一而足。迄今二十年。財源增溢不已。然富有公益心。公共事業。與個人企業常並重。平生捐輸之欸。爲數頗鉅。曾爲中華總商會董事。歷任中華米商會會長。在米業中可推爲巨擘。蔡姓宗親旅菲者。年前組設濟陽公所。以聯絡本宗情感。先生見推爲總理。其受同宗之愛戴也。可不言而喻矣。素重視教育。恆謂吾向已失



蘇子升先生

學。當竭力興學以彌平生之缺憾。故於故鄉各校提倡贊助。不遺餘力。對國事亦殊熱心。垵中僑界組織反日抗俄各委員會。先生俱被舉爲委員。現年四十有五。妻王氏。生男女各二。長男已成家。能自立矣。有弟名祖慨。亦善賈。兄弟友于素篤。彼此分道揚鑣。在海外商界中。均爲表表人物也。

### 蘇子升

蘇君子升。福建思明人。連任華僑善舉公所董事。已十有二年矣。父諱根鞏。生六子。君最幼者也。九歲入書塾。約五載。輟學。以有兄在垵經商。乃來菲爲之輔。嗣因鄰店不戒於火。商業隨而灰燼。君不得已依人作稼藉博生計。於旅垵八載。以錙銖累蓄者。爲創業資本。開張綸美布店於州仔岸大街。自是奮其全力苦心經營。歷十三年。生

意以漸進境。詎至公歷一九二四年。因意外挫折局一變。於是宣告收盤。以待機會。時益華公司正網羅人才。君於布業素有經驗。且爲人可靠。聘之爲布業部經理。越年。友人德惠之重整旗鼓。君因信用素孚者。其再組怡美布莊也。咄嗟之間。措置就緒。遂使其宅相掌理業務。其始進行殊順利。前途大有希望。不意近一二年來。世界經濟恐慌。百業衰退。而此邦之布途。尤形凋落。君胸有把握。預料斯業不足持。勉強支持者。或有慘敗之一日。乃決然於今春結束而停止之。知者皆服其有見地。君爲人溫厚。有長者風概。於營業之餘。喜助勸慈善公共事業。此間前有廈門公會之組織。君被舉爲會長者兩年並兼各職。而自民國八年當選善舉公所董事後。連任迄今。計十二載矣。其能滿僑界之公意也如此。妻氏吳。生兩男一女。長男名圻銓。民國十七年。畢業於華僑中學。已授室矣。現任公理報繙譯員。餘則在修業中。君現年五十五歲。店夥者所得皆無幾。君之儲值分若干供家計。雖毫忽必節省。囊積亦無多。至兩年餘。得壹佰金。卽以爲資本。自營製燭業。顏其廠曰自成。蓋以誌獨自成業。不依倚他人也。時君已弱冠矣。日未出而工作。日已入而籌劃。辛苦數年。頗有貯蓄。廿八歲歸國完娶。夫人吳氏。閩名綠娘。生一男。卽哲嗣教鋸君。現任自是邦。百業不振。商况平淡。爲

## 施學齒

施君學齒。字達謀。福建晉江石廈鄉人。父諱家纏。生三子。君居伯季之間。獨穎異。父使就傅。有志於舉子之業。繼因家道中落。不得已輟學。年十八。爲謀生計。隻身南渡重洋。初抵坭里喇爲商舖僱員。時西班牙人管領



施學齒先生

是邦。百業不振。商况平淡。爲


成燭廠之經理也。君回峴。適美西水軍海戰。地方秩序以亂。君幾及於難。幸有智計獲免。無何。得家中凶耗。吳氏染疫而仙逝。君哭之悲。抱悼亡之痛。整裝旋里。治葬事。已而續鸞膠。繼室陳氏。芳名窗娘。出於陳者。計男二女三。天從天爵男也。秋菊濱英姊妹女也。君生財以道。得同業所敬重。各燭廠組設商會。曾推君任會長。一言一動。足以左右全體會員。爲人慈祥有古風。利人之舉。樂贊其成。晉江石廈鄉之大溪。故無橋樑。行人病涉。君於民國十三年秋返鄉。乃建築惠濟橋。石廈通衙口大道。以利往來者。俾免揭厲之苦。獨力成其事。所費不貲。鄉人咸德之。自後以暮年。伊不復出外理廠務。鄉居怡養。祇顧農事。並專心提倡桑梓教育。里中竹山學校之成立。君之力居多。被舉爲校董有以也。年來閩南一帶。土匪擾亂。弗得寧居。不得已於今春再買舟南渡。現年六十有七。雖毛髮皤然。幾乎一老。然尙矍鑠不龍鍾態也。



李 標 先 生

### 李 標

李君名標。原籍福建晉江二十都永寧鄉。父鼎三。又名郎力。乃僑界鐵業巨擘黃聯興公司之總經理。娶王氏。生三男二女。長子卽君也。性聰敏。勤謹有父風。十二歲渡菲。初肄業亞陣良學校。由小學而中學。二十一歲畢業。民十界僑有組織教育參觀團者。目的在考察祖國各名城大都之教育事業。君與之偕。數閱月遍遊上海南京天津北京西湖漢口武昌長沙杭州廣州等處。所到之處作有遊記。返菲後則專修牙科於菲律賓濱大學。民



劉景薰先生

十八卒業。爲僑界牙醫第一人。曾服務菲律賓濱總醫院及華僑所設之崇仁醫院。並開張牙醫館於貽干洛街一千一百零二號。爲僑界服務。凡屬學生。皆只受半費。星期日施診。貧苦之人受惠者不少。今方二十八歲。年富力強亦僑界卓爾不羣之一青年也。其弟妹均受相當教育。君父積資置產。亦成素封之家。然君不似纨绔子弟。喜自立以聘其志焉。夫人蔡氏。育一男兩女。女孿生也。

### 劉景薰

劉君景薰。字賢鵠。福建晉江三十九都後厝鄉人。前坵中華僑崇仁醫院之中醫主任也。父名維萊。生十二子。君爲長男。七歲就鄉塾讀書。閱五六載。所學有進境。然無意於儒業。以其外祖許國材爲軍醫。乃從之研究醫理。許君固三折肱者。嘗以國手自期許。一時頗負盛名。正欲以所心得者傳之後輩。知君有志於盧扁之術。遂悉心授以方脈祕要。君既注意於此道。自易領悟。至十八歲。便自懸壺以濟世。先遊歷南洋。於英屬荷屬各境。皆以行醫自給。遊踪所至。醫名隨之而著。廿九歲卽西歷一千九百十五年。亦民國紀元後四載也。始渡坵江。挾其醫術爲僑界服務。逾二稔。善舉公所卽聘之。任崇仁醫院中醫主任。兩年餘。因該院絀於經濟。乃商諸本埠中華醫學會諸君。倡議由會員輪流擔任。義務臨診。君本爲醫學會發起人之一。曾被推舉爲董事司庫。所倡之議。遂得諸君同意。民國十一年開張壽而康藥房於雪文街。又六年兼設景珊金珠舖。營業均有可觀焉。君於行醫之餘。屢參與社會團體事業。菲島東方共濟俱樂部。乃規矩會之華人團體。君爲其董事。醫藥商會之創設。君號稱發起人之一。又泉州公立中醫院之

旅菲董事會。君亦廁董事之列。蓋於募捐以助該院之舉。君嘗奔走効勞也。爲人以和光爲主旨。並能推己以及人。凡遇社會或個人爭執事。君每出任仲連之責。爲之排解。感其德者極稱道之。現年四十四。元配黃氏。如夫人謝氏。共得六男四女。長男在舖中佐理。能自立矣。餘均在求學中。君之兄弟十有二人。存者今僅七人云。

## 謝應寅

謝君應寅。旅菲僑界中爲公共事業。或愛國運動奔走募捐。可謂最見出力者也。前清光緒二十八年。奏辦福建鐵路公司。

在南洋招股。設有駐岷名譽董事。君亦其一。其募股成績。

便有可佳者。於是君在社會上。稍稍露頭角矣。民國八年九

月三日。永豐隆帆船遭風。十七人獲救者。漂泊無歸。君出

而募捐爲盤川。始得回國。此後賑災之舉。如華北賑災會。

甘肅賑災會。十六省水災救濟會。君皆任特別募捐員。不辭

勞瘁。奔走呼號。爲災黎請命。又若救鄉愛國之運動。君亦

至表熱誠。於閩僑救鄉會。則被推爲幹事並募捐員。於國民


協會。則被舉爲職員。兼任募捐事。於民團後援會。則被選

爲執委。又兼募捐隊主任。上海五卅慘案作。君邀請音樂研

究社及碧蘭閣音樂社諸社員。合演京劇籌款。以助抵抗帝國主義之運動。君蓋曾任碧蘭閣音樂社董事十三年者也。殊爲該社員所欽佩。故能號召之。以贊義舉。如最近僑界所組之救國委員會。君見選爲財政股員。無非以素來善於募捐也。此



外各學校各報社善舉公所國民黨等。遇有籌捐事。皆俛君資以臂助。幾乎無役不與耳。泉州花橋亭度歲捐君爲勸募者。計歷四載。泉州平民學校旅菲董事會爲君勇於効勞故。推之爲董事者至再而三。其他瑣屑之役。則不勝列舉矣。其在社會之



邵子明先生

信用與服務之精神。誠難得而可貴也。君世居福建泉州城內。父諱恩。以舌耕爲業。桃李滿里閭。頗有聲譽。君自髫齡讀書至十有五。有志於遠方。遂於公元一八八八年渡菲。先在殊殊汶省牛叭社任商場書記經五載。後以季父在坵爲陳某經理烟廠。偶與友人同來一探。且羨都會繁華之區較有展布餘地。乃決意留坵謀生業。因爲滙兌經紀人。以博微利。迄今四十餘載。皆操是業。惟君時參與社會事。不汲汲於求財。故未能致富。且恐室家貽累。私爾忘公。是以五十有八歲。始與許寶合女士成婚禮於中華領事署。今得一男一女矣。君年已近衰老。六十一歲而天懷和藹。熱心於社會公益如故也。

### 邵子明

邵君子明。名紹章。閩同安人。父諱光霞。生數子。君居三。慧根獨具。父屬望焉。使肄業於鼓浪嶼英華書院。不久。便通曉英吉利文字。爲治生計。業未畢而輟。先任廈門大北電報局職員。敏於才而心專於所事。爲當事者所賞識。然君少年英挺。具軒昂奮發之意氣。不屑長守機械之職務也。會僑商李君成業回廈。班荆道故。知君有遠遊志。不願鬱鬱居故土。乃聘之來菲。任爲行中之司庫。君治事精細。出入毫無遺漏。越年

。卽升副經理。於是在商界中漸著名聲。蓋君本有學識。具銳利眼光。與幼投市井而執賤役。粗習閭閻之法而一知半解者。不可同日而語也。後改充巨商李文秀之新合美公司經理人。籌措裕如。貨殖之才。益得展布。顧君一意圖自立。傍人門戶。非其志也。民國十三年。卽西歷一九二三年。開創信興行。營出入口生意。爲僑界直接向歐美採辦貨品之有數機關。其所代理之英美德各國坐賈廠家。以數十計。幾乎百物俱備。出口貨以本島之蔴荖木料爲大宗。君非有豐富之資本者。開業之初。無所憑藉。能於數年間。驟然成後進之卓著商家者。今賴其以精到之識。用堅持之心。運精進力。以經之營之耳。其夫人余氏。閨名淑敏。慧質靈心。貌尤慈祥。畢業於福州華南女大學。通中西學。其德其才。皆稱其名也。結褵後來。坻佐理商務。自任英文簿書。不啻邵君之記室矣。凡朋友顧客之至君辦公室者。無不見有紅袖朱顏。鞅掌於其間。故君之業成。內助之功。居其半也。夫人生男女四。相夫而外。又善於教子。長男希陶。方十歲。爲僑校一高才生。前年其女才四齡者。能於普智學校慶祝雙十節盛會場中唱孫總理遺囑歌。雛鳳清聲。響亮動人。且態度自然。不亞成丁者。大得舉座之鼓掌稱羨。非得過人之母教。曷克臻此。君現年卅八。正丁壯歲。業務之餘。恆輔助公益事業。於黨務亦熱心曾任某黨部之執委云。

## 施教鋸

施君教鋸。字銳簪。現年三十五歲。原籍福建晉江十七八都石廈鄉。父名學齒。旅菲經商。開設燭廠。號曰自成。君生於故里。髫齡入竹山學校讀書。聰敏好學。師長甚愛之。十四歲。隨父來坻。卽在鋪中實地練習商法。夜則延師教授英西文。久之操英西語殊流利。佐理業務。幹才亦綽有餘裕。性和藹而爽直。又尙義氣。且有革命性。民國五年。奉父命回國完娶。越歲返菲。經二載再返里省親。時靖國軍管轄泉城。土匪乘機騷擾。君不忍坐視家鄉遭慘禍害。奔走呼號。提倡組織

民團。以衛桑梓。十三年。隸國民黨籍。毅然宣傳革命旨趣。翌年。任晉江二區黨部執委。尤努力於黨務。並倡辦中山女學。捐資充經費。十五年。其父返國休養。君復渡菲承父業。而任經理職。君年方壯。富有精神。生意遂益形發展。然於黨中活動。無不盡其力之所能。十六年正值清黨時期。君在坵支部第一部分第一區黨部登記。旋任執委等職。勇於負責。為同志所推許。濟南五三慘

案作。海內外同胞皆熱烈反

日。駐菲總支部奉中央命。

通令所屬各級黨部。積極作

反日之宣傳。君所隸屬之上

級黨部第一分部黨員。多居

報學兩界。故於反日運動尤

形激烈。其出版之刊物「先

鋒」。言論諷刺。俱極精警


。且攻擊一奸商。不避同黨

之人。其勇往之精神。可為

言憤慨。為若輩所忌。遂亦被開除黨籍。同志雖為抱不平。然無可如何耳。君在燭商中素負聲望。嘗被舉為福慶長和社燭

廠商會會長。竹山學校旅菲董事會。以君對母校有實質上之貢獻。推之為董事。此為君於公共事業之有可述者耳。君有四

男三女。男皆在僑校肄業。女尚幼稚。其夫人顏氏。性淑慧。可稱賢內助云。



全菲黨部之表率。時有最高黨部  
常委戴某。販賣仇貨。不顧譏詆  
。輿論譁然。視為反日運動之阻  
礙。「先鋒」刊亦以為黨部莫大之  
教 恥。具大無畏精神。以犀利之筆  
鋸 鋒向之攻擊。僑胞之心為之一快  
先 。

該刊又揭發黨部選舉之舞弊。  
力加反對。第一分部竟因之被解  
散。蓋戴某正與其黨羽把持高級  
黨部。惟所欲為也。而君以附隸  
一分原此中之努力份子。平日出




## 虞永容

君名永容。字有芬。福建思明縣人。父諱桐藩。生兩子。君其仲也。天質穎異。髫齡時已顯露之。六歲父聘師在家教讀。九歲肄業玉屏書院。十三歲高小畢業。進同文書院。修業一學期。轉學於福州鶴齡英華書院。所治各科。以勤而精。後升入福建協和大學。是蓋左海以英文教授之最高學府也。公元一九一九年。亦民國紀元後八年春。君卒業方廿一歲。才逾弱冠。而已受大學教育。在閩中不數觀也。是歲回廈。任青年會幹事職。君才清貌美。又長於交際。任職一載。嶄然露頭角於社會矣。明年省立十三中學即前之玉屏書院。聘爲學監兼英文教習。未幾又爲禾山商業學校聘爲教務主任。然君無意於長執教鞭也。乃於民十冬渡菲律賓濱。欲展所學於海外之僑界。先受聘於宿務埠之興華公司。其時坻里喇僑界名流。適發起

### 虞永容先生



組織青年會。聞君有幹才。且於此道富有經驗。遂函聘爲該會第一任總幹事。君受職以後。草創經營。煞費苦心。賴以靈妙之手段。聯絡中外知名之士。相與贊勳。基礎以固。規模以備。今日吾僑青年會有如許之建設。君之力頗多。民國十四年中華總商會以君爲能人。聘任總幹事。於是君乃辭青年會職務。向來總商會幹事從無精通英文者。致與外界周旋多感困難。時當事之人知其然也。故遴選君充任此重職。計歷五稔。至一九三〇年而華僑人壽保險公司之第一家成立。卽所號東方人壽保險公司者也。君又去總商會而就保險公司之總經理。至是卸社會團體之公職。而致力於商業矣。然於社



林棠棣先生

會公事。其樂於任勞如故也。現舍爲總領署商務顧問外。則兼爲總商會董事。及青年會副會長。語云能者多勞。君之謂歟。君現年僅三十三歲。元配氏羅名玉如。爲閩中外交界前清欽差大臣羅積成之曾女孫也。有胆識。擅口才。且勇於爲社會服務。曾任僑界第一女校校長。生男一女。積勞致疾。於前年六月間棄世。君得大家閨秀爲婦。內助之力。自不爲少。惜未能偕老耳。繼室吳韻秋女士。學兼英漢。女中傑出之才。作孀年餘。育一女矣。君以善將好述。大爲年少兒郎所豔羨云。

### 林棠棣

林君棠棣。福建晉江十五都厚安鄉人。前廈門公和社及長林家族自治會之職員。現菲列賓華僑西河堂之董事也。父諱萬鎰。

字則謙。爲儒士困困於場屋。自分不能以科舉顯。深屬望於君。君居長又聰穎。遂着意培育之期其成名。藉償夙願也。顧君雖勤攻書史。而不喜制藝。且以爲無所用。縱窮年孳孳治之究何補於生計與時艱。未幾。科舉廢。君大快意。便舍儒業而研求治生之道。而富有公益心。凡社會團體。每樂於參加。在鷺島時。曾任廈門公益社及長林自治會之職員。兩團體之公務。君効勞不少。廿餘歲來菲。初爲人理簿書。精勤甚。蓋其所事固爲人。而所學則爲己也。計然之術。不久而諳。先在淡描戈埠營業。曾任商會副會長。教育會會長。工黨總幹事。其熱誠社會之精神。有過人者。該埠僑界公共之事業。殆

胥賴君贊其成矣。平生服膺美國解放黑奴之總統林肯之爲人。即取其名以爲號。故與相知者。皆呼之曰林肯。嘗隸籍國民黨。奔走黨務。不辭勞瘁。其在岷也。設居仁堂。半自營業。半爲名震海內外之胡文虎永安堂經售虎標萬金油。得同志信仰。推之爲駐菲第一支部第三分部主席。以爲黨中之少年急進份子表同情。見忌於腐化者流。而把持黨務者。被誣爲共產黨。實則君爲殷實商人。毫無共產之色彩。更與共產黨絕對無關係也。於是對黨事心稍灰。逢人只取緘默態度。效明哲者之所爲而已。君雖居閩中。頗嗜詩詞。且能以文章自娛。嘗有佳句。爲朋輩所傳誦。蓋亦市井中之雅人也。現年四十四。

謝耀南先生

。夫人氏張名嬌。得二男二女尙幼穉。其居仁堂在岷埠樹日街。

## 謝耀南




謝耀南先生僑界之名中醫也。名榮橋。耀南其號耳。原籍廣東開平縣。父諱業朝。生數子。先生居四。幼入私塾。稍長國學有根柢。有志於岐黃之術。以爲活人濟世。道莫善於此也。遂拋舉子業。專窺漢唐以來名醫之著述。研究有年矣。即懸壺於故里。頗有著手回春之譽。某年前來菲。先僅行醫。後兼開藥房。號均和堂。不數載間醫名聞僑界。且及於土著非人之言中醫者。必曰支那樂度謝耀南。樂度者。西文醫生之譯音也。間有疾病。爲非美醫所不能治者。竟爲先生能醫。故平時入先生醫寓者。每見土著多於華人。其爲島

民所信仰也如此。先生醫德過人。遇貧苦者。多不取資。而於社會公益事業。素多所參與。任華僑善舉公所董事。連續歷

十載。兼監督崇仁醫院。董廣東會館之事。亦歷十年矣。僑界第一教育機關之中西學校。及粵僑始創之愛國學校。先生皆嘗屢董其事焉。顧於黨務尤表熱誠。兼爲第一支部評議員第二支部幹事員。及菲島國民黨總支部組織成立。卽任第一屆執行委員。兼宣傳科委員。第二屆改選時則被舉爲監督委員之一。此間黨報公理報與民號報。先生俱曾爲其董事。受知於孫總理及黨中要人者已久。蓋平日報効於黨國。犧牲不爲少也。先生現年五十七。然精力尚壯健。其氣亦豪。妻何氏。有三男二女。其寓在本埠撈示嗎避迎街。門牌之號。爲四百五十三云。

俞廷修先生



### 俞廷修


俞君廷修。福建南安詩山人也。父名延齡。曾在岷經商。君幼在鄉中私塾讀書。至十三歲。始南渡抵岷。時西歷一千八百九十九年。

美國初管領菲島也。其父欲其習商業。然使其執役於洲仔岸某布莊。而不令其在自己鋪中任事。蓋以爲父子之間。重慈愛。則督責不能嚴也。越五載。知其入商場軌道矣。乃召回本鋪。佐理業務。以試其幹才。居然有貨殖本色也。甚喜。又三載。父覺年老力衰。不勝煩劇。遂將商務。付君掌理。君善承父志。經之營之。擴而充之。父業乃益光大。君性慈善。樂易爲懷。素與人無忤。卽曲受欺侮。亦一笑置之。未嘗以怨報怨也。故與君交者。皆稱其忠厚。詩山學校旅菲董事會。以君捐巨資贊助。推之爲董事。泉州公立醫院。承君捐巨金動扶。亦舉之任董事。君於公共事業。均有相當之貢獻。可知矣。

。君曾喜吸紙煙。歷幾載。後知其無益而廢財。立戒絕。是雖小善。而勇於改行。已爲人所難能也。妻林蕊氏。生四男三女。然今僅存者。男一女一耳。餘皆天逝。君年四十有五。其所營之商號。即稱廷修行。以修羅土產爲主要生意。現君志在休養。其一切業務。多由其次子文報君主持矣。

## 李 彬

李君名彬。燦輝其字。菲律賓隴西堂之財政者也。原籍粵東鶴邑平嶺鄉。非島尙在西班牙管轄時。卽與驚風駭浪抗而渡重洋。初抵是邦。因無父兄之先業可資憑藉。乃以備爲活。性質直又儉樸而耐勞。故得人信任。未幾改任一出入口商之



李 彬 先 生


書記。所入較豐。然覺依人作嫁。殊無俚也。蓄意自謀建設。惜赤手無以經營。遂粒積餘黍。爲貨殖之起點。無何果能作小生意。以博蠅頭。恃其過人之信用。與商界中人相週旋。其間奮鬥之艱難。非過來人不能道。卒也戰勝環境。商業之基礎以固。今日坻中加刺威利也廣華隆出入口莊。可謂君白手而成之鴻業也。且

於香港設有支店。上海則另建廣利隆號。山省洲府亦多有商業在焉。娶妻趙氏。稱爲賢內助。長子名漢生。俊逸青年也。受相當教育。通中西文字。君所經營如香江滬上之商業。得進展順利之速者。未始非其令郎襄助之力。識之者皆謂李彬有子矣。君既成家立業。於社會公益事多所輸助。此間李氏組設隴西堂公舉君爲司庫。同宗慶得人。以其疏財而可靠也。而故鄉僑胞之失業者。君恆盡力扶掖之。故感其惠者良夥稱爲長者。凡慈善事業。尤慷慨捐資以贊厥成。天性之仁厚使然也

。哲嗣漢生君。素熱誠黨國。十四歲卽入國民黨籍。以豪爽開儕朋。談者因謂君教子有方矣。君父諱聖華。一鄉善士也。

## 林朝發

君林其姓。朝發其名。籍貫福建思明禾山前埔鄉。菲律濱首都坵城大由萬街之地球烟廠總理也。父諱伯夷。曾經商坵中。




林朝發先生

生三子。君居季。幼失怙。曾在故里讀書。頗聰明好學。父與人合資營業。逝世之後。生意猶存在也。君十六歲隨其叔來菲。卽居其父投資之商店。練習貿易之道。工餘則從師修英文。素素不懈。不愧有志青年也。逾二稔。操英語頗流利。所學亦適用於商場。會其父之遺業失利。乃與堂兄秉義合營小規模之烟廠。卽號稱地球者。其義取所產烟品。能馳名於環球也。草創之初煞費心力。以籌維之。未幾基礎以立。友人以君擅幹才。耐勞苦。足以有爲也。資以贊助。遂得擴充而發展焉。於是與其堂兄益抖擻精神。并力聘其良圖。其所造製之雪茄烟。果然馳名遐邇。企業猛進。美利以收。數載之間。居然爲僑界烟業中之翹楚矣。君見邇來各國多採用呂宋木料。又以餘資組織大同木行。謀於島國之梗楠中。求生財之道。蓋亦商戰舞台上具大眼光之亞也。君性和光。與人無忤。對公益事業。慈善義舉。如興學助賑北伐軍餉等。均樂解囊量力輸將。雖未足以

成大資本家。然已可謂年少之勝利者矣。妻陳氏閨名玉鳳。生二男。長肄業僑校。次尙幼稚。君之年才二十有八耳。

李 福 先 生

李 福



君姓李名福。字清秀。原籍福建晉江十五都石圳鄉。父火燦。早在非島經商。君其第二子也。初在國中求學。性不喜文事。好殖貨而居奇。十三歲。卽南渡呂宋。承父志以習陶朱之術。十五歲便能爲仁昌行之總經理。此頗爲商界之例外者也。是行時值初具規模而已。得君擴充而進展之。營業遂日形發達。爲埠中著名商行之一。君乃更進而組織東方國貨公司。福昌行。民立廣告公司。及瑞忍烟廠等。並分支各處。於是君善賈之譽益隆。而社會之公共事業亦多資君贊襄之力。曾爲珠細里商會會長。中華青年會董事。世界規矩會職員。民國十八年。僑界各途商議決參加是邦嘉年華會展覽會。派代表團回國宣傳。並招來國內出品家。運各種貨品來斐展覽。藉以發揚祖國之實業。君以在商界地位之優越。亦被推舉爲團員之一。君事親孝。曾於故里建巨廈。爲老人休息之所。藉娛其晚景。聞者多之。君年尙壯。現方三十五歲。而有八男二女。德配何氏。亦稱賢淑。以君之年富力強。在商界中前途殊遠大。而社會之事業。有賴於君之貢獻者。亦正多也。

俞雲汀

華僑名人史略

俞君雲汀。福建南安草埔鄉人。俞君洵先生之次子也。十五歲來菲。以倉頡文字。在外邦不足資所用。遂就學於外人學校。習蟹行文字。性聰穎。英語口略能語。筆略能書。可與外人相交接矣。乃輟學而作自立計。先與楊宇琰君經營生意於牙雙社。顏其鋪曰德發。未幾基礎以固。至八年業務益發達。民國七年君以外省鄉社。未足以展其貨殖之才。乃來堪開張德

發源記。更擴充其商業。九年其父以年事高。舍市廛煩冗。還故園

休養以樂餘年。海嶠商務。便由君獨任之。不數年號殷商焉。

時君年尚富。知者咸豔稱之。十六年與楊君分業。自樹一幟。

改其行號爲德興。於是抖擻精神。以經營之。迄今分支於洲府

山頂者至六七處。君之譽望因之日隆。岷中東方共濟俱樂部者

。乃世界規矩會之華人團體也。君素爲是會會員。至是即被舉

任共濟俱樂部司庫。嗎叻羅計中華聯和商會亦推君爲名譽會長

。中華青年會新選董事君居十五人之一。蓋平日於公共事業。


恆樂贊襄。故各團體亦皆以要職相推。君性孝。民國十八年父

故於鄉。君聞噩耗。即奔喪。哀痛逾常人。惟又恐母憂傷過甚

。思有以慰之。始狗戚友勸。而節哀順變焉。爲人沉毅寡言笑

。然極重氣義。大有文風。而其溫文爾雅。無商場中人之塵俗氣慨

。尤爲不可多得者耳。君現年卅八歲。夫人許氏。生三男三女。長子義貞。已弱冠。力學不懈。識者咸料其能承父志云。



俞雲汀先生

楊孝西



楊君孝西。福建南安後坑鄉人。坻中四知堂之董事也。現年五十有八歲。生五男二女。得文孫四五輩矣。父諱德引。本旅菲。任職於巨商葉肇基之行中。君來坻時方十四歲。乃託身於該行。以習商業焉。然秉性頗自負。不屑於寄人宇下。時斐



律濱尙屬西班牙政府統治。庶政不修。百業莫舉。謀身匪易。建業尤難。君依人作嫁。乏囊積。何以謀自樹立。與多財善賈者角逐於商場。乃謹守儉樸之古訓。錙累銖蓄。以待其時。語云有志者事竟成。歷若而年。居然以粒積餘資。經營小木廠。且以承建屋宇爲業。君既擅計然之策。又精魯班之藝。一時外人堂構。由西君建造者。所在多有。君持繩引絜量審曲面甄。其技有若古之都先料匠也。自是獲利。資頗豐。儲才亦富。而且美人入菲以後。土生產得其市場。商業勃興。他途生意。盈餘較厚。君以梓人勞苦甚。乃改營鞋業。其行號卽今之福萬豐也。開張至茲。已廿餘稔矣。君性耿直。不工阿諛。至重信用。凡與交接者。咸稱道之。中外商界聞人。多喜與君交遊。蓋欽仰其爲人也。君雖不受高深教

育。而秉賦聰明。勤於自修。說部詩文。多有涉獵者。元配葉氏。繼室胡氏。黃氏。長子悌勤。在故鄉業農。次子慶雲。繼父志經營生意。三子慶隆。佐其兄治理商務。四子慶壽。肄業於華僑中學。俱稱克家令子。此未始非君之施教有方也。君恆謂諸子曰。寧守拙以營生理。治學業以保人格。家聲不墜便已可矣。君濟困恤貧。施舍不吝。且凡所輸助。不使人知。或問之。則曰上帝具好生之德。廣行慈善。人之分內事也；何慕名爲。其故鄉道南學校之倡設。君亦與有力焉。

## 李呈芳


君姓李。名呈芳。閩晉江岑兜鄉人。爲文秀先生叔子。性聰雋。兄弟行中。頭角最露。事堂上克盡孝道。待友朋極盡溫厚。且長材遠志。當襁褓時。隨母來菲。髫年。攻漢文於隴西堂。知時逢商戰。非精通西文不可。乃改入山迷撈高等學校肄業西文。畢業後。復入扶西黎薩大學治商科。嗣以仲兄謝世。始輟學而助父經商新合美。比來年商業日上蒸蒸日上。君與有力。君於助父襄理新合美外。曾別組王朗有限公司。自任總經理以營實業。今年春。爲注重社會教育。倡設華星電影公司。

又被推任總理。既肩如許繁重。而所願猶未以爲足。聞將再事進展。充是志以向上。前途胡可限量。識者或謂居此世道澆薄。環象險惡。生長多金家。往往作墜鞭公子。馳逐於金迷紙醉之鄉。君年未三十。獨豪華不事。狹邪不遊。銳志從商業上經營。亦可謂僑界青年中不數觀之人物矣。

## 張尙茂

李呈芳先生

張君尙茂。福建南安嶺兜鄉人。年四十一歲。岷埠振華公司總經理也。君於二十年前來菲。初爲人司華札。繼以漸諳商法。被聘任經理之職。性忠厚。生財必以道。商井中大人小出。攙假混真之伎倆不屑也。後微有積蓄。遂自營糖業。顏其



張尙茂先生


公司曰振華。然當時資本非雄厚也。賴君善運籌。操勝算。遂於商戰場中佔優利之地位。不數年間稱爲糖業界有數之行家。邇來覺華菲間感情日薄。海外終非久居之地。乃分其資本發展業務於祖國。先在廈門另設一行。懋遷香申之貨品。仍以振華爲號。並爲便利行旅起見。設客棧於鷺門。名曰福安。又於去數里不遠之安海鎮。開設五穀郊。號爲裕豐。此間僑界商業公司中。佔有股份者。更不一而足。誠可謂商界中一勝利者也。爲人沉毅。不尙虛詞笑貌。與人結納崇敦氣誼。在故舊交遊中。殊有古人一諾千金之風概。其所以能白身成家。樹立駿業者。亦以重信用若生命爲人所取。非偶然之運遇也。平時對公益事業。多樂贊厥成。幼時雖僅肄業於村塾。然頗知興學爲急務。近更注重桑梓教育。鄉中學校之建設。君亦提倡之一人也。夫人王氏。得丈夫子四。女一而已。

## 莊朝北

莊君朝北菲律賓賓島國武六千省。馬柳洛鎮。華僑社會之領袖也。君字孫星。閩晉江青陽市人。父諱登其。清季之茂才也。文名諱溫陵。君行居二。幼聰敏。亦治舉業。弱冠。赴童子試。於縣於府。皆獲薦惜終不售耳。君鑒潮流所趨。知科舉之制。必不能久存。乃改業。時其兄已在岷江經商。遂渡菲。襄理世事。有某商知其擅筆墨。聘之理簿書。而君亦喜自立。

便恃不律以糊口。且從而實習貨殖之道。並以餘閒攻西班牙文字。通而嫻之矣。乃自營酒廠於馬柳洛社。以晉源為號。逾數稔。而鴻業駿發。又開設一米廠。號曰晉益。均有分支。曾未幾時。在武六千省以華僑之陶朱公聞各界人士矣。性至孝友。其母於民元前一年仙逝於故里。君聞噩耗。即奔喪返國。至里門。哭之慟。匍匐至家。見者為之垂淚。而咸稱之為孝子云。

兄朝東君早逝。遺二男一女。君視如己出。又善待寡嫂。迄今鄉黨尤盛譽之。泉安汽車路創辦陳君清機。來菲募股。得君介紹之力居多。青陽市公立學校。君亦常輸資以維持之。曾任莊氏家族自治會主席。至菲尚為名譽顧問。為人敦氣義。重然諾。而又溫文和藹。在武省交遊甚廣。中



外聞人。無不識君而樂與結識者。僑胞間有受欺於土著者。君每為之維護。故益得僑界之崇仰。推為領袖。夫人李氏。有淑德。莊更能體君之意。事姑以孝。待朝以誠。故家庭之間。睦如怡如。北君亦御下以寬且恕。故依於君之先廠內者。皆德君之厚道過人云。生君有丈夫子四。行年已五十有八矣。


### 葉文田

葉君文田。福建晉江塗門外下准鄉人也。旅居於菲律賓島蓋省之仙扶西社。父諱映檜。素旅外。生五子。君行第一。幼具慧根。初就學於私塾。已露出羣之表徵。後內地學校相繼林立。君雖年少。頗覺潮流所趨。非吸新教育研求新學術。不足以應世。舞象以後。乃轉而肄業

於泉州培元中學。繼以其父欲召之來菲實習商業。君亦汲汲覓枝棲以謀獨立。藉分其尊人家計之負擔。於十六歲渡垠。先在某巨商爲司筆札。執業餘閒。則研究西文。而秉性篤實。大得其東主之贊許。故不幾年歷任而升經理之職。至西歷一九二三年。卽民國紀元後十二年。乃張羅若干資金。自闢大豐公司於蕊描伊絲夏省之仙扶西社。時君僅二十餘歲耳。極意擘劃經之營之。心小而志大。每以陶朱之宏範爲標的。於信用最能顧全。收羅土產尤得土著之信任。是以數載之間。突飛猛進。頓躋社中巨賈之列。性和平。待人接物。兩得其道。對公益事又負責勇爲。彼時其地尙無教育機關。君慮僑胞子弟之失學。起而提倡開辦黎明學校。以灌輸祖國文化。躬任校董維持校務。並當選爲該社僑界最高團體之工商聯合會會長。濟南五三慘案作。僑衆從事杯葛運動。君爲反日會主席。任勞任怨。宣傳不遺餘力。至難得者該處華僑向乏團結。每爲土人欺侮。君乃對內多方勸導。組成團體。以厚其結合之力量。對外更聯絡政紳各界。以謀華斐之親善。於是非人欺侮吾僑之舉動。得以減殺。卽偶有事故發生。君亦善能斡旋排解。使不致釀成風波。而華僑地位遂賴以保持其獲負一方之重望宜也。妻林氏。生三男一女。尙幼穉。君今年方三十有二。

## 葉朝君

君姓葉名朝君。福建思明禾山侯鄉社人也。素旅居於菲島殊殊汶省之吡叭社。垂四十餘年矣。君幼失怙。母守節撫孤。茹苦耐勞。鞠之育之。至舞勺之年。始就鄉塾求學。顧因貧寒不能卒其業。年十七遂作拋鄉別井之計。南渡菲島。旋以偶爾因緣。卜居於殊殊汶省吡叭社。君爲人有智巧。與土人居處。善能迎合其意。非特交與之間。浹洽無忤。且得島著之愛戴。時華僑居該省者無幾。又不知與土人聯絡。每受欺侮。幸賴君迴護之力。始相安無事。君雖依人作嫁。未擁厚資。而濟困扶危。卽資本家弗如也。後藉囊積而經營商務。不數歲鴻業駿發。爲意料所不及。其大宗生意爲收羅土產。如芋如椰。




葉朝君先生

不一而足。近悅遠來。利源廣進。初於本社建信字公司。繼於他處另設信豐公司。後則於坭城開張信誠號。累月積年。廣置產業。成一隅之富翁。社中豪富絕少。廣廈更寥寥。可屈指數而君之樓宇。則有四座地產亦多。土著視君。蓋為僑界之巨擘矣。君慮華僑子弟之淪於菲化。提倡設立中山學校。見推為總理。先以經濟困難。不但捐巨資為僑界倡。且以己屋為校舍。並擬獻地以供建築校宇之用。其熱心教育如是。歷任該處中華總商會會長或董事。咸稱厥職。其宣勞於社會也。僑界之中無出其右者。君旅外雖久。不忘故鄉。禾山之益濟學校為君所倡辦者。逐年經費君擔負強半。鄉中有曠地可以墾闢。以營農牧之業。君乃集資數萬。成立農牧公司以開殖之。即被舉為總理。平時自奉極薄而恤貧周急。則慨然不吝。僑胞沾其惠者匪少。殊省社會雖婦孺咸知華僑有葉某其人也。君元配林氏。繼室何氏。得一男三女。男肄業於集美學校二十一歲矣。君今年已周花甲而精神尚矍鑠云。

## 林明連

林君明連。別號描噠洛。蓋西名之譯音也。閩之晉江人。生於前清同治八年。九歲時。隨父來瓊。初任職於某大布莊。旋擢為經理。由是益得展其商業天才。漸有聲譽於坭之商界中矣。然君素懷獨立志。絕不以因人成事自滿。後以薪俸所獲。

積有相當資本。遂於西歷一千九百年。即民國紀元前十一年。出而經營。自設泉春布莊。以交易公平。早孚信用。兼之善居積。得貨殖法。所業日見進步。不數年間。獲利不貲。迨民國十三年。坭埠布業。漸呈衰落之狀。君素有先見之明。預知世界商況不振。恢復匪易。立將生理結束。引身旋里。以事休養。至近年來。菲島布市。每况愈下。大有一蹶不可復振之勢。業斯途者。非至破產倒閉。即亦欲罷不能。反觀林君之知機而退。不受波及。其識見過人。誠有令人欽佩者矣。君回國後。優游梓里。比晉南一帶。盜匪蠱起。君蒿目時艱。怒焉憂之。遂起而提倡晉南鄉聯保衛團。藉以捍衛閭里。因受羣衆之愛戴。推爲該團團總。其所犧牲之財力與心力。殊匪少。君不惟於保衛治安。勞瘁弗辭。且時爲附近各鄉排難解紛。



林明連先生


。奔走不懈。有古魯仲連之風。是時晉南民衆能偏安一隅者。得君之力居多。性慷慨。熱心公益。富愛國思想。旅外時對革軍疊次起義。多所資助。得有國府頒給之獎章。並歷任西河堂總理。及教育會善舉公所總商會等機關之董事。元配王氏。生五男五女。長男壽春。次男壽夏。俱受大學教育。現均任坭埠德士古煤油公司之重要職員。三男扶西。任職於中興銀行。君今年六十二歲。精神尙矍鑠也。

## 黃世昌

黃君世昌。字克禮。於中華民國紀元前三十八年。生於福建永春之霞碧溪鄉。甫屆晬盤期。而慈父見背。幸賴祖父母鞠

育。至於長成。君父諱貽垂。儒而商者也。少通經籍。壯暗世務。爲家人生產。拋鄉井出洋。演習計然術。以裕家計。生平樂善。曾董廈門育嬰堂事。人方謂積善之人。必得其壽。弗意天不假年。瞑然長逝於岷江旅寓也。君賦稟卓越。髫齡受業於名宿。敏慧過人。

其先祖曾撫之以語其祖母曰。此子卽非吾家千里駒。他日亦必能承父志。而不墮家聲也。幸善養之。果也讀書數載。學大精進。師視爲庠序之英才。勛之攻舉子業。以圖仕進。然君夙遭閔凶。負郭之田。所產無幾。弗足供用度。不得不問治生之道。乃於十六歲來菲謀活計。



黃世昌先生

初贊助叔之商業。漸得闖閩經驗。繼受劉家聘爲經理。倚任有加。時菲島生活程度低。商場辛資素薄。掌盤老手。年不過百餘金。而君之薪金獨獲四百元。其幹才之出類。可概見矣。然君雖寄跡市廛。而寢饋詩書如故。弱冠時。家多疾病。幾爲庸醫所誤。以之怵目而驚心。遂萌學醫之念。涉獵各家醫書。惟其初不過欲熟悉方藥而已。嗣以誦其友徐雨村薛壽魚二書。尤津津有味。覺醫學之可尚。不亞於程朱之理學。深感於古人不爲良相當爲良

醫之言。自謂以仁術濟世。則此道實爲不二之法門也。於是致力於岐黃遺緒。上追盧素之學。仰溯淵源。究其所當然。下治歷代心正宗支派。秉旨師承。而知其所以然。潛心揣摩。三十餘載如一日也。第其間先後任商行要職。雖親友抱病者。




咸請診斷。罕不手到回春。仍未嘗以所心得者出而問世。久之僑界名流。如蕊省名譽領事曾君廷泉。岷中商科博士施君宗樹等。見君苦心孤詣。已不啻三折其肱者。安可稍以自晦。令人抱老蚌沉淵之嘆。乃力請其懸壺。以盧扁之技。抒壽世之懷。由是君始以醫爲業。藉刀圭以活人。其精研之醫理。經驗之方術。益爲僑衆所賞識矣。君性鯁直。每本君子愛人以德之義而規人過。故未能諧俗。然胸襟殊曠朗。視世事如浮雲流水。達人也。君現年五十有八。夫人許氏。具婦德。善治家。生三男二女。男已能自立。有孫子七八輩矣。長女閨字阿香。聰敏伶俐。舉止大方。似大家閨秀云。

## 歐陽磐石

君名磐石。複姓歐陽。岷城卓著粵商裕南隆號之主人也。初君之兄。先在呂宋小試其懋遷之術。而未甚發展。迨民國三年。卽西歷一九一四年。君始由東粵南渡。時幾而立矣。佐其兄經之營之。業乃進步。未幾兄歸里。君卽總理其事。數載之間。以巨賈廁華僑之商界矣。繼又於歐浦別開生泰行。且在他方更分支店。以廣營業。蓋君既具幹才。又殊忠厚。以義交。以禮接。人咸樂與之貿易。其商業之茂暢。所謂生財有道者歟。君雖出身私塾。而長成以後。尙勤求學問。亦受西方新教育。故思想毫不閉塞。其處世也能順時代之潮流。並重男女教育。於女子尤着意栽培之。華僑社會風氣良鋼蔽。女子卽久久出入於學校間。與男子交際。猶懼怯作羞態。罕有落落大方。不似小家妮子者。蓋平日爲父兄所壓抑。社會所制裁。有以使之然也。而君之長女燕桃女士。現尙在華僑中學校肄業。思想獨開通。於交際場中。不拘拘於男女之畛域。喜網球戲。臨球場。便坦然與男子角球藝。弗之避也。性本沉靜。絕無時髦女子浪漫之習氣。更不輕以辭色假人。男子過之。亦毫不敢以非禮相犯。然對異性無論同學與師長。恆敢逞其詞鋒。侃侃焉高談闊論。儼然有鬚眉氣概。師長同學亦交口道其有勇氣。在僑界之女子中。稍勇於社交而週旋之間。能得持自然之態。使男子不敢萌輕薄之念。如女士者誠不可多觀也。


說者因爲其所受家庭之影響。當有以異夫尋常之女子云。君對社會公共事業。任其勞者有之。輸其資者亦有之。充廣東會館董事。名譽職也。其維持未得教育會補助之中山學校。更時出其財力。歷久而不倦。而自奉良儉樸。宜其得人之稱道也。君年已四十有六。有男四女三。其原籍乃廣東新會。

## 吳天爲



今菲島宿務埠之中華名譽領事吳君天爲。福建晉江人也。父文鯁。世居晉邑十九都之坑東鄉。自少旅菲。經商宿埠。有聲於閩閩間。得三子。君其仲也。以李長源召試禁中之稚齡。進故里之私塾。讀書閱五載。乃隨父渡菲。其年十二歲矣。先住坵城里。中西學校肄業。蓋彼時村塾不授蟹行文字。父以徒習漢學。不適於外洋之用。故挈之南來就學也。越兩載轉學於宿務之中華學舍。夜間則兼修英文。又兩載君年十六歲。父欲其更受高深之教育。便令赴香江。留學於聖約瑟書院。經三年英漢學俱有根柢。始返菲佐其父經營生意。逾四歲商業學識。與年俱進。卓然成利藪之人才。蓋學優而商者。與僅識之無而徒資經驗之流輩。迥乎有以異也。與人交接。又雍容和氣。有老成風度。其父信其足以付託也。遂將所手創之協珍行商政委之掌管。自是君益奮其精神。運籌劃策。聘進展之良圖。與其昆季將行務發揚而光大之。先是其父始創因仕叻航業公司。君又組織華興有限公司。以修造輪船爲業。藉利航運。更投資於中興銀行。以裕僑界金

融機關之實力。至若購產業建屋宇。又爲措置雄厚資財之餘事耳。今也在菲島中部之商界中。鼎鼎有名。不僅居名譽領事之地位。而得取重於中外也。君性勤而儉。雖爲富豪不敢奢侈而閒逸。於社會公共事業。尤致力贊襄。會長中華商會。茲



歷任其董事。埠中提倡建築中華校舍時。君亦建築股委員之一。校舍之得以落成。君自與有功焉。君蓋曾爲學校總理而歷任董事者也。其他之公益募捐。君亦多所貢獻。埠中崇華醫院及遠東俱樂部。君皆歷董其事者。稱爲名流。良無忝也。夫人王氏。生三頓男七女矣。長男現肄業於埠中之那薩書院。長女亦修業於坭城之先亞順商女書院。餘均求學於僑校。君年僅四十三。方壯歲也。

### 葉安頓

葉君安頓。宿務埠僑界之前輩巨商也。旅菲五十載。其所經營之勝利。有足以自豪者。性爽直溫厚。素以公益爲懷。前宿埠吾僑初乏團體之組織。君與薛君芬士等十餘人發起組織中華會所。建義山。創辦崇華醫院。以利僑衆。其於建築中華學校之一舉。則任建築股之主任。輸資之外。又任其勞。餘如遠東俱樂部之建立。君亦與有力焉。至於故鄉之興設仙岳學校。君實爲其創辦人。是亦足見其熱誠於教育也。若溯君之生平。則總角進村塾讀書。十三歲。以祖父逝世。不得不輟學。以事稼穡。蓋其父葉參本爲旅菲之洋客也。至年十五。乃隨父渡宿。在其所開之布店。習賣貨之伎術。十九侍父還鄉。二十完娶。仍留故里治田圃。逾二年。立意逐什之利於商場。遂再來菲。

於是聚精會神。以求商業之學識。經驗稍富。父委之駐垞。任選辦貨品之責。經三載。父棄世。君始赴宿承父業而掌商政。以其季叔亦欲旋里也。時君年二十有六矣。嗣後銳意營業。且有進境。三稔而後積資較富。便收買糖產。及其他之土物。未幾。土著肇變。羣起反抗西班牙政府。地方不靖。宿務之西人當道。疑華僑暗助土著。突將華僑商店付之祝融。君之布莊。亦遭其厄。惟糖棧獲免羅殃耳。君相其機宜。立將所儲糖。運往香港。適價值狂漲。贏利奇厚。會母病得急電。即奔回故里。因建巨廈於鄉中。越六月。菲島已寧謐。商景有蒸蒸之勢。君乃返宿擴張所業。自是生意益隆盛。公歷一九〇三年。君已得置產蓋屋移眷來菲。稱商界之勝利者矣。至三十三歲。爲母仙逝復挈眷返廈。治葬事。修功果。以表孝心。後數月。再攜眷來宿。仍以進展商業爲要圖。至中華民國紀元六年。亦西歷一九一七年。則置輪船以便運輸土產與貨品也。越歲又購一船。又三年。更添置一艘。其營業之擴充。可於茲見之。一九二九年。值十餘萬金之倉棧落成。亦足稱君立業史之重要一頁也。歷來所任之社會名譽職。如仙岳學校總理。中華會所董事崇華醫院董事中華學校副總理遠東俱樂部董事。蓋宿務埠之有數要人也。夫人陳氏。生三男三女。長男次男均受相當教育。能佐理商務矣。三男尙修商科於上海暨南大學。長女適黃氏。次女正在求學年齡。君所開之行業土產者曰德興。業雜貨者曰德裕。君字有爲。現年六十五。原籍福建省思明縣禾山仙岳社。

## 陳夏蘭


七十二歲翁陳君夏蘭。福建晉江十五都洋廈鄉人也。父諱穆養。業農。有四子。君居長。幼時。家無儋石。進蒙塾讀書。不久便因家事窘迫而輟學。胼手胝足於畝畝間。聊佐療貧之計。疲筋骨。餓體膚。忍苦耐勞。隱日磨勵。似乎默解天之將造就其成人也者。年十六。覺株守家園之非策。遂萌出洋之念。乘機隨里人渡垞。先則依人爲夥。備歷艱辛。碌碌無寸進。

。至於三載。乃作遷地之想。轉赴宿務。學習匠人術。思以一藝隨身。較易餬口耳。越年餘。罄粒積血汗之代價。與人合資開設木舖。製造木箱雜具爲業。頗得進境。時土人反抗西班牙政府。變亂頻興。省長疑華僑暗助島著。密令將其商店盡行焚燬。使之流離失所

。君於是赤手如故。無可歸依矣。繼乃販賣牛皮。以覓微利。又三年。與環境奮鬪。逆來順受。祇具堅忍不懈之志。以圖進取。久之。頗有囊蓄。卽與其甥吳君達屋。合營源泰公司。化居百貨。自是樹商業之基礎。經二十餘年。以漸發達。財源廣進。各能獨立一幟。由是公子克紹箕裘。今其商業概由其經理。次男龍溪。曾肄業於香江聖約瑟書院。輔佐其兄理行中事。三男雲波。正在廈門集美學校修業。女名金寬亦在故鄉求學。君號者香。



司分析。自行開張源昌行。經營非地所謂珠細里之生意者。抒其殖貨之幹才。億則屢中。其業蒸蒸日上。至六十四歲。長子天化。能承其志。乃還鄉休養。以樂餘年。時中華民國紀元夏才二載也。然君富公益心。於商務鞅蘭掌中。恆能兼顧社會上義舉。隨量輸財。慨焉不吝惜。在海外及故里。曾歷董中華會所中華商會謙善公所崇華醫院中華學校暨榕霞學校之事。爲邦人士所欽敬。君爲人坦直。質樸無華。現年逾古稀。尙康健。精神矍鑠。無龍鍾態。妻許氏。生三男一女。長



黃自來先生


## 黃自來

黃君自來。號薰南。籍貫福建思明。禾山薛厝社。宿務金順昌之主人。華興公司之總理也。年五十有四。元配蕭氏。繼室江氏。生三男二女。長男太川。前肄業於廈門大學。比已轉入上海大學。餘則均在住校修業云。父諱媽超。早歲旅菲。賈於宿埠務。君爲獨生子。得父鍾愛。七歲進鄉塾。十三歲隨父來菲。初在肆中學治生產。日工而夜讀。勤習蟹行文字。與馱舌之音。蓋爲海外逐時之必需也。歷四載。會通西文而能操土語。貿易居積之經驗。亦與年俱進。佐父與叔理業務。良稱其意。廿四歲。父逝世。乃狗母命。歸家完娶。翌年返菲。奮全副精神於商業。力求進取。以善觀時變。察百貨之情。得棄取懋遷之道。賤入貴出。多獲奇贏。且能薄飲食忍嗜欲。節衣服與傭工同勞苦。其叔甚器重之。遂將所業。付君掌理。自歸田里。休養餘年。自後君與從弟輩策劃擴張。如收羅土產。以所置航船運輸之。以及所營出入口生意皆益形發達。今日金順昌行號震爍於商界中實得輔之力也。繼復進而合資組織華興股份公司。以營造修理輪船爲業。被推任總理。主持商政。君又投資於中興及菲島各銀行。其資本雄厚可測已。君爲人樸訥而樂易。良有古風。然智足以達權變。且有果斷之毅力。於社會公共之事。樂於犧牲。更

勇於任勞。前宿務華僑未有團體。君與埠中諸熱心人。組織中華會所辦崇華醫院。又提倡祖國教育創設中華學校。任其總理者三年。校舍之建築。君之力亦居多。若中華商會及遠東俱樂部君皆歷任其董事。其爲僑界人士所崇仰。不待言矣。

## 黃平洋

黃君平洋。字汪甫。閩省思明縣禾山薛厝社人。宿務中華學校之現任總理也。父瑞坤。乃宿埠僑商之先輩。獨生一子。即君也。鍾愛甚。幼時。令發蒙於塾師。顧君不喜讀書。在學舍。輒嬉戲喧。不畏教刑。自十一歲。易數塾師。皆無所得。僅識之無而已。父無可如何。乃變計。於其十五歲時。挈之來菲。使就堂兄習英文。亦未有興趣。未幾。父命其返里完娶。既而君豁焉有所悟。自視爲成人。殊覺其學識淺薄。不足以立身處世。始奮志求學。而其父於民國五年逝世。尙及見君



黃平洋先生

之發憤而攻苦也。歷三載。再渡菲習商。兼修英文。深知業精於勤之旨。夙夜匪懈。並瀏覽中西書報。以增進其造詣。不久。果兼通英漢文字。民國十一年。回國省親。未數月。其母竟仙逝。君悲慟逾恆。遂守家園。至四年之久。迨民國十五年。即西歷一九二六年。始復來宿埠。掌理名著一方之金順昌行務。及宿務航業公司。與其堂兄自來君。策劃擴充。分支於三寶顏及龜沓嗎桌等處。營業均在發展中。君爲人樂易可親。明達而慷慨。有以異夫柔佞私曲者。於社會公益。多所贊襄。聲望遂重於僑界。如中華商會也。謙善公所也。崇華醫院也。遠東

俱樂部也。中華學校也。諸重要團體機關。君皆居董事之列。而今年更得學校董事推之爲總理。君又好體育。工演新劇。在宿埠爲提倡運動之得力份子。粉墨登場。則善於現身說法。其慈善爲懷。大有具婆心之概。凡貧苦患疾無力求醫者。每贈以券俾就其所善醫家診治。君則憑券理資。受其惠而德之者。交口稱道之。夫人楊氏。有淑德堪云賢內助。生一男現在僑校中受祖國教育。而君年方三十有六。前途正未可限量也。



吳天讚先生

### 吳天讚

宿務埠現任中華商會會長吳君天讚。字化育。卽民國十五年。充宿務救鄉會代表。赴鼓嶼列席南洋華僑救鄉會議者也。父達意。獨生君。以家貧。至十一歲始令就里塾發蒙。顧甫年餘。卽限勢而輟學。以小經紀覓食糊口。藉紓家計。然頗好學。日間奔走於外。夜則猶從師補習文字也。年十四頓萌作洋客想。追隨旅非者渡坵。先在坵中蔡姓拖鞋店中供呼喚。每月得工資二元。年僅二十四元耳。繼爲王某店夥。月薪升至七元。然尙有志於求學。自修匪懈。尤忠於其事。不辭勞苦。經年餘乃受洪竹君聘任商場要職。以學識智巧。俱加人一等。爲東主所器重。未幾遂由二百四十元之年薪。增至四百元。二稔以後。其宗親在宿務經營拖鞋業兼什貨者。知君有本途經驗。聘之爲副經理。每年薪金五百元外。更許紅利什一。君於是託跡宿埠矣。然知不諳蟹行文字。馳逐於海外之商戰舞台。未免相形見拙也。則於日餘改習英文。



苦讀四載。所學足資所用。有源泰公司者。當事識其貨殖才。聘之爲總經理。自是歷十七年未嘗易職。其間四度返鄉。責皆不卸。公司之生意。日形昌盛。君之信任可不言而喻矣。至是所積薪資與紅利不下巨萬。遂於公元一九二一年自樹一幟於商場。其行號曰榮泰。從茲聘其所長。以盡陶朱計然之能事。試三載則增設匯兌信局。藉輸僑胞之財富於祖國。又三年



更擴充其業。分其支號曰榮裕。迄今鴻業均在駿發中。君於經商之餘。恆分其心力財力。以促進社會之公共事業。慈善教育以及商務之機關。公益之團體。如崇華醫院。中華學校華商公益社。中華商會。皆嘗任其總理。中華會所遠東俱樂部等。則歷任其董事。國內革命軍興。亦屢助餉精。民國十年五年被閩埠僑衆公推爲代表。赴鼓浪嶼參與救鄉會議。其望孚僑界可以見矣。君年已知命。德配陳氏。生七男三女。長先男朝宗現肄業上海暨南大學。行將畢業矣。長女在上海中西女塾求學。餘均修業於僑校。君原籍福建省晉江縣圍江鄉。

## 吳達屋

吳君達屋。次章維棟。原籍福建晉江圍頭鄉。父心世。稼穡爲業。以謹愿稱鄉里。生三子。長與季均早夭。君乃仲子。

子然獨爲吳氏所屬望矣。鄉中無名師。幼少時。所受教育極淺薄。不足以言學業也。舅陳君夏蘭素旅菲。爲木匠以營生。

君年十六。從之南渡。先就其宿務鋪中作小工。夙興夜寐。習勞不懈。平生養成堅忍之志。其始基實在乎是。未幾。入一百貨店。學習商務。歷五年。積所剩之百餘金。赴坭市貨。作自行營業之嘗試。初擬爲走販。旋於無意中。乃有因緣使之創立一商店。顏曰源泰。由是君儼然爲坐賈矣。雖非多財。而億屢中。惜謀與運違。頻經挫折。計自樹立一幟。以至今茲。其間遭回祿之災者凡四。前兩次均無保險。罹焚如之劫。蕩然一空。第以素重然諾。信用昭著。爲諸債權者所贊許。故能蹶而復振。安然無恙。且由慘淡之經營。業日髮進。規模亦以漸恢復。遂有今日名標務江商界之源泰公司。君爲人有毅力。屢遭厄運。而未嘗餒焉自頹喪也。惟尙儉德。卽擁有厚資。亦不肯侈靡以自豪。願非鄙吝等諸守財之虜者。凡社會公共事業多欣然慨助之。爲宿務中華商會。中華學校。謙善公所。遠東俱樂部暨故里圍江小學校。皆以君有相當貢獻。推之爲董事。君現五十四歲。元配洪氏。繼室陳氏。閨名蕊。共得七男五女。長郎祥每。曾肄業於香江聖約瑟書院。次男天贊。前在福州鶴齡書院修業。均洪氏所出。邇來公司業務。概由二子經理之。陳氏生男女各五。長女秀春。次秀璇。三秀螺。四秀珠。三男天朗。四天潘。五天漢。均在中華學校讀書。五秀現。六男天汛。七男天滿。則尙幼小云。

## 林文聘

林君文聘。字世珍。福建南安四十四都奎霞鄉。其原籍也。父名媽鄧。習航海術。素往來台北各境。晚年歸鄉里。治農事。兼業魚鹽。家小康。在族黨中。頗負聲望。得四子。君最幼。八歲啓蒙。至十五歲輟業。以鄰有洋客。君素欣羨之。時興浮海之念。而其長兄文型。亦旅宿務。經理興隆支店。至是君自隨里人渡菲。先託足於坭埠其堂叔質戈旅寓。奄忽數月。不適其意。旋赴宿。入興隆行。實習經商之術。利用工餘。讀西文。學土語。越兩年。其兄營米業。君乃出而佐之。逾三載。以不戒於火。其業蕩然。且負債累累。無法進展。文型乃歸里別作良圖。嗣後君又與仲兄文升。合孖殖貨之謀。各

罄囊積。並稱貸於知好。開張林德源。以逐什一。不幸其間又因回祿破產。且幾遭不測之殃。是時既無保險。更乏憑藉。艱難困苦。可想而知矣。幸君了解貨無常主。奇可制勝。更能折節爲儉。致以誠一。由是幾經奮鬪。慘淡營之。遂有今日

嶄然露頭角之林德源商

行。峙立於宿埠之市井

間。君於民國五年。亦

西曆一九一六年。擴充

出入口生意。其輸出者

。以煙葉木棉螺壳海參

爲大宗。而運入者。則

爲直接選辦之歐美及祖

國各種出品。又創設德

勝布莊。並分支於棉三


棉示。在坭埠亦立分棧

。更迨武猗頓於岑母市

。卒業於鼓浪嶼英華書院。現任支店經理。三男源壽正修業香江大學。餘均在僑校讀書。君年五十四。兒孫滿眼。談者咸豔

羨其厚福。其所歷任之社會名譽職。如中華會所董事。華商公益社總理。謙善公所崇華醫院司庫。中華商會中華學校遠東


俱樂部董事及青年會名譽董事。不勝列舉矣。



林文聘先生

罔仔等處。置鹽畦。曝海水以產鹽。此外在宿務埠則廣治產業。在鷺江鼓嶼。均建築樓屋。以居以賃。獲利良豐。誠善於生財矣。君賦稟鯁直。不畏強徒。遇枉屈事。喜抱不平。然亦勇於排難解紛。化小事爲無事。其於義舉。解囊輸助。迥非慳嗔者比。故鄉學舍湫隘。曾捐巨款。以改建之。宿務中華學校之得落成。君亦與有力焉。元配氏黃。繼室氏李。側室氏吳。得五男七女。長男圖春。先肄業滬上暨南大學。繼轉學於厦大。現在德源公司司財政。次男自挑

## 楊成張



楊成張先生

楊君名成張。無字與號。原籍福建思明禾山濠頭社。今年週甲子矣。以素得養生術。且抱老當益壯之志。故望之矍鑠如也。不似乎達耳順之齡。君父諱荷蘭。只生一子。卽君也。初具慧根。童齡時。令就村學究讀書。師贊其智巧。非羣兒所及。然其父不願之舌耕而筆耨也。十二歲。便遣之出洋。到菲後。先在其姑丈鋪中。供洒掃使令。並實地習練貿易之道。夜則延師教授西班牙文字。旁習土著方言。時丁十九世紀末葉。菲島尙屬西人統治。西文西語。通行於閩島。爲所必學者也。用功數載。諳其文法。且能操之流利。持籌握算之技。亦足資市廛之用。其姑丈器重其才幹。爲之游揚。年十九。遂掌理德興行業務。懋遷布疋雜貨。聘端木陶朱之長策。生意進寸進尺。與時日偕。無何。其姑丈歸里。不久而棄世。君乃與表兄。葉君安頓。極圖發展恢張宏業。因開設德裕公司。總經理一職。由君任之。其所經營猶正進展中。而君自十餘年來。已見稱爲商界之翹楚。在社會上。更佔重要之地位矣。平生性剛直而誠懇。凡與人交接。不阿其私。而言出必踐。有一諾千金之概。國家社會之事。素至關懷。且疎於財。樂輸不吝。祖國二次革命時。君捐巨款充軍餉。民國五年。孫總理曾頒贈二等有功獎章。以示嘉許。計登次民黨籌餉。而君奔走得僑衆鳩集者。共萬餘元。



宿埠華僑工商界向乏合作精神。君於十數年前。卽出而勸導提倡組織工商聯合會。後改名爲華僑工黨。君任其總理者屢。又爲發揚宗邦文化。以免吾僑子弟受外人同化起見。與諸名流巨商創辦中華學校。自後歷任其董事。民十及十一又連任謙善公所崇華醫院之總理。是年。建築校舍之議成。被舉爲建築董事之一。募捐督工。俱任其勞。校舍之得落成君之力誠匪少也。是歲中華商會成立。君當選爲董事。且兼任司庫兩職。至今仍爲商董。其爲商界所推尊。可概見矣。君於慈善義舉。恆踴躍解囊捐助。德望之隆。蓋有自來耳。夫人彭氏得兩男。皆受中高等教育。已授室有生。蘭枝競秀矣。

### 薛芳錐

君氏薛。名芳錐。福建思明禾山薛厝社人。宿務華興有限公司總經理。首任中華商會會長也。君爲田家子。兄與弟各一。幼時生活雖簡樸。而無凍餒之憂。九歲就塾師受業。歷五載。固有所得。顧伊唔咕嚕。非所酷好也。年十四。便開始其洋客之生涯。時其堂叔清習君。在坭開設聯芳號。君隨人南渡。卽在其鋪作小僱員。秉性篤實。叔頗有意栽培之。延師授以西班牙文字。君工餘之暇。勤攻匪懈。兼習土語。忽忽數年。俱能通曉。經商智識。亦大見進步。叔尤器重之。鋪以外事。皆委之辦理。職任益重。計歷十三年。良稱叔意。及公元一九

零一年。以叔輩清勿君。在南島拉必丹開張雜貨店。並收買土產。營業頗盛。會歸國。乃聘君南行。為之掌理。於是始離岷埠。越三載。其叔返菲。君擬回國省親。道經宿務。適有宗親。為萬益行股東者。發生爭執。咸澆君留宿。代為主持業務。君徇其意。從事排解。糾紛以息。自是經理十三年。生意駸駸發展。君歷年所得紅利。足以興辦企業矣。乃與埠中幾輩巨商合組華興公司。經營鐵器煤炭。並修建船隻。業隆而利美。至一九一八年。遂改組為有限公司。君被推任總經理。

直至於今。責專權重。幹才益得展布。君之擁資亦益厚。自置產業。如蔗園屋宇等。皆足以生利也。君待人溫厚。樂為社會服務。其所任之名譽職。如前中華會所所長。崇華醫院董事。中華商會會長。遠東俱樂部董事。中華學校董事等。不一而足。君年五十有七。元配孫氏。繼室商氏。得五女一男。長女出閣矣。次女卒業於公立中學。三四女則卒業於中華中學。男則尚在修業中。君父諱清標。

### 余庚慶

余君庚慶。字權中。原籍廣東台山荻海仁德鄉。宿務廣東會館首

任主席也。自民國四年隸籍國民黨。即致力為黨宣勞曾任武傲區分部副主席。宿務支部財政員兼商人科主任。中山學校董事。後任岷第二支部宿務分部執委兼財政。十五年與同鄉組織廣東會館。被公舉為主席。連三任。同時與同志創辦中山第二學校。君見推為校董會主席。歷四載。中華商會之董事。君亦嘗廁其列。凡此乃君為社會服務所任名譽職之概略也。君



余庚慶先生

父諱章錦。生四子。君居三。幼時家甚貧。至十一歲。始進里塾發其蒙。甫二載便輟業。佐父磨豆腐。以資活計。勞其筋骨。不知辛苦也。年弱冠。動遠遊之念。遂與戚屬渡南洋。抵峴。役於美人家。僅六日。意弗悅焉。不屑爲洋奴也。去之。轉赴怡朗。被僱爲膳夫。歷十九天。有堂兄某。聞其來菲。介紹之至宿務杏里賽。習製麵包。俾得擅一藝也。而庖廚之役。則仍兼之。君勤而敏。得東主歡。才數月。卽升爲工頭。逾三稔。積千金而強。則還家完娶。甫閱三月。又爲家計所迫。舍閨房之樂。重渡宿埠。仍理舊業。然此時不復屑屑寄人籬下矣。後四月。與友人合營廣盛安雜貨鋪於武傲社。兼製麵包。生意與日俱進。至公元一九零八年。業益擴展。又分支店。獲利愈豐。數年之間。竟能置產而建屋焉。一九一七年。且與同鄉合資開設廣同源公司於宿務大埠。經營出入口生理。惜後放賬過多。被人負欠。所卒以歇。唯君仍留宿埠。設辦事處。爲自己商店選辦貨品。資便利也。君秉性剛勁而質直。對公益事。惟視其力之所至。勇於仔肩。不屑巧爲推諉。故鄉明新學校委君在宿務募捐。以維持之。君亦殊費奔走工夫。知者多焉。君現過大衍之年兩歲矣。得五男三女。長男在美國。半工半讀。次男三男均肄業於廣東培英學校。餘均在中山第二學校求學。元配氏甄。繼室則氏葉。

## 丁文楮

丁君文楮。閩之晉江安海人也。父九燕。生數子。君第三。幼殊穎異。束髮受書。聰慧便爲全塾冠。師長屬望焉。但限於勢。不能治儒業。十六歲。離鄉來鷺島。在季父店中學經商。朝夕勤勞。實習簿書。未幾何時。圓圖之法。了了於胸中。叔雅愛之。惟其蠖屈鄉邦。無以展其才具耳。後乃設法使之南渡。冀其在商賈雲集之呂宋名都。逐什一之利也。君先旅岷。任人書記。歷三歲。轉赴宿務。時年二十九矣。初與林君文聘合營布莊。廣羅錦繡帛帛。規模良壯。鴻業盛於一時。三十四歲。家報促返里。乃回梓省親。成來問訊。蓋君善賈之名。已彰聞於鄉閭也。越年。復渡宿。任思安公司經理。歷數



丁文楮先生

載。盈餘頗豐。後以疊接家書告急。謂故園遭兵燹。當速歸。於是束裝就道抵家。草草摒擋。挈眷重來。至宿後。遂與友人合資組織義記行。營入口商業。躬任總經理之職。迄今十有餘年。生意興隆。居僑界巨賈之列。君既負時望。公共事業。多推之策劃。以董其成。如中華學校之創辦。君與埠中名流巨商。共任其勞。遂被舉為董事。宿務埠巍然宏敞之中華校舍得以落成。為菲島僑校之冠。君實與有力焉。自是歷任該校董事。中華商會成立以來。君亦時廁董事之列。此外若宿務工黨。鴻江公會崇華醫院。皆得君襄助之力。工黨推之為職員。鴻江公會舉之為會長。崇華醫院之司庫。君則任之者屢矣。至於恤貧濟困賑災募捐以及僑界公益善舉。君皆樂於犧牲金錢。宜其得社會人士之贊譽也。君現逾耳順之年三稔矣。體魄尚壯健。神采奕奕。絕無衰頹老態。德配氏王。生兩丈夫子。皆受高等教育。長名天成尤俊秀。在滬上開闢天成行。亦出入口商也。年方壯。經已成室。蘭桂騰芬矣。

## 劉謙祥

劉君謙祥。福建閩侯人。父諱孟湜。為福州基督教會之先進牧師。宣道數十載。享大年而逝世。君有三兄一弟。幼在教會小學讀書。至十二歲進福州格致書院肄業。經三載乃轉學於鶴齡英華書院修英文科。歷五年中西學略有根柢矣。而志在四



方。欲乘風破浪以快其意。年二十南渡菲律賓。初其兄先在甲必地美海軍署任職。君抵其地。獲任海軍處二等書記。然君求學之志未懈也。治事之餘。自修英文。以勤而精進。逾年因脚腫辭職來坭調治。時美國初領菲島。通英吉利文字者寥寥。晨星。有美人經理移民護照者。知君能英文。聘之佐理其事。越四月適宿務僑商朱某到坭採貨。邂逅君。以爲難得之才。招之赴宿。某有志求學者。請君教授。無何。興記公司即聘君專辦海關出入口事。西歷一九〇八年亦辛亥革命前三載。政府當道規定須合格者。方准進海關代理事務。於是舉行考試。藉定人選。君亦與試。時士著皆乏關務常識。榜發大都名落孫山。華僑則惟君中選。由稅務司頒給執照。自後乃自設事務所。代僑界各出入口商辦理報關事宜。並兼辦移民護照手續。埠中僑胞借重於君



劉謙祥先生

者。不可勝數。其時宿務中華會所所辦之學校暨醫院。均乏經費。當事因與君磋商。將月間所辦移民護照應得欸項。充學校醫院之用。給君若干酬勞。以作薪俸。君爲公益計。雖有所損。亦慨然克己。許其所請。嗣後學校醫院。得維持十年之久。君實與有功焉。民國紀元後五年即西歷一九一六年。君回國省親。越數月返菲。而海關變更新例。非籍民不得執海關經紀之憑照。自是君不得已乃與菲人合營其業。而海關苛例從茲繁矣。君自居留宿埠。營業餘暇。常參與社會公共事業。不但輸助金錢。且奔走勸導。中華會所及開智書報社之組織。君皆發起人之一。曾任華

商公益社外交。華僑工黨職員。而於黨務尤極誠効勞。組織國民黨支部。實為中堅份子。歷任部長副部長及重要職員。宣傳不辭勞瘁。助餉勇於犧牲。孫總理曾疊次頒獎章以褒嘉之。民國十八年全國童子軍舉行大檢閱。君率領宿務中山學校童子軍赴南京參加。慨捐巨款充旅費。極受中央要人之歡迎。該童子軍團。在中央黨部紀念週。蔣主席及何總監親自嘉勉。而中央訓練部部長戴季陶何應欽。特贈君銀質心牌一面。題急公好義四字。其於民黨誠可謂有光榮之歷史矣。君於西歷一九一七年即入世界規矩會。後並在宿務組織該會之高級機關。為中外會員所推重云。君先娶菲女。繼室韓氏。共得五男二女。長男韓氏出。現子行為夥計。歷數載商場技倆。略能知之。十九歲頓萌出洋之念。乃與友人同渡菲島。先在怡朗任商店職務。越年。赴朗嗎倪地。以製麵包為業。勤於治事。儉於持躬。經八稔。所獲微利。錙銖而積累之。以為建業之基礎。唯覺朗埠非四八達之要衝。舍之而來宿務。於是開張廣英祥雜貨舖兼製麵包。西歷一九一七年。又另立華美號於烏蘭計查社。經營布疋雜



馮玉麟

### 馮玉麟

均在宿埠南部書院修業。長次女已畢業宿埠中學校。餘則尙幼。亦在求學中。君現年五千有一。

馮君玉麟。字國華。廣東鶴山縣越塘鄉人。宿務中山印務局之總理也。父聯亨。為童子師。在鄉里頗著聲譽。君自幼讀儒書。至年十四往羊城觀光。羨省會之繁華。遂而作謀生之計。初在一菓

貨。蓋至茲已爲商界得尺進尺之勝利者矣。一九二八年。又與友人合資組織中山印務局。目的在供應僑界印刷便利之需要。君任其總理焉。明年。爲輸灌僑胞智識。鼓吹祖國文化計。發起辦華僑日報。雖爲環境所限。僅延六閱月之歷史。宣告停版。而君在市井中。抱有先覺覺人之思想。亦略可概見耳。君自民國四年。隸國民黨籍。即努力於革命工作。暇輒宣傳三民主義。以喚醒僑胞。歷任宿務支部評議員兼總務科。前李其君來菲籌餉。君見推爲委員。奔走募捐。鳩集鉅款。曾蒙中央嘉獎。民國十六年。黨務糾紛。黨部分裂。自是君乃改任岷二支宿務分部執委各職。蓋南島黨中之健者也。君對教育及社會事業。素亦熱心。曾與同志創設廣東會館。歷任董事兼管財政。前曾任中山校董至是又與辦中山第二學校。校董之職。復屢任之。其堅忍之意志。犧牲之精神。不數觀也。君年五十一。妻李氏。獨生一男。現在中山學校肄業。君兄弟三人仲季皆居祖國云。

## 薛家弼


薛君家弼。宿務存德堂藥行主人。亦國民黨之一健者也。父諱景臣。世居福建金門縣珠山鄉。故有中人產。生二子。君其仲也。八歲就傅。修業七載。涉國學之藩籬矣。會母病。延醫調治。君侍奉之餘。恆與醫研究醫理。母病纏綿七八稔。君於醫道。頗有心得。一日。念羣醫施藥久。皆罔效。怒焉如擣。於苦喚奈何中。乃自毅然酌方以進。母服之。稍瘥。君膽以壯。未幾。果霍然痊可。人謂君之醫術更精於懸壺者。亦孝行之報云。君年廿二。始與友南渡。初輔其兄經商於洲府。逾年。生意折閱。君乃赴棉三棉示省。依宗親爲店夥。以勤敏耐勞。得器重。越兩歲。升任經理。執掌五年。商業殊隆盛。積有餘資。則歸里省親。後年餘。返菲。謀自建樹。遂留岷營出入口業。歷三年。貨殖而財生矣。顧其後被洲府各商負欠良多。周轉不靈。不得已宣告歇業。自赴宿埠索債。適遇友人蘇德昭。遂相與謀設存德堂藥行。以便利僑界之病家。更

本舊所研究而心得者。以軒岐之術。出而問世。不數年。馳譽遠近。藥業亦殊發達。嗣蘇君返鄉休養。行務遂由君自行掌管。迄今廿四年矣。而秋間忽遭回祿。又未保險。損失不貲。但君平時富有信用。一諾如金。親戚朋好。深信其可靠也。皆樂盡通財之誼。故倉卒間。能重整舊業。其多得助也如此。至君熱心於社會國家之事更有足述者。曾任謙善公所崇華醫院董事。尤致力革命運動。民國三年。伍平一君奉命來菲組織中華革命黨。老同志或以為難。君與包魏榮等。獨挺身告奮勇。先後加入。先以開智書報社名義號召。卒得成立黨部。翌年。君被舉為評議長。後胡漢民君來菲籌餉。君任籌餉局財政。民十三。民黨改組。君則當選為執委。時同志為實現黨化教育計。創辦中山學校。君亦董其事。明年且被選為董事部主席。十七年舉行清黨。宿務支部改組。君又歷任執委兼常委。為黨國宣勞之經過。蓋不勝觀縷矣。君現年六十五。元配傅氏繼室王氏。得六男五女。長男春信。受相當教育後。即佐理行務。次春義。去年卒業於廣東航空學校。正供職於航空局。三男肄業於鼓浪嶼英華書院。餘均在僑校求學。君字永輔。


薛家弼先生

苑警支

苑君警支。字景之。年三十九。廣東南海人。乃宿務粵僑國民黨同志中之重要人物也。父際唐。旅岷為出入口商。生四子。君居其次。八



歲。發蒙於故鄉之私塾。至十四歲。漢學稍稍明徹矣。乃修英文於香江之皇仁書院。翌年。因與同學擊球。誤傷目部。遂輟業。延一年。目始復原。其父在港原設有悅隆棧。與在坻之悅和隆。相資以殖貨。其業迄今垂五十載矣。於是即留港佐治悅隆棧之商政。約五載。弱冠矣。奉父命與黃玉琮女士成婚禮。翌年。隨父來菲。在悅和隆輔理舖務。藉分其父之勞。時中華民國紀元後二載也。逾年。爲展拓商業範圍計。赴宿遊觀。暫依廣德爲售貨員。是年杪。改掌簿書。越歲。則升任




副經理。於時君自樹商幟益有把握矣。會歐戰方酣。商景大佳。君另自開設罐頭雜貨店。嗣以顧全同事之情感。不惜犧牲一己利益。將生意收束。至民國八年。始出而組織普華公司。遂任總經理。歷時十稔。所營俱見亨通。迨民十八。因於香港開張美利行。乃辭美華經理職。一面則與僑商吳君守箴。經營入口生意。去年則又獨立苑亞新入口莊。專辦香滬國貨。推銷海外。藉開祖國利源。以免漏卮東西洋。蓋君自少富愛國觀念。廿餘年來。恆勤勞於革命救國之運動。前在香港時曾參與中華孔聖會之組織。繼被舉爲總理。後則加入同盟會。自是皆悉力致力於黨中之工作。民三孫總理派伍平一君來菲組織中華革命黨。蓋丁二次革命失敗之後。僑界人士對此討袁之集團。多望而生畏。唯同志包魏榮伍尙全葉獨醒劉謙祥甄永偉等。獨不之懼。先以宿務開智圖書報社名義號召僑衆。相率加入者。有薛家弼林仲壽吳守箴諸人。而實

實際上則秉承總理命令。辦理黨務也。民七君被選為宿務支部部長。一連三任而兼部長職。黨中要人胡漢民先生來菲籌餉時。君實主持籌餉局事。嗣因故回國。則由同志林伸壽任之。民十三年。孫總理設元帥府於廣州。以陳逆叛後。黨中份子混雜。乃改組國民黨。海外黨部。亦遵章照辦。君當選為支部主席。又歷三任。君與諸同志則辦中山學校君為董事部主席。十七年。中央黨部任君為駐斐總支部黨務指導委員。後支部改選。君復歷任執委。今年則兼常委。至孟夏歸國。始辭其職務焉。君年方三十九歲得一男。現居廣州嶺南中學二年級。君性鯁直。意志尤堅強不屈云。

### 楊悌恬

楊君悌恬。字仲熙。閩之南安後坑鄉人。宿務中山學校之董事也。雖廁身市井。而重視教育。曩者。其故鄉道南學校。建築新校舍。派員募捐於菲島。君不僅自輸巨款。且在宿務區域之範圍內。奔走勸募。鳩集重資。以贊厥成。故殊為鄉人所尊崇。見推為董事。數年前。宿務中山學校之設立。君亦犧牲金錢與精神。協助一切。該校得以落成。君實與有功焉。故亦歷任其董事。君父諱孝胚。生男四。君其次者。八歲發蒙。肄業至十六歲。蓋君家素稱小康也。然以邊邑僻壤。乏發迹之機緣。蓄意作殊方之遊。里中多南洋客。而旅居呂宋者尤夥。遂與其叔輩。同渡坭江。半以餬口。半以開眼界也。初在僑商林雲梯之布莊執事。覺商人在

楊悌恬先生




外洋之地位良高。不類吾土居四民之末也。乃悉心學習貿易之道。勞與苦均能耐之。歷八載。囊橐薄有積蓄矣。因作第一度之還鄉。並完娶焉。翌歲。返菲仍任舊職。復經七稔。適有戚屬由宿來垵採辦貨品者。知君於布業。富有經驗。說以宿務商界前途之佳境。便邀之南行。與合資開張福怡源布莊。生意以漸進展。後以歐戰告終。貨價狂跌。各業皆受打擊。君之布途。亦被環境限制。殊費拮据。不得已分拆其業。各自經營。君之商號則福泉南布莊也。從茲獨力奮鬪。注精會神。藉求轉機。無何。日見進步。不數年。獲利頗豐。置產建業。在布商中。嶄然佔優越之地位矣。平生守己克家。於公益事業。咸樂解囊輸助。不類乎慳吝之徒。只知自私自利者也。妻葉氏。得六男五女。長男肄業於泉州培元中學。次男則求學鼓浪嶼英華書院。餘則均就近在中山學校讀書。君現年四十八歲。

## 吳麟趾

君氏吳。名麟趾。守箴其字也。父西川。素旅菲。爲人司簿書。君爲長子。有弟一而已。幼時家境不裕。只受村塾之教育。十七歲。隨姊赴安南姊夫處。爲萬德源米粟磨房。任副會計。辦事忠勤敏捷。東主雅愛之。明年。以父僑菲幾十七載。未嘗還家。孺慕之忱。綦殷且切。遂爲孝心所驅使。卽堅辭其職。浮海來菲。勸父歸鄉園休養。時公元一九一二年也。於是卽留宿務爲振禾布莊掌簿記。翌年。爲族親聘任山頂爲收買土產之經理人。山頂者乃閩僑稱巨巒通都商埠稍遠之鄉鎮。非必居峯巒峭立間之村社也。歷年餘。操奇計贏無不如意。君所分紅利。亦殊豐厚。乃返宿務埠。謀自樹商幟。一九一四年。先與林君汝寬合資。開設東美公司。經營三載。則分道而揚鑣焉。蓋君欲實現其獨自經營之初志也。民國九年。君任總經理之同美公司成立。自是悉心運籌。角逐於商戰之場。於今十有一稔矣。惟君秉性活潑。喜參與社會事業。尤致力革命運動。民二與諸同志組織開智圖書報社。實則乃中華革命黨之變相機關也。君任其評議員。後改組爲國民黨。君歷任要

職。清黨時期。則爲指導委員。迨支部改組。君歷任執委。兼常委。蓋宿務黨部之所謂重要人物也。君平日表同情於勞工界。一九二二年。曾發起組設勞働社。提倡七時休息。又擴充圖書館。開辦夜學。但爲環境所制。七時休息之運動。不久便行停頓。可惜也。厥後與同志創設中山學校。躬任校董。以維持之。全菲民黨大會。君曾被推爲代表。出席會議。其見



重於同志也如此。餘若益羣商會首屆常委。及宿務各團體聯合會委員。皆君曾任之名譽職也。而爲國內外公益事業。奔走募捐不辭勞苦。又其餘事耳。妻陳氏。生二男五女。三女均在故里琦山學校肄業。餘除幼稚者外。則求學於僑校云。君現年三十八。原籍福建思明縣禾山西籓社。


### 王子敬

先 趾

生 王君子敬以字行。籍貫閩省南安縣。祖諱會業柴。家檳。君幼受家庭教育。頭角嶷然。爲族鄰所屬望。清光緒間廢科舉。興學堂。君漢學已有根柢矣。適有父執供職於馬江船政局。謂現代學子須兼通外國語言文字。卽從師兼修佉盧文學。聰穎易悟。不久便貫通之。曾應北京清華學校考試。以乏援引不獲選。時方十四歲也。乃轉入上海郵傳部所辦之實業學堂。無何。因祖母病篤回閩。年十八進榕垣法政學校。蓋君少而挺拔。意志振奇。隱有攬轡澄清之抱負也。在省會留學時曾被推舉爲泉郡留省學生會職員。辛亥光復後畢業。有延郡承審之命。以年輕不就。請改派出洋考察政治。平日習聞菲律賓濱自歸美人統轄後。地方自




治成績斐然。於是有非島之行。抵是邦旁窺遠矚。知世界競爭之焦點在乎經濟。美國領土之商業猛進。令人驚心曠目。因有志於拔幟商場。然赤手空拳。無從與多財善賈者相週旋於市井之間。會坻城中華日報出世。受聘任總經理，嗣充怡朗實業學校教席。非其志也。未幾張羅資本。經營商業。開張伊始。固未擅計然之策。然學優而商。於懋遷挹注。游刃有餘。



貨殖之術。閩閩之法。不難會通也。自是善居積。權子母。生財以道。利源日進。聲望亦隨之而益彰。以君之俊才。在海外商界中可謂錚錚佼佼者。故雖不以財雄島國。而社會公共事業多推君為領袖。非島西文簿記案發生。閩島僑界團體開大會討議抗爭。君被舉為怡朗華僑代表列席會場。貢獻良多。民國十三年北京農商部開全國實業會議。與十五年國內之國民代表會議。君皆為非島華僑出席之代表。其得僑衆之推重也如此。君所歷任之怡朗社團名譽職。如布商聯合會副會長善舉公會董太原自治會會長中華商會委員兼文書科主任華商學校董事會董事等不勝列舉。素關懷桑梓。袁氏稱帝。閩南變亂頻仍。盜匪蠶起。曾於歸國省親時。在鄉里提倡

團練以捍衛閭閻。一時鄉黨不受匪盜蹂躪者。君與有力焉。其後救鄉會之運動。亦奔走不辭勞瘁。餘如華北賑災之役。君擔任募捐。成績昭著。數年前上海海員被那威船員虐待。君力主交涉。使諸海員得安返祖國。皆足見君於公益義舉。靡不為之。君現年三十八。夫人蔡氏。閩字綺緞。稱賢內助。生二子。長澄中。次澄樞。秀外而慧中。佳兒也。君名猷。

## 林金崎



林金崎先生

中華駐斐總領事署之名譽顧問林君金崎。號高手。朗嗎倪地金順泰公司之總理也。籍貫福建思明禾山田裏社。父諱豪縛。事耕稼。而屢空。生二子。君居長。十一歲。始能向村學究問字學書。明年歲杪爲謀治生。輟學。年十四。試作肩挑小販。常担魚蝦求市於廈門。在家則隨父胼胝於隴畝。藉維家計。弱冠後。有志涉重洋。顧父母鍾愛之。不許遠行。君百般慰藉。乃得與舅父同渡菲。先在務傲社舅父店中司會計。毫忽不苟。經四載。生意失利。業以歇。君擬他往。道經宿務。暫託足於金順昌。遂被聘爲支店金順昌布莊經理。主持亦四載。業以隆。分潤之資。足爲自立計。遂出而收買土產。以博美利。甫三閱月。贏千餘金。蓋知賤入貴出之技倆也。至三十六歲。回家擇偶。娶黃氏女。伉儷相得。因留連故鄉。以捕魚爲業。然已有心於公益。自築墳塋。以爲公塚。逾二載。公元一九零一年矣。客遊之念復作。則與宿務僑商黃君瑞坤同返菲。黃君知君有經商幹才。出資付之開張金順泰號於倪埠。亦從收買土產着手。財源日益進。一九〇四年。承黃君約。來宿掌理金順昌行務。金順泰生意則託人經理。是年金順昌盈餘三十餘萬。可謂開一紀元。詎料未一年。而金順泰失火。其險不保。所喪不下八萬元。君之虧損亦鉅矣。幸金順昌主人。器重其爲人。與以臂助。遂得重整旗鼓。自後慘淡圖謀。雖煞費拮据。而所業因蒸蒸日上。卒成殷商。且負重望。民國前二年。回梓建高樓

。閩里不勝其欣羨焉。君持躬樸約。而對社會事業。則不吝嗇。其地初無團體之組織。有事皆君出而奔走。一九一五年。倡設義山。既輸其財。又耗心力。工程完成。僑衆咸頌其功。蓋君居宿時。卽已留意此種義舉。而在宿務掌握金順昌商政時。僑界創立義山。亦與有力也。又若中華校舍之建築。君除捐資外。更任董事。以肩其責。至於其他善舉募捐。君無不慨然解囊。其疏財急公良有足多者。王麟閣總領事巡遊南島時。以君譽望隆著。聘爲領署名譽顧問。至於今六七載矣。君元配仙逝後。爲便利故。以菲女充繼室。後又棄世。續絃者氏呂。共得五男五女。長男光明。亦埠中名流也。與次男均授

室矣。長次女俱回國適人。餘則在僑校肄業中。君之年六十有八矣。

### 黃媽超

黃媽超先生

君氏黃。名媽超。字奇英。菲島朗嗎倪地埠華僑商會之會長也。原籍福建思明禾山祥埝社。父諱自瀛。爲僑商先輩。家小康。生五子。君居二。幼時母與祖母甚鍾愛之。七歲入鄉塾。喜嬉戲不知勤讀。且常逃學。其祖母與母若返外家。君輒隨之作客。蓋女流媿媿姑息。亦不欲令君刻苦用功也。至十七歲父歸里。知君於學業不長進。議挈之來菲。使習商業。顧逾數月。尙未啓行先自棄世。明年君乃稍自振拔。與鄉人同渡菲。赴朗埠。佐兄媽全共守父業。料理店務。當兒勤敏。兄亦信任之。又明年兄言過。君

遂獨掌商政。時年才十九也。詎兄在家未久。亦不幸逝世。未幾母又相繼仙逝。君得噩耗。悲慟不能勝。第爲商務所羈。弗克還家。然自是益能奮勉。與合夥者楊君永傳。共策發展之計。其行號曰瀛發。其父蓋取業發自己之義也。君圖擴而充之。分支於各巨鎮。是年君弱冠矣。駐垠辦貨。行務付託楊君主持之。獲利頗豐。越年餘。因家中祖母老。弱弟。寡嫂。幼姪。皆未能治家政。乃回國完娶。甫三月卽行返菲。以商業爲慮。不敢戀戀於家也。詎朝抵朗埠。夕卽遭焚如之厄。全行俱火。惟棧房獲免。所損計五六萬金。時無保險。無所取償。其窘迫可知矣。幸此際商況甚佳。且信用素昭。故能於倉卒中。重整舊業。始雖左支右絀。不久便恢復舊觀。乃乘機進展。從而收買大宗土產。不數年生意發達。有駸駸之勢。及一九二〇年與楊君分拆所業。獨自經營。更設麥絞卽磨房也。一九二六年資本益雄厚矣。則開張出入口行於宿務埠。並置輪船。以便運輸。越歲又在朗埠。興辦媽超汽車公司。其車貫通黑人全省。有裨於交通者大非淺鮮。君旣擁厚資。遂兼置產業於朗埠。營建屋宇於故鄉。今日在朗埠商界。可謂首屈一指者矣。里閭爭豔羨之。自不待言也。蓋君於經商外。對地方及桑梓公益靡不熱誠助。埠中創設義山。君尤與有力焉。初我僑組織華益社。以資團結。推君爲社長。後改爲中華商會。又舉君爲會長。足見其爲輿望所歸也。君與同志覺僑界不可乏祖國教育。卽協同興辦中華學校。君歷任董事。後又與同業組織麥絞商會。其會長亦君任之。一九一八年君捐巨款。創設故鄉學校。又躬董其事以維持之。鄉人咸稱其德。一九二七年禾山建築女校。君則獻地以供起蓋。並輸金爲鄉人倡。由是盛名益嘖嘖於人口。君雖非隸黨籍。而黨中要人。如孫科胡漢民許崇智輩迭次來菲籌餉。君皆有輸將。卽其他之募捐。亦無不解囊應之。其急公好善之性有如是者。夫人葉氏現五男九女。長男曾修業於廈門十三中學。已授室。現在行中佐理商政。長次女均有培家。餘則在修業中。君今年五十有二。旅菲三十五載矣。

## 戴秋飲

戴君秋飲。字冬谷。福建南安人。前菲島納卯埠之我國名譽領事也。父諱金。於西班牙統轄菲島時代。乘帆船犯風濤而至蘇洛。蓋有過人之冒險性也。遂卜居城市而經商焉。君在鄉園讀書。及十五歲來菲。初隨侍其父佐理商業。繼以三寶顏爲南島四達之區。交通便利。乃離蘇而至顏。年廿三開張福泉南商號於顏埠。極意營業。生意逐漸發達。嗣分支店於納卯。號曰新南安。而君雖薰陶於椰風蕉雨之間。其不忘故土之觀念。可於茲見之矣。且以滿清之秕政。非除革不可。曾於辛亥



戴秋飲先生

前。毅然附隸於同盟會。與同志組織閱書報社於顏埠。藉以宣傳革命之旨趣。遂被舉爲社長。後以納卯爲南島未盡墾闢之省分。幅員倍於三寶顏。將來事業之發展。更未限量。誠可以有爲之地也。於是又舍三寶顏而遷於納卯埠。又組織民權閱書報社。藉以發揚革命之精神。亦見推爲社長。至正式支部成立。仍歷任部長等要職。其境初有日人麇集而開墾。君因力倡華人集資以圖開發之計劃。以與日人抗。遂組設廣利墾殖公司。効果良多。而君於納卯之勢力亦益雄厚。年三十八。我國政府用總領事桂植言。委任君爲該埠之名譽領事。省內之華僑多受其庇蔭者。稱頌之聲達於遐邇。君念華菲雜處。婚媾者不少。非灌輸祖國教育。必不免有濡染菲化者。乃躬請於總督。准設學校。顏曰中華學校。君任其總理。迨中華教育會成立。君又任

會長。學校之基礎益形穩固。時日人在卯勢力日見澎漲。歐美商人之投資於該省者亦漸多。君覺華僑非厚其團結力。則不

足與之競爭。且恐將有淘汰之可虞。因倡辦中華商會。爲商人研究商業。擴充商務。保護商權之總機關。君任其會長者久之。而君所充社會團體與公益機關之名譽職。爲顏埠之民主會館評議長。納埠之中華聯合會會長。萬國商會之董事。南安崇詩崇禮學校董事。詩山同仁醫院顧問。則君於公共事業。所犧牲之精神與物質之貢獻。又可想而知矣。君於去歲辭譽名領事職。而駐菲中華總領署。仍聘之爲顧問。其聲望之隆。在納埠可算首屈一指也。夫人胡氏。生七男六女。長子建玉。擅計然術。克承父志。現爲本行之經理。次建德。敏而好學。正在美國某大學修電汽工程科。長女鳳梅。則求學於坵城之高等女校。餘亦均在肄業中。君初來蘇時。父年已逾知命。嘗勸之還鄉休養。不肯。繼又力勸之。至再而三。始旋里。六秩榮慶。君返國。大開筵筵。稱觴介壽。以博老人歡。明年。丁父憂。越五月。又丁母憂。均哀痛逾常人。君蓋素重孝道

者也。君年正五十。所營之商業。尙有大道及振華兩公司云。

## 楊忠信

楊君姓楊。諱忠信。字貞甫。閩之龍溪人也。世居邑之白石楊厝社忠。父在田翁慈祥而正直。有子十餘。君居三。幼而慧穎。翁命就信學於鄉塾。嘗有富人子傲睨之。君忍而不報。知者道其有涵養如先老成人。後翁聘師在家督課。君記性強。過目不忘。與人談輒援生引經傳古文中語句。至老猶然。繼因家境平淡。十三歲輟學隨翁來坵營小職業。凡顧客購貨。恆親爲攜送。深得人歡。年十八卽受父命偕弟忠翹君主持商務。慘淡經營。規模日廓。其富於幹才




而力於任事。概可想見。年廿一歸國受室。耘耔灌溉。操作不倦。孝友儉樸。更過於常人。及再渡坭則閱歷漸深。信用益著。營業亦隨之駸駸日進矣。至君不斤斤逐什一之利。樂善爲懷。大有父風。其故里有恩推局。係翁手創者。專理修橋築路。施棺舍藥。及濟困扶危諸善舉。君不但克維現狀。更從而光大之。在坭時凡屬慈善公共事業。莫不輸財効力。襄助厥成。故歷任善舉公所總商會教育會董事。均被推司理財政。祖國有爲教育渡菲募捐者。則踴躍輸將。爲他人表率。且不憚勞瘁助之籌募。如鼓浪嶼閩南職業中學校。與前廈門女子公學。得在菲鳩多金。築宏敞之校舍。皆君之力也。君年及大衍。所營瑞隆興鐵業公司。聲望孚中外。資本尤雄厚。子弟姪輩。亦克繼承其志。乃言旋鼓島。稍資怡養。然自奉猶至菲薄。且抱憫人之念。注重民生。不敢處優而自娛。凡友人有興辦有關國計民生之實業向商。輒不計利害。慨然投巨資以爲倡。如閩南造林公司及華北實業公司。皆得君財力之助也。晚年崇奉耶教。頗得領悟妙旨。自是必年捐千金付鼓嶼中華基督教會代爲分配。充各項善舉經費。又如前年西北災區。及北平災官。則自匯巨款。託上海慈善家聶雲台爲之施濟。住鼓數年。更關心嶼中社會事業。如董華民公會。則維持其經費。被邀任中山圖書館董事。則購獻許多有關世道人心之書籍。當選爲華人議事會議員。每會必準時列席。有所建議。則坦率不避嫌。蓋在在表現其言行一致。與鈞名沽譽者殊有異也。對國事則存匹夫有責之心。而有卜式助邊之概。如北伐東路軍過閩時。嘗合駐鼓僑商貸巨項充軍餉。以故前後受國民革命軍東路軍第三路指揮部任爲參議。福建政務委員會延聘爲僑務委員名譽諮議。至因急公好義。蒙政府頒給獎章獎狀者。更不一而足。然君不尙虛榮。平居極罕以之示人。君少壯時。操勞過度。十餘年來。精力漸衰矣。

## 桂華山

桂君華山字峻嵩。福建晉江安海人。父諱瑞芳。素僑居泗水。蓋舍儒業而効陶朱者也。生四男。長天逝。君爲亞子。幼入

私塾。便以穎異稱。十二歲時。安海初創源深學校。卽就之肄業。歷次考試非冠榜卽居第二。只有壹學期成績最劣。亦列第六。自是益嶄然露頭角矣。十四歲學校因乏費停辦。復遭母黃氏纏綿病榻。弗克遠離乃輟學奉侍。久之母病日深。其父



桂 華 山 先 生

得家報。由泗水還歸。甫旬日。痛悼亡矣。時君年十六歲。弟華岳八歲耳。皆哀慟不自勝。君家本小康。有餘資。作生意。曾開杉木行。雖委親戚經理。然度支悉由君掌之。至是內理家政。兼撫幼弟。無異以兄代母。是歲值黃花岡烈士爲國殉難。父醉心革命。從南洋返國。冒險密帶圖存篇喚醒國魂江陰屠城記揚州十日記儲書夾藏被褥內。抵家後出此類書報示君及其儕輩。因而種族革命之思潮。怒發於君之腦海中。無何四川鐵路之作。革命黨舉義。全國震動。安海雖非通商口岸。然君父定購各種書報甚多。百凡消息俱至靈通。君日受革命文字所激盪。於智識幼稚之際具滿腔熱血。乃與一二同學謀革命宣傳品。達宵達旦。繕抄百餘份。潛往各街衢張貼。越晨舉市騷然。儼然風聲鶴唳。咸謂革命軍將到。並已訂期起事云。時也各省紛紛獨立。革命聲浪風起雲湧。安海原無駐軍。祇有少數警備隊。不料事機湊巧。適於宣傳品定期之夜。一北兵因購豬肉與屠商鬧事。民衆竟以此爲導火線。乘機奮起。放火焚縣公署逐官吏。全鎮哄動一夜。翌晨大唱光復高調。君今日對人述及此事。輒自笑當年兒戲。居然成驚人之烈舉。而留一致之談乘也。當是時袁世凱命馮國璋南下。革軍受創。各處紛紛組織



北伐隊。其父爲此日夕奔走。君與黃姓二同學名清懷金鈔者。相率丐之介紹加入北伐隊。其父笑曰：「鬻子何能執干戈。專心讀書。就同學中組織青年勵志會不其愈乎。」君等所求不遂。悵悵而退。乃密謀私逃。不數日後。籌得川資。俱不告家庭或戚友。徒步赴泉。候輪往省會。欲投入北伐隊。中途遇一素識之水菓販。乃以告於清懷之家長。蓋亦業此途者。各家正偵騎四出。遍覓無蹤。得此消息。急如星火。追至泉城。卒被攜歸。越年君父急於南渡。遂將諸務收束。遣君偕弟就學泉城。託摯林重光嚴加教督。以君沉醉於武俠小說。頗有放浪不羈之概也。君至泉。學校尙未開課。乃乘機在林伯臺之米郊學習生意。一二月間略識梗概。林君窺其具殖貨才。竟勉之學商。不使繼續書校。君生涯日久勤勞。大得伯臺歡心。深受教益。復獲益友秦望山。切砥礪學識日進。十九歲。卽代林伯臺處理行務。不久袁氏稱帝。閩南諸同志雲集鼓浪嶼。君得王泉笙葉青眼之介紹。與望山同隸革命黨。望山旋走滬。偕陳春木同志暗運軍械炸彈。秘密活動。有晉南惠同時舉事之計劃。因懼於閩廣威賴忠之兵力。未敢輕舉。後由某同志負責疏通閩部。君則負責運動賴忠。所謀竟成功。而某同志事機不密。致被閩賊偵悉夜半派隊包圍。湯文河同志之宅。捕去湯，錢，馮，于，周五同志。是夜會議。原爲朱德才派副官錢竹軒等潛入泉城密定舉事計劃。君亦參與焉。因竟日奔走飢甚。出覓小食。果腹。返至半途。遇被擒五同志知事不妙。然君並不知懼。尾隨之縣署。聽審。已逾夜半一二小時矣。越晨急報告諸同志。已皆出走。湯，錢，馮，于，周，五同志。卽于是日殉難。時林伯臺悉君加入革命黨活動。以偵探密佈。極爲之危。願阻止罔効。亦無如之何。幸君年輕猶有稗子氣。不受注意。故罕知其爲一最活動之份子也。民國六年君受室於林氏。愧依岳家。乃於明年八月來氓謀自立計。初任小呂宋椰油公司司庫兼文牘。然終不願因人成事也。民十出而組織中華商業有限公司。成立任經理職。自是奮其精神。展其才幹。營業日臻發達。祖國廠家有優良出品咸欲託該公司經售之。蓋其歷年推售國貨。成績甚佳。今者獨家代理香中閩粵之國貨。不下十餘家矣。君既於商場佔相當位置。於僑界社會自稍資聲望。民十二華僑工黨推之爲領袖。君之任社團公職卽自

爲工黨總評事始。翌年卽西歷一千九百二十四年。祖國電影正初萌芽。君適至滬。首與明星影片公司合資並聯絡滬上殷商。組織南洋影片公司。被推爲總理。因欲向英荷兩屬地發展。乃聘于雨亭王宣化爲正副經理。一二年中。業務擴充至暹羅仰光北婆羅洲。英荷兩屬戲院計設二十餘處。握南洋影業牛耳。獲利亦甚豐。後以同事意見相左。君由岷馳往調停。無效。卒致分拆。君至今尤引爲憾事。是歲君見舉爲出入口商會副會長。並任中華總商會。華僑教育會董事。自是教育會董連任者三屆。商會董已歷任五屆矣。君於義舉。恆表熱情。十四年上海五卅慘案發生。岷埠各大團體初無若何表示。君激於義憤。特請學生聯合會總幹事王謙遜。磋商召集會議。以學生聯合會名義。通電聲援。電費等概由君獨自負之。復任其勞主持一切。繼由學生會請總商會暨各途商召集聯席會議。於是組成菲律賓華僑臨時救濟會。君被舉爲副會長。是役也。深得僑衆同情。捐助上海廣東諸罷工救濟會達二三十萬元。君嘗以辦理宣傳及函電稿件。竟夜不寐。且無倦容。其愛國之精神如此。君董教育會之期間。嘗致力於學制之改善。並力主國語教授。得董事會通過。其議乃實行。十六年蔣總司令誓師北伐。華僑組織國民協會。捐資十餘萬。贊助軍餉。君被舉爲執行委員。兼宣傳股主任。奔走甚力。十七年濟南慘案作。君見推爲反日會執行委員。僑界反日運動之成績。君與有力焉。然君所參與之公共事業。猶有足述者。中華青年會初成立時。曾充德育股主任。居恆嘆息以故鄉貧寒子弟。無力就學爲憾。乃與數同志倡設泉州平民學校。首屆旅菲董事會總理卽由君任之。十八年吾僑將於菲律彬嘉年華會內設國貨陳列所。君與薛敏老等先期受總商會暨各途商會舉派爲代表返國。與工商部長暨滬杭京津各工廠接洽。來菲陳列出品事宜。公畢將返菲。與諸代表讌請黨國要人及滬上諸名流。君痛陳振興與改良國貨要義。及海外僑民期望祖國政府刷新政治之熱切。舌底齟齬。有旅菲華僑受歐美文化愛國熱誠比南洋華僑更進一步之贊譽。君蓋商界中擅言語者也。且豐采可人。誠閩閩中之俊器。君現雖經營客地。眷念祖國無時或忘。嘗遍遊京津江浙各大口岸。精心考察。爲將來發展祖國實業計。前年與友人組織同化罐頭廠於汕頭。近復與僑商楊孔鶯倡辦華僑興業有

限公司於廈門。經營祖國之建設事業。其前途正未可限量也。君年當三十有五。生男女各二。尚幼穉。弟華岳治醫科於東瀛。已畢業而懸壺歇浦矣。君現任旅菲鴻江公會主席。



附錄 已故之名人史略

## 李馬芳

當西班牙人未至菲律賓以前。相傳十四世紀間。有閩人名林旺者。航海到此。爲之烈山澤。驅猛獸。教士人以種種耕稼上智識。菲人始由游牧時代。漸入農業時代。而日用諸物。亦皆賴中國南方輸入。如今日家常用器。猶相沿呼似漳泉鄉音。則莽莽羣島。開闢首功。固屬我華人。由是中國南方商人。漸相繼偕來。其商品以棉花鐵器紙料爲重要。使當時我國有經營海外思想。則藉商業行殖民政策。縣菲律賓爲海外屬地。直反掌間事。一經歷史家稍爲點綴。林旺直東方之科崙布也。西班牙統轄以後。華僑通商如故。西人莫牙 *Merona* 有言。凡一市鎮之成立。不能缺乏中國人。蓋既占商業上重要地位。且又勤於作工。備費低廉。迨擄立撒里氏 *Lavezaris* 督菲時代。西人忽起一大恐慌。卽華人李馬芳攻略岷希納是。

李馬芳以雄才大略。爲中國政府所不容。率領木造戰船數百隊。健兒數千名。橫行海上。聞南方有所謂菲律賓羣島。土地膏腴。住有華人甚多。堪藉作根據地。遂欲開鄭成功逐荷蘭人佔據臺灣之先聲。乃選堅固艦隊六十。精兵三千。直駛南行。近乙魯羔 *Iloco* 沿岸。捉獲一西班牙官船。殺其船長。及其水手。鎮守米岸 *Vigan* 西人曰撒示洛 *Salcedo* 一軍官。在海岸上遙見戰艦如蠶紛集。急回米岸報告於撒示洛。遂遣三土人乘小船警告岷希納。使知戒備。未幾米岸失守。撒示洛同軍人五十。乘小船逃往他處。李氏戰艦遂乘勝鼓棹南進。

既到「岷希納灣」命先鋒隊統率六百健兒登岸攻城。時爲一五七四年十一月廿九日。其健兒皆腰插短刀。手執巨斧。棉甲圍身。竹笠蓋頭。十人爲一隊。隊長執一小旗。以爲指揮。此爲西人黎山里 *Da Randa* 佈告於西班牙王之言。則其部曲編制。有條不紊。當時所志者大。固未可視爲烏合之衆。專事劫掠也。

第一次攻城時。西兵精銳。悉聚於木築礮臺中。其相鄰地點。卽鄰近今日所謂山潮哥礮臺。 *Fort Santiago* 兩軍對壘。互

有殺傷。李軍漸退守甲米地。Carriz (華人又名爲庚易) 然經此一戰。西人膽落。環顧四郊週圍。悉爲木棚。不足供敵人蹂躪。乃召集城中男婦老幼。乘夜籌設防衛事宜。遲明李軍又爲第二次攻城。其鋒更不可當。短兵相接。兼然大礮助威。逼近岷希納城。時前軍散列作三橫隊。每隊六百人。冒矢石以直進。勢欲滅此而朝食。適撒示洛自米岸回後。召集舊有戰船共六艘。西兵合土兵數百名。駛入岷希納灣救援。客主之勢既異。攻守之局亦變。况西人此時於萬死之中。求其一生。無不協力敵愾。卽所謂困獸猶鬪也。故李軍第二次攻城。又不獲告厥成功。祇焚毀其禮拜寺。仍退守甲馬地。

非人自昔卽苦西班牙虐政。久思脫離其羈縻。然手無尺寸之藉。冒昧行事。如以卵擊石。非徒無益。且自速其禍也。當西人與李馬芳構兵之時。非人卽謀乘機起事。凡鄉村中僧侶。悉爲土人所拘禁。各社皆派代表聚議禮拜寺中。殺羊爲誓。皆極端反對西班牙人之政教。憤激之餘。并有手刃僧侶以洩恨者。於是召集各鄉少年。共得精銳數千。匿諸蚊甲中。Panca (非地木舟之名) 散布岷希納灣。一待李軍得勝。卽欲合力逐西班牙人。奉華人以爲主。使李軍稍知養蓄全鋒。聯絡非人。使先揭革命之旗。則西人兵力旣分。軍心又亂。一鼓而直搗岷希納。敢決其必勝。則李馬芳者。直若虬髯客之王扶餘。鄭成功之霸臺灣。今世史家。必爭爲傳佈。何致歷翻我中國典籍。皆寂寂無傳。惟菲律賓古世史。指爲中國海賊。擾亂地方而已。華菲感情之不能融洽者。卽有此一段記載厲之階也。嗟夫。成敗論英雄。中外固同一史例也。

李軍第二次攻城旣告失敗。非人之團結力漸形瓦解。并有白首西政府求救免者。西政府分別首從。從嚴懲處。自此菲人屈服於異族專制政體之下。莫敢喘息。李氏見內應旣失。遂引軍由阿峨河 *Ango River* 退入品牙詩蘭。Pangasinan 相地築城。墾荒爲田。并征服附近鄉村諸非人。教以耕種守望之事。固有具殖民之規模。且思捲土重來。與西人一決雌雄者也。非政府經此鉅創。遂思先發制人。爲一勞永逸之計。凡散處島中之西人。悉召集來岷。充當兵役。派撒示洛爲督軍。於一五七五年三月率西人六百五十名。以非人六千餘爲前驅。駕大戰艦。扼守阿峨河口。用火攻之計。先焚毀李軍戰艦。然後

登陸逼戰。圍困四個月。內外援絕。糧食不繼。在此圍困期內。李軍猶能造新艦三十艘。於八月四號。率衆衝圍駛往北去。而英雄經營海外遠大事業。從此閉幕矣。「錄菲律濱華僑教育叢刊」

## 陳謙善



先生名最。別號樂峯。謙善其字也。福建省思明縣嘉禾里仙岳社人。生於清道光廿四年甲辰四月廿四日。亦即公元一千八百四十四年六月初六日也。少抱大志。不甘鬱鬱居鄉井。遂挂帆滄海。南渡小呂宋。初小試其才於市廛間。善平日輕財尚義。樂善好施。且恆爲人排難解紛。慨然有古俠士風。困者濟之。而危者扶之。以是深得吾僑之愛戴。羣推爲領袖而信服焉。旅菲三十年間。創辦學校。建築醫院。購置義塚。請設領事。種種擘劃。凡屬有益華僑之事。無不竭力提倡。而外人之受其惠者。亦不可

計數。聲名洋溢。幾乎有口皆碑。清廷聞其賢。飾以道銜。賞戴花翎並令督察是邦僑務。中外榮之。時菲島由西班牙統治。政制與今日殊。政府當道。知先生才幹資望。在僑界無與倫比者。推重之至。委任爲甲必丹。授以權柄。凡關吾僑之事。悉惟先生之意旨是循。各界之名流要人。與先生結納者。比比皆是。溯自數百載以來。吾僑在此土。交遊之廣。勢力之



雄。當無出先生右者矣。卒之時。光緒廿七年辛丑七月廿一日。正公元一千九百零一年九月三日也。享壽五十有八歲。華夷咸惋悼焉。清廷誥授光祿大夫。以寵之。旅菲僑胞。追念其生平勞績。乃於宣統二年四月。亦西歷一千九百十年五月。捐資爲鑄銅像。立於崇仁醫院。以誌遺愛。而志豐功。蓋可謂空前之異數也。先生之長郎名綱。少在祖國修舉子業。壯歲登試及第。曾任我國駐菲之總領事。

## 楊尊親

楊尊親先生。福建南安高洋鄉人也。爲人有魄力。不畏險阻。於前清同治間來菲列賓。時無汽輪。伏帆船中數十日始抵堪。初爲賤工。稍有積蓄卽樹商幟。與多術善賈者競。有幹才。營業漸發展。勢力亦漸雄厚。西班牙政府當道以其能足爲華僑領袖。尊之爲甲必丹。於是僑界有事。必抑諸楊先生。有所請於官署者。非楊先生爲領導更不可。當時華僑尙無墳場。營葬者。尙須買地於菲西人之墓園。殊不便也。君乃倡議置義山。以葬華僑胞之死者。議成。而官吏衙胥。有欲籍端阻撓者。君必貫徹初衷。非底於成。不肯寢其議。遂以己名字購地產。闢爲墓場。直至美政府管領是邦。始改爲善舉公所之產業。其勇於任事。不假公營私。如是。性率直然亦和藹。有所求於君者。事無大小皆惟力之所至爲之斡旋。是以能得僑衆愛戴。卒之年六十有三矣。今其裔在故鄉居。海外無繼其業者。故非僑界前輩。鮮有知其名者。

## 黃永摺

君諱永摺。原籍福建晉江二十都金埭鄉。岷埠黃聯興鐵業大公司總經理念憶君之先嚴。曾於西班牙統治菲島時代。任僑界所謂庫官者也。父以行第八名。來菲久不得志家猶四壁。君幼進學讀書。十一歲。便丁父憂爲飢驅所迫。亦思出洋作傭口



黃永摺先生

計。其母與族親遂設法使渡坭。初備於一商舖。忍苦耐勞。所得究微薄。然頗敏捷。又勤於學習。至十五歲。即與能人交接生意。居然有經商之經驗矣。無何。爲其宗親掌理小鐵業。經之營之。計歷三載。殊見亨通。而君之囊積亦已稍裕。不久。乃與二同宗合資。開設黃聯興公司。而君於鐵業獨有把握。遂告奮勇主持其事。於是漸著聲望於商場。然其克勤克儉之習慣。不減於依人作嫁時也。信用乃昭。營業駸駸疊獲奇贏。而立之年。在鐵業界嶄然露頭角矣。自是社會間公共事業。每參與之。曾任當時僑界惟一團體之善舉公所董事。西班牙治菲時。僑界有三領袖。曰甲必丹。曰二老。曰庫官。皆由當道推舉而經僑衆許可者也。庫官者。居僑民與政府之間。而司公款之出納。吾僑稱爲庫官蓋亦特別之職銜也。君亦曾任之。其爲僑界人士所尊重。可想而知矣。年四十。衣錦還鄉。建築華廈。乃鄉人某。出而阻撓。藉詞有傷至風水。涉訟公庭。嗣某以敗訴不甘。陰謀擄禁君之次子。希圖訛詐。幸官憲嚴明。終得釋放。而君目前倦於形役。蓄志休養。宏宇落成後。深知其子能繼其志。守其業。乃以商務付託之。重返鄉園。以娛晚景。至五十四歲。與世長辭。妻李氏有三子名念憶。念潭。念和。三男次男均短命。長男爲僑界巨子。現仍主政於公司也。

## 柯世張

君氏柯。諱世張。福建南安三十四都後曾莊鄉人。嘗以善爲和事老。見稱道於梓里者也。幼以家道貧寒。不能求學業。故



長亦僅識之無。爲餬口計。隨人南渡。到非時。毫無所憑藉。赤手治生。恃勤儉以爭存。其與環境奮鬥之經歷。類皆晚近社會所罕覩者。以傭役而小販。由小販而坐賈。今埠中之順德煙廠。與順美布莊。卽其所立之業。留與子孫以守其成者也。爲人忠厚過人。雖非文界之士。而大有古風。言行不苟。幾可稱好德若好色者。坵中僑界初設中西學校。君亦居創辦人之一。於慈善事業尤多贊助。曾任善舉公所董事。及崇仁醫院職員。院中路故不修。遇雨則泥濘。君獨出資造之。至今僑界前輩步之者。尤能道其由來也。閩南素有械鬥陋習。鄉人偶失和。動輒以干戈相見。有禍結連年而不止者。君還鄉以爲里閭所推重。每見邀爲魯仲連。君亦以排難解紛自任。任勞耗財不計也。一次返里。適兩鄉械鬥。各死若干人。慣例命案相抵。不報官。喪命多者。則以金賠償。君爲息事寧人計。出任和事老。人命相抵外。甲鄉尙贏一首級。君到甲社。取頭顱納筓中。以布裹之。送乙村。以天黑。負至家。恂恂而步。置諸床下。欲遲明以還其鄉人也。其妻見之。微異焉。問何物。君以爲人多拘忌。不敢以告。乃詭言友人所寄物事。未便啓視之也。且恬然談笑自若。願兒女而言他。曾不露絲毫蹙蹙狀。致啓其疑。翌日又負之以至乙

村報命。事始了。自是歷久不復鬥。兩鄉人皆德君甚。而君奔走負首級以和事。遂傳遍近鄰。以至遐方。一時談善爲和事老者。必曰柯世張。君於民國七年逝世。享壽七十有二歲。嫡配楊氏。繼室魏氏。生九男一女。長子文汀。三子騰輝。克紹箕裘者也。次靄雲四騰淵五騰英六騰雀七騰蛟八騰超九騰經。女定省。或已自立或尙在求學中。君之居在坭之沙拉撒。

## 楊在田

楊君穰雲。諱在田。龍溪縣廿九邵碧湖鄉人也。少孤。受母訓。雖僅年十三。當元日翌晨。母卽命君往山採樵。飢時飽冷

飯。飲泉水。君之早歲困苦已如此。年十四父自坭病歸。其所營小鐵店生理。託一丁姓暫理。翌年丁姓卒。君父聞信。欲帶病攜君往。到廈恐無以當蠻風駭浪。因族人勸。乃與社人某接洽。託其代攜君行。並寄書與弟。囑照料一切。越年餘父病革。馳書召君回。社人某囑君曰。此店乏流動資本。歸告爾父。速派人接替。我將別圖。君歸告父。父嘆曰。余已垂死。遑顧及他。且病時耗費。典質已空。此後爾母爾弟。得不至於餓殍。惟賴爾能自圖存耳。言訖而逝。君哭誦成禮。治喪畢。卽往坭。而君叔竟以君非出一本。陰懷異謀。自此君不見愛於叔。歷受苦痛。然無怨言。未幾君叔竟藉端霸據。君至此已無容足地。幸有不平者。代爲力爭。乃得復故業。君自是振奮精神。力崇節儉。嘗言當運貨出




門。在途喉乾口渴。唯有飲水而已。絕不肯浪費些須。年二十一歸娶。始稍成立。時叔君亦漸萌外愧悔。旋卒外邦。君孀初雖屢次尋仇。見君母讓避他從。後亦求釋前嫌。君對此絕無纖毫芥蒂。且爲叔子娶婦。周衣食。謀生計。非以德報怨也。親親之誼存焉。君胞弟早亡。撫孤一若己出。成立後。產屋均分。詳畧分書。視姪猶子。君其庶幾焉。君自後鴻猷大展。企業駿發。成坻埠僑界有數之富翁。今日巍樓簪峙。宏廠壯觀之瑞隆興公司。卽君創始之盛業也。素患內痔。熱地尤苦。加以飽經憂患。倦然萌歸。於是將坻埠生理。委諸兒曹。而親理家務。率傭躬耕。尤注意者。修治道路。雖當暑雨。必自執鋤以身先之。其利濟行人之熱念如此。君自坻歸鄉。凡所行利衆濟人事。漳之人士。無不異口同稱。雖婦孺亦直呼君爲善人。君襟懷坦直。愛人以德。凡貧朋窮戚。到門相懇。必盡力爲之提攜。其素性頹惰者。或督責之。或勸導之。務令知所愧奮。而以振拔自期。君之教子孫也。不求榮譽。不重美觀。惟在遜順謙卑。以求不見棄於社會宗族。更不欲孫子爲官。以誇耀鄉里。性樸誠。絕無粉飾矜張。雖擁厚資。不喜交結常路。亦不喜與勢豪酒食徵逐。行年八十。未嘗一次稱觴上壽。避居鼓浪嶼十數年。日徜徉煙水之區。與販夫牧豎笑語忘形。暇時閉口靜坐。神與天遊。幾不知甲子歲月。生平不肯勞役人。每晨早起。必親自傾水盥洗。並煮茗。飲後。婆婆市上。一家人尙未起也。君曾因招待親友染煙霞癖。宣統間。煙禁森嚴。卽撤去煙具。略飲薄酒。至五六日。頗覺呼嘯。曰癮正此耳。七日後癮盡除。則君之堅忍勇於改過。洵非常人所及也。元配林氏。生十男一女。享壽八十有二。孫曾幾式佰人。一門興盛。絕無驕縱惡習。君之盛德有以化之也。

## 林雲梯

林君雲梯。福建省思明縣禾山人。坻中僑界名流林君珠光之先君子也。先世皆椎魯之氓力耕以自食耳。君以家赤貧。無從備束脩。造學究之門。以習書問字。十三歲迫於飢驅。隨里人浮海來菲。到坻後。傭於某商鋪。以作力鋤口。凡燒飯汲水


。負貨洒掃諸役。無不從任之。任之無不勝而愉快者。勞働十餘年。微有餘羨。而貿易之法。亦已窺見一斑。平日所服役者。多屬布業。遂思罄積蓄。從布帛起家。初試之頃僅所設置一布櫥仔習例。小資本商人。經營布業。不能開商鋪。以張門面。僅僅置一櫥以陳列所採辦之布疋或則旁及雜貨。閩僑號曰布櫥仔。君之作始也雖簡。而忍苦耐勞。爲人所難。加之時運亨通。億則屢中。故終擁厚資。籌成巨業。今日岷中唐人街。卽習稱洲仔岸者。布商蟬聯以百計。而君之遺業勝泰號



林雲梯先生

則爲有數之布莊焉。君既成巨賈。富力臻數百萬金。綾羅綢綺。積疊如山。而猶惟髻布服。履而不襪。其儉樸有如僱傭者。曾未嘗以侈奢自豪。炫其財於外。非素相識者。皆莫知其爲挾資數百萬之富家翁也。然君非守財之虜所可比。聚而能散。富而能施。捐輸於教育慈善事業爲數頗鉅。如建普智學校題六千金。建西河堂亦然。華北賑災捐五千金。捐華僑教育會如其數。此其大較也。餘若資助泉州西隅學校。岷中華僑公學。以及貢獻其他公益之款。更無從計數耳。其所任社會之名譽要職者凡五。若善舉公所董事。教育會董事。西河堂董事。普智書報社董事。布商會董事是也。君年三十二始娶劉氏。得六男二女。哲嗣珠光君則善能繼承父志而顯揚聲譽者也。君卒之年。享壽五十有三歲。時中華民國紀元 年 月 日也。

## 黃念潭



黃念潭先生

君諱念潭。字義徵。福建晉江廿都金埭鄉人。本埠黃聯興公司總理。念憶君之亡弟也。父永摺得三子。君居二。束髮受書於里塾中。敏慧有巧思。蒙師異而愛之。歸繩其美於其父。十三歲父由外洋還鄉。建築屋宇。里人王某等出而阻撓。藉詞風水有傷。不許興業。事訴諸官府。君父得直。某老羞成怒。設計爲害。暗澆其族親。助其陰謀。一夜出君不意。綁之而逸。要素巨款作贖金。顧君雖年少。毫無懼色。且能厲聲嚴詞。與之理較。侃侃而談。有旁若無人之概。並隱自致書慰其父母。力主不以金錢買體。後案歸官審斷。終獲釋放。親故咸服其有膽識。如君者可謂年少老成。臨事而不懼者矣。十六歲奉嚴命娶施氏女。才數月便隨父來菲學習商業。不爲閨房之樂。而懈其四方之志也。在鋪中兼司出入。毫厘不苟。夜則延師授英吉利文字。並習土著方言。專心致志。功半效倍。不久即能以所學濟所用。而陶朱計然致富之術。更有所心得。十九歲時父歸里怡養。君受命掌理其業。時公司規模尙未大也。君奮全副精神。與其兄等策劃進取。思執鐵業界之牛耳。又以僑商中擅英文者寥寥若晨星。故君尤得美商之推重。自是直接向美國廠家採辦貨品。入口營業。蒸蒸日上。不數年獲利百餘萬。置地產。建巍樓。今茲黃聯興公司。在鐵業界首屈一指。實君爲之樹其基礎也。君性和易豪爽。無市井鄙吝氣。以負經商幹才。未而立即見推爲總商會董事。

惜天不永年。於民國二年即（西歷一九一三年）與世長辭。得年僅二十九歲。斯誠令人扼腕而悼惜耳。妻施氏撫育三男二女。男名清源。清梁。清橫。女名淑華。源治。男均成室。今已蘭桂滿堂矣。次女先出閣。長女尙在求學業。

## 吳克誠

吳君諱克誠。同治壬申年七月三日生於福建晉江十七八都西吳鄉。父實堂會旅菲經商。有丈夫子六。君居其長。幼受業於



吳克誠先生

塾師。能勤所學。稍長萌遠遊志。十七歲隨父渡菲。半工半讀。卒通曉西文。與外商能交接。時吳家商業規模不甚宏大。君以堅忍卓絕之姿。努力經營。其間備嘗艱苦。大非庸懦者所能勝。其所造就與年俱進。如本埠合茂木廠。棉蘭茗木業公司。新晉江鋸廠。覓沙密鋸廠。暨宿務三寶顏納卯各木行。均君手創之業。規模宏壯。資本雄厚。在木業界鼎鼎之名以立。君爲人沉毅果斷。思想既縝密。任事又具勇往精神。年屆耳順。仍自操勞。不肯伴逸。論者稱爲五十年來僑商場中之一傑出人才。良非虛語。君於成家建業外。復熱心社會公益義舉。歷任中華總商會副會長。東方俱樂部總理。讓德堂總理。木商會會長。善舉公所董事。教育會董事。爲僑衆効勞之偉蹟。以抗爭西文簿記律幸獲勝利一事。最爲國內外人士所稱道。當此案之生也。君與薛敏老爲代表。聯袂赴京師。向當道呼



籲。又共渡美洲。向美總統暨美國會呈（節略）痛陳施行斯律之失當。其爲公奮鬥之精神。令人欽佩。君性樸素。卽對己未嘗肥甘自奉。尤戒侈靡。不取乎紛華。而對於公事教育。則輸資無吝嗇。其倡建讓德堂也。首捐巨款。西吳學校之開辦與校舍之建築。皆有實質上之貢獻。其爲經濟犧牲。指不勝屈。君於業木餘力兼及銀行。投業華興銀行。華僑商報館首任總理。皆君充之。德配氏許善治家政。生二男一女。側室得六男三女。君於中華民國廿年七月廿六日卒於垠江寓次。享壽六十歲。越兩日讓德堂開追悼會。靈柩安葬於華僑義山之麓。送殯者各界領袖名流步行執紼。以表誠敬。而車水馬龍尤極一時之盛云。

## 陳清源

陳君清源。次章國名。籍貫閩省晉江縣新門外斗南鄉。菲律濱有孀堂之發起人。而歷任其總理者也。祖諱買。考諱令。生君時已有五子矣。君資質超越。少有所抱負。不願株守梓里。十八歲浮滄海而渡小呂宋。爲傭爲夥。習工習商。覓食以糊口耳。性勤且儉。力戒浮閒。未嘗飽食終日無所事事。而臥處不求舒。器用不求精。服粗茹苦。恬然安之。弗覺其難堪也。閱十載。殖貨之道。思過半矣。廿八歲初次返國。微有儲蓄因成家焉。後再來垠。任其戚屬楊氏之洽成行總經理。陶朱之術。遂得展布。君思精心細。事必躬親。而體魄大強。所操勞不倦。自是馳騁於商場中。稱爲健者。計所自營之商業。如開張瑞源米行。泉源布莊。聚德源學業公司。又分支店於南島禮智省獨魯萬埠。及架禮迓社等處。後又創設益源米行。投資於瑞成鐵業公司。商務範圍。至爲擴大。其間慘淡經營。歷二三十稔。財之聚者累巨萬。而所散者。亦爲數極鉅。蓋君之志。不在問舍求田。只爲兒孫求溫飽也。且堅持儉德。雖號富翁。自奉仍甚薄。從未口極芻豢。身盡文繡。溺於聲色之娛。而紛華侈靡相矜尚也。君旣擁厚資。負重望。慈善事業。公益義舉。多輸將而任其勞。此間之有孀堂。在僑界各一

姓會中。規模之大。基礎之固。可謂首屈一指。而君實其最熱心之一發起人。組織之後。歷任總理董事。吾僑最老之團體。如善舉公所。商界最重要之機關。如總商會。君歷皆董其事。而桑梓公益。勸助尤力。遂為故鄉輿望之所歸。晚年歸里。曾見推而任泉州華僑聯合會總理。泉州華僑女子公學。亦以君曾作實質上之貢獻。舉為校董。甚有功於社會。誠非淺鮮矣。為人率直而仁厚。不屑以詭隨詐巧之術智。與人角逐於利藪。




陳清源先生

歐戰以後。非地商業情形一變。君為環境所左右。各途營業頓遭挫折。損失不貲。又以年紀將邁。精力已衰。不勝煩劇之勞。於是為善後計。乃將生意收盤。顧債務繁重。左支右絀。當此之時。在備場者流。將頓躓失措。或則味良而卸責。君獨泰然處之。自念男子漢。須挺然生天壤。且毅力肩艱危。故始終抱我不負人之宗旨。清償一切債項。毫忽不苟。識者義之。相顧嘆服。稱為商界失利者之第一大丈夫。君為誠懇長者。信用不僅孚於華僑社會。外商之與交易者。無不欽敬之。君清理所負而後。有西商仰佩其人。品與操行。樂以資財助君重整旗鼓於商戰場中。顧君久歷世務。諳練人情。至茲無意於牟利。倦焉有歸志。乃婉辭謝之。不屑受外人餘惠之叨沫。其磊磊落落不因人熱之氣概。在市塵中。誠不數覯也。德配楊

氏。閨名柳嬌。得七男一女。君卒於民國 年。享壽七十歲。有男孫七人。女孫六。曾孫二。其所僅遺之業。益源米綫公司。現由蔡祖增君及其文孫金杯共掌理。金杯乃君第四兒燦雄之子。忠厚有祖風。恂恂如也。通中西學。尤長於吟咏。所

著詩草幾盈尺。最工寫景。佳句多可誦者。於簿書鞅掌間。能拈韻推敲。以風騷自賞。蓋誠閩中不可多得之詩人也。

## 羅火慶



羅火慶先生


羅火慶先生字鏡輝。粵之興寧縣。督橋保鄉人也。生於前清光緒乙酉歲。（即西歷一八八五年）父諱日誠。業農。卜居於邑之泥坡墟。子六人。先生行三。性聰穎。八歲入鄉塾讀書。過目成誦。以貧故。乃輟學。時其父在墟上設飯店。先生助之。嘗肩豆腐担沿門求售。至今村中父老。猶能道三十年前胼手胝足之豆腐販羅火慶也。年十六與長兄觀龍來小呂宋。其兄出百數十金與友人在坭里刺設廣興昌家具店。先生則傭於美律師某氏家。因不諳語言無工資。圖一飽而已。後助長兄理店務。並學織籐品。晚間從劉杏如先生學英文。旋入埠中某夜學攻西班牙文。十數年英文西文及菲閩方言無不通曉。民國前四年與仲兄在興寧設泰和祥布莊。二年後。歇業。在香港設廣泰昌籐器店。是年回港與楊淑坤女士結婚。時革命黨人咸集香江。先生率其四弟綠波隸會籍。綠波勇敢過人。入會後。即投身革命軍。孫中山委為華僑北伐先鋒隊隊長。未幾殉難廣州。葬於黃花崗。由是先生益痛恨清廷。明年偕新婦再渡小呂宋。與坭里刺華僑組織同盟會。並創辦公理報。嘗被舉為同盟會司庫。奔走籌款。接濟國內同志。先生熱心公益。凡宗旨純正之團體。無不竭力贊助。而各團體亦仰先生為領袖。在坭歷任普智閱書報社董事。聯益

堂司庫。聖公會司庫。廣東會館幹事。中華青年會董事。中華總商會董事。華僑教育會司庫。其見重於社會可想而知矣。先生雖非多財而善賈。歐戰前。其兄在坭營業尙未起色。戰時得先生擘劃。獲利倍蓰。由是致力實業。民國八年與長兄在廣州設興通布廠。其出品在菲島銷流甚廣。後五年。又與同學陳君祖纏。在坭里刺組織綿輝建築公司。資本多由先生籌之。再三載。更與祖纏君合購棉蘭老寶里木木山。並在坭組織寶里木木廠。規模宏敞。有足觀者。先生耐勞苦。有毅力。遇事不苟。待人和藹。而誠懇。友朋同事無不樂與之親。且愛才如命。有志求學者常資助之。生平崇耶教。尙廉節。僑人有舞弊營私者。先生輒唾棄之。民國十四年其五弟見田爲廣東龍川縣知事。先生囑友人作書與之曰：「爲官所以福民。切勿濫收貨財而轉以病民也。」嗚呼舉世滔滔。求一廉潔自持熱心公益者。不可多得。使天假之年。則其造福社會。作人羣軌範。正未可量也。詎料十七年五月初忽得喉症。是月六日竟在菲律賓濱總醫院逝世。年僅四十有四。先生有子三人。女四人。長子華樞。年二十。勤讀書。已能自立。次華柱。三華光。長女素瑤。次素琼。素瑛素琴皆在肄業中。其夫人楊氏賢而淑。教子有方。先生可以瞑目矣。

## 吳澤拐

吳澤拐君。字克洲。閩晉江南門外新西吳鄉人。生於清同治八年五月廿九日。兄弟六人。君序五。十餘歲時。萌浮海遠遊念。從其兄來菲。初習商於合豐木廠公司。勤於所事。曾入西政府公立學校肄業。未幾。以商務繁重。遂輟學。襄助其兄營業。越數年。歸國完婚。娶近鄉瑤林施姓女爲室。時君已二十餘歲矣。越年復南渡。其兄以商業日見發達。卽謀諸昆仲輩。願與以充分資本。使自行開設同途支店。蓋欲去其倚賴性而使有自立之精神也。於是君獨樹一幟。設合春號木廠於勞古實把街。兼承建屋宇。君才識遠大。經驗豐富。銳意經營。蒸蒸日上。得利頗豐。唯當時煙禁未立。習俗移人。竟染阿

芙蓉及鬪雞之癖。營業因以虧損。兄恐其積重難返也。勸其歸國一行。無何。復攜眷南來。不數月。適非人革命。目的在推倒西政府。自建獨立國。斯時也。坭城實一兵匪世界。吾僑生命財產。慘遭毒手者。不可僂指計。君急挈眷回祖國。直至坭中亂事平。始再南渡。重理舊業。經營十餘載。雖歷盡勞勩。未見順利。不得已將全盤生意。轉售於宗親某。摒擋既



吳澤榜先生

畢。立即歸里。蓋此十餘年間。實君最坎坷之時期也。其夫人見君倦鳥知還。深喜之。然觀其體瘦肌黃。知其半由久涉風塵。半由嗜好芙蓉所致。乃勸其速入泉城戒煙局。從事戒除。未及半月。幸償所願。於是加以調養。愛護備至。數月後。體魄漸強。精神煥發。前後判若兩人。越兩年。復南渡。欲展其所懷未竟之志。時年已不惑矣。始暫居六弟澤笏木廠內。幫同包建屋宇。不數年。略有積蓄。會仙未屹街蔡某木廠招人承盤。君即商諸戚友。籌措資本。並邀其姪賓秋君合股承買。君經商凡三十餘年。營業雖略有進退。但信用未嘗稍失。戚族朋友。咸知其爲人可靠。皆樂爲之助。自是建號曰合春。奮發精神。力求整頓。營業漸入佳境。由小而大。更自一而兩。蓋旋復設木廠支店於亞實加撈牙街。號曰合成也。兼營雪茄煙箱廠。機器齊備。規模宏敞。歷年獲利甚豐。顧君儉樸如故。

雖敝衣不整。恬如也。時故鄉軍匪擾亂。地方多故。晉南一帶爲尤甚。君疊接其夫人來信報警。乃設法迎眷渡坭。居四年。民十一。泉屬亂稍平。即攜眷返里。購置產業。建築屋宇。未幾。匪氛復熾。大肆焚掠。所至成墟。一日。君正與家人

早餐。匪徒三四輩突逾垣而入。聲言綁票。幸君聞風先避。否則難保無性命之憂。越日。急束裝趁輪來岷。翌年。僑氓同胞鑒於祖國匪禍之猖獗。提倡組織救鄉會。聯絡海內外閩省同胞。共謀自衛自治之進行。君慨然參與其運動。對於會務。多所贊襄。財力精神時間之犧牲。皆所弗計。蓋先生之關懷桑梓。樂於効勞。純出於自動也。誰料天不假年。竟於民國十五年元月十四日患腸尾炎症。中西醫士診治無效。十七日。入聖洛加醫院。由英醫士施行手術。不幸仍無能為力。至廿日。遂與世長辭。享壽五十三歲。廿一日出殯於義山之麓。執紼者達千人。遺髮妻及子五。親友戚屬。以至救鄉會同人。咸為歎惋不置焉。君對社會義舉。多隨力之所至。以匡助之。曾被舉為木商會董事。第平日喜恬靜。不喜紛拏。秉性然也。其哲嗣舍長男成仍與賓秋君共業合成木廠外。餘在國內大中學修業。

## 曾文榜



曾文榜先生

曾君文榜。閩南安人。僑界名流曾君廷泉之先君也。父人璉。生二子。君其仲也。幼時家頗小康。就塾師修學業。而文事非其所喜。且不欲鬱鬱居鄉曲。至十六歲。便整裝作遠遊計。邑人故多旅菲者。遂亦渡海南來岷江。初依人習商法。晝則理簿書。應接顧客。夜則延師修西班牙文。積日累月。浸有長進。貿易之道。亦殊有心得。若是者五稔。自立而圖進取之志彌堅。旋乃開設鐵器舖於仙彬蘭洛街。君善於交際。廣招徠。營業蒸蒸日上。以擅西語。屢承辦政府公用品。因得結交政界中人

。當是時。華僑社會。少智識份子。君在僑界中。實有數人物。且爲人急公好義。樂拯人於厄。濟人之不贍。有事時。恆以一方之領袖資格。維持大局。性剛毅而忠直。人皆憚而敬之。妻氏周。生兩男。長廷泉鼎鼎之名。卓著於社會矣。次復生。佐兄理商務。長女范莉杏適黃。次茜葩適王。君享壽五十六歲。卒時乃公歷一千九百有一年六月十一日。

### 林爲亨君傳略

顏文初

林君世居晉江縣新門外高山鄉。少孤。賴祖母及母夫人茹辛含苦。育君兄弟三人。長爲覺。次君。季爲銓。十餘歲時。隨乃兄爲林覺君來馬里刺謀生。作小販及勞動生涯。與艱難困苦奮鬥者十餘年。閱歷自此深。智識日以進。未幾。爲覺君建設懋利捲烟廠。亨君與襄其事。迨爲覺君歸里。令君代其職。君思紙烟原料在煙葉先。菲島北部土產。以烟葉爲大宗。歷年多配運歐美中國各處。欲生擴充營業。必握上盤生意。乃集資建設懋源公司。時實在資本。不過萬餘金。憑一己信用與眼光。竭力經營垂十年。公司積資百餘萬。蓋君純以誠待人。故歐美商人。咸樂與交易。辛亥回國。爲覺君已故。家人議析產。君獻公司累年所應得者。除以五萬金作老母贍養費。餘作三股均分。君祇得其一。其篤於友愛之情。不留私積以欺兄弟有如此。且移篤於兄弟之情以交朋友。其持危



扶顛。出自天性。故朋儕中有與商借款及擔保事。無不慨然應許。不謂輓近商場道德墜落。人情鬼蜮。幸抱寧我負人。毋使錢離我之齷齪心理。數年來受朋儕欺騙而賠累者。數達四五十萬金之鉅。設非有雄厚資本。鮮不波連同歸於盡。或勸君對諸負債者。提起法律訴訟。免使昧良者逍遙法外。擁多金以自肥。君則委諸氣運。徒付長歎已耳。當營業盛時。對公益事業。若國內公債。華北賑災。海內外學校及慈善事捐款。罔不首輸鉅金。藉事提倡。故慈善家盛名。震動一時社會。君素勤於任事。無相當休養。年事既多。體魄日衰。晚年又遭愛子夭折之痛。元氣益加削弱。民國十七年養病於鼓浪嶼。厥疾不瘳。竟以不起。享年五十有九。

記者曰。爲覺君行洗禮時。先嚴主其事。俗謂之一拜誼父」。家庭因通家之誼。往來三十餘年矣。予與爲亨君。亦時相過從。「僑界名人傳」記者。欲徵求君生平事實。其公司中經理唐君以予知之獨詳。勉爲此文。純從實際方面着筆也。

## 鄭爵洗

先生諱爵洗。字清源。世居泉州南門外永寧街。廿五年前移居鷺島。昆仲四人先生序三。而伯兄與季弟相繼逝世。家庭重任惟先生與仲兄肩之。先生居恆縷述先世狀況。告諸子曰。汝王父業炳公伶仃孤苦。處蕭條之四壁。寄生命與於犁。年已逾壯始娶汝王母高氏。間嘗泣語汝王母云。我家素窘此次婚事殊草草。不知展眉須俟何日。幸汝王母賢淑。晝助耕耘。夜勤紡織。不厭不倦。有古孟光風。嗣舉四男一女。家累益重。或提攜襁褓。操作相隨。或臥置榻上任其啼哭。計時歸乳之。偶值年荒。一家數口。同作飢鴻。相對歔歔。幾幾乎有鬻兒療飢之想。此景此情。歷歷在目。迄今回首猶爲惘然。汝曹其永識之勿忘。嘗舉自身經歷略示之曰。我本業農。以生計窘迫。舍農就商。棄家南渡。星宮磨蝎。備極諸艱。適逢菲島士民反抗西班牙。華僑損失甚鉅。美兵壓境。多避禍瀕入其中。相助平亂。我爲自衛計。不免廁彼戎行。閱七晝夜。目不




交睫。飽嘗人類未嘗之苦。獲有今日。係從萬死一生中來。事平。竭力經營。業務頗振。蓋交接必本諸道義。信用始得以昭彰。陶計生涯。豈偶然哉。汝曹其凜諸。先生以其父飽嘗辛苦。備知貧瘠之艱。自蔗境回甘。遂喜施與。遂力體其意。別蓄金錢。以濟其仁。且能繼承親志。見義勇爲。常採備良藥。以送給貧病者。受惠之衆。無不德之。前清光緒間。有輪

鄭爵洗先生



船名黃河者。慘遭沉沒。船客無一倖免。尸漂近鄉之海岸。先生時適在鄉。目擊心傷。邀同友人。備棺殮之。費盡財力。不形德色。其樂善好施澤及死者。方諸古人。何多讓焉。原配李氏。女德婦道。里黨中無間言。初育一女。繼育五男。長孔慶。次孔澤。又次孔桂孔琴。孔雀最少。奈天不靳遐齡。棄養時孔雀纔五閱月。呱呱在疚。先生不託人乳養。躬身撫鞠。父而兼母。親舊咸稱道之。其畢生精力半銷磨於客路風塵。燕北雁南。靡有寧歲。而善賈之名遂傳於遐邇。民九春北歸。爲孔琴授室。因岷埠德隆油廠經營伊始。入夏即匆匆復作南行。再歷八年。操勞過度。體益衰弱。而病魔乘之。在岷醫治。無甚見效。爰作歸計。爲幼子授室。並築新居。籍遂向平之願。不幸舊疾轉劇。藥石無靈。竟於己巳三月廿九日考終筆架山下之清源鄭莊正寢。享壽六十有七。當彌留之際。子媳十人。孫男十。孫女六。繞床呼泣。先生諭止而言曰。大數由天。悲無益也。人生在世自有正軌可循。古人嘉言善行。歷久不磨。吾願汝曹奉爲圭臬。遵守勿失。吾今西歸。可無顧慮矣。其豁達有如此者。

### 吳澤炊




吳澤煥先生

吳君名澤煥。字克恭。福建晉江西吳鄉人。兄弟六人。君居二。少時隨叔輩來菲入商場。習居積術得持籌握算之訣。後受知於蔡德淺。蔡君亦晉江人。爲岷里喇之老僑商企業經營遍閩島。中外人士言華僑商家者。莫不識蔡德淺其人。而君實爲所倚畀而生財致富者也。嘗佐蔡君創設木廠。卽任其經理。以忠於其事。待人接物。又平和無忤。廠政遂惟君是賴。營業殊發達。識者皆以蔡君爲知人。平生克勤克儉。未嘗一日浪費其光陰。雖蓄積頗豐。終不肯妄用一文錢。然濟貧救困。則又慷慨不吝。對於教育素極熱心。當西吳學校創設之始實君提倡之力也。故閩里至今尤交口稱道之。君五十一歲時。擁資回國。休養家鄉。以終餘年兼爲桑梓謀幸福。詎意天不假年。一病便羸焉弗能起。臨終猶遺命其子。爲社會造福。享壽五十有四。時民國甲寅年正月也。有六男二女。女已嫁。男均能自立。現任中華總商會董事賓秋君其長子也。最能體念君之遺訓。凡社會公共事業。皆熱心參與。其所任社團名譽職。如善舉公所董事。教育會司庫。讓德堂協理。及木商會會長等。多不勝舉云。

## 鄭尊蜨

鄭君尊蜨。字清華。駐菲中國總領事署法律顧問鄭孔珍先生之嚴君也。原籍福建晉江廿都永寧鄉。旅菲五十餘載。爲僑界




鄭尊 生先 蛙尊 鄭

謀公共福利。成績卓著。曾任善舉公所總理。受祖國政府頒給獎章。褒嘉其行誼。一時中外人士。仰之爲泰斗。然君之能建業成名。固從困苦中來也。父諱業炳。乏家產無所憑藉。力田供生計。然兒女衆多屢空。君在兄弟行。序二。獨孝友過人。每胼手胝足。佐父耕耘。而性好學。恆乘隙展卷。研摩生財之道。偶以范少伯三徙自期許。壯歲南遊菲島。初供職南甘馬鄰省。便露頭角。繼遷垠埠。銳意進取。忍苦耐勞。爲常人所不及。終以善居積而成家業。先自立商號一家。後尚有合資經營之數家。由君總其大成。生平具豪爽之氣概。顧國難而樂於輸將。拯人危則急於濟施。大有卜式納粟晏嬰分祿之遺風焉。君於民國十八年五月壽終垠寓正寢。以有勞績於華僑社會。葬於華僑義山繼起功壽域。春秋正值古稀。聞者俱惆悵天之不憖遺一老也。元配謝夫人有聲里郈間。先君廿五年而卒。得三男。孔樵。孔珍。孔煙。繼室妻女畛咩叻氏。亦先君十一年而逝。生孔明。孔習。如夫人曾氏。得男孔接。孔基。均友恭能自立。蜚聲於社會。而僑界名律師孔珍君。則其卓爾不羣者也。惟孔煙卒於日本西京學院。孔明卒於意大利羅馬大學。則殊令人扼腕而悼惜耳。君去世之日。駐菲中國總領事鄭君煦堃。欽其德望。挽之以詩云「天以後樂報先憂。桂馥蘭馨環座周。古稀一屆不少留。哀榮消息播南洲。垠江之原奠厥幽。何必泥古正首邱。令威化鶴魂自由。千秋萬歲看松楸。」亦云哀矣。

蔡咸堉

蔡君諱咸垸。字咸增。號宏業。蓋宋端明之遠裔也。祖諱祖龍。父諱廉齋。世居福建晉江城南梧林鄉。皆以仁厚稱於里閭者。君爲冢子。自幼失恃。父又旅居菲島。乃寄食於六叔母家。以樵蘇佐其家計。寒暑無間焉。年十二。思親慕切。便隨里中人南渡。時廉齋君已在坵埠仙道其厘街營笠傘之業。其所顏之商號即今日馳名遐邇之三合興也。君雖年幼未受學業。然無童騷氣。洒掃應對。維勤維謹。且能助理店務。供使令奔走。殊稱父意。稍長善順機應變。平日常交禮接。尤重信義。於是近悅遠來。爲商場老練之輩所嘆服。弱冠。父覺力衰。不耐煩劇。遂返鄉養老。將全盤業務付託君經營。時資本尙微薄。規模亦狹小也。君致力擴充。盡持籌握算之能事。其生意與年俱進。貨殖而譽溢。及壯歲。居然殷商矣。然其勤與儉。則與寒微時無以異。迨年逾知命。擁資益厚。廣置產業於各地。建築屋宇於家園。計所投資以營業者。如益華晉和興兩公司與中南中興華興三銀行爲數頗鉅。且歷任各公司銀行之董事。聲望益隆。顧其質樸如故。粗衣淡食。曾不稍易其素。惟於公益善舉。愛國義捐。則弗吝焉。辛亥之際。題愛國捐千元。民國元年。財政部給以六等愛國獎章。討袁之役。革命鉅子來菲募軍餉。君亦輸鉅款。四年又得政府五等獎章。其間孫總理亦頒給有功獎章。其明大義也如此。又如塔江忠烈公祠。與泉城文莊公祠之重修。藉以恢復先賢遺蹟。君皆解囊以贊厥成。餘如築橋修路。賑濟災黎。補助學校諸義舉。皆多所貢獻。其樂善也誠不居人後矣。濟陽公所爲旅菲蔡姓族人所組設者。君以物望所歸。歷屆見推爲董事或司庫。夫人吳氏。得子六。女三。長子順意。次文輝。均能克承父業。



業於各地。建築屋宇於家園。計所投資以營業者。如益華晉和興兩公司與中南中興華興三銀行爲數頗鉅。且歷任各公司銀行之董事。聲望益隆。顧其質樸如故。粗衣淡食。曾不稍易其素。惟於公益善舉。愛國義捐。則弗吝焉。辛亥之際。題愛國捐千元。民國元年。財政部給以六等愛國獎章。討袁之役。革命鉅子來菲募軍餉。君亦輸鉅款。四年又得政府五等獎章。其間孫總理亦頒給有功獎章。其明大義也如此。又如塔江忠烈公祠。與泉城文莊公祠之重修。藉以恢復先賢遺蹟。君皆解囊以贊厥成。餘如築橋修路。賑濟災黎。補助學校諸義舉。皆多所貢獻。其樂善也誠不居人後矣。濟陽公所爲旅菲蔡姓族人所組設者。君以物望所歸。歷屆見推爲董事或司庫。夫人吳氏。得子六。女三。長子順意。次文輝。均能克承父業。

現爲本行經理。三水月。四金珠。五路亭。六通志。三子早殤。餘皆諳商法。足以自立。長女淑女。適楊氏。次女秀安。適顏氏。三女清治未字。男女孫甚多。不備列。君卒於民國十八年。享壽五十有八歲。

## 李郎喝

李君郎喝。字子煥。號達三。岷江僑界堪稱鐵業第一家之黃聯興公司副經理也。原籍福建晉江廿都永寧鄉。父諱舍接。雖乏長才。而事田農拙業。尙能安貧守己。生六子。君居其次。智巧獨出羣。幼受業於村學究之家。至十二歲。迫於家計而輟學。然亦不滿意於舞文弄墨之生涯也。蓋君雖爲窶人子。而自身抱負頗不凡。以遠適異國爲快意事。無何。子身渡岷。

李郎喝先生

依姊夫黃永摺。在其鐵業舖中。任雜務。筋力所及。罔辭其勞。既而深知欲徵逐於此間爭利之場。非諳西人語言文字。必不免落於人後乃勤自學習化文。化文者華僑以稱西班牙文字者也。以資質聰穎。進境良速。二十一歲。歸國成婚禮。翌年。返菲。仍舊職輔佐其姊夫。治理商務。忠於所事。益加策勵。且誠一精勤。歷久而不懈。公司之營業。遂駸駸進展。因深得信任。升居要職。其所獲酬金。亦與年俱增。公司資本無慮數百萬。分部經營。各有主任。君爲副經理。兼掌簿記。得參其機要。於貨殖之道。每別出心裁。人爭取賤買君獨取貴善焉。晚年建巨廈於故里。置恆產於岷中。爲親故所豔羨。君不特長於經商亦善於齊家。教育



女子。匡掖姪輩。皆足令人矜式之。妻蔡氏。得三男一女。長男毓秀以商業治生。次男旋迎。三男玉振現在中興銀行任簿記。女適施氏與次男均不永年。君與友于情篤。厚愛其姪。以病時。分重資畀之。俾有所憑藉。今亦黃聯興公司之股東矣。談者皆美君重古道。不私其子。非今世薄俗之所及云。君爲人剛正。而誠懇。與人交接。不阿其私。其重然諾也。尤有古人風概。於民國十九年十一月二十二日逝世。享壽六十有四歲。

## 蔡支籍

君姓蔡。諱支籍。原籍福建晉江塘東鄉。此邦濟陽公所之老董事也。幼以穎異傳戚郇間。勝衣受業於村學究。以雙目炯炯有光。師常語其父曰。此子他日必出人頭地也。君亦每以之而自許。然家非小康。非輟業以治生不可。閩南人多出洋經營者。於是拋鄉井亦隨人渡菲。時年方二十有二也。初憑



蔡支籍先生

不律以餬口。惟丁西班牙統治時代。廁身商場者。藉資仍無多。君銳意求上進。極勤至儉。珠儲而黍蓄。閱一歲有奇。積薪金二百餘元。乃自開張勝泰小米店。因資本不裕。恆拮据萬狀。然着力撐持弗辭勞動。凡店中賤役無不躬自任之。而與人交接。堅抱巧僞不如拙誠之旨。故社會上咸以忠厚篤實。目下信用於焉以著。自是漸得大商家之提攜。雖非多財而居然善賈矣。二三載之間。獲利不貲。年廿六。旋里完娶婦

王氏。稱賢淑。君固篤伉儷者。顧不以兒女深情弛其致遠之前程也。無何。重渡坭江擴充營業。自置碾米機於甲馬那端及瓦瓦社。聲譽遂益隆。旋又與埠中巨賈。組設炳華泰米業公司。於山扶西社。置米廠。君被舉爲總經理。其財力從而日增雄厚矣。君之識見與懷抱。迥異於市井之庸流。於經商之餘。多參與社會公共事業。濟陽公所乃蔡姓之家族自治會也。君任其董事者十餘年。物質精神兩有犧牲。充米商會職員。亦不下十載也。故鄉教育尤提倡不遺餘力。如錦東學校既發起於前。復樂輸五千金之巨款。以善其後。且身任總理。多方擘劃。以維持之。五六年無以異也。泉園汽車路。君亦創辦人之。認股頗多。以爲之倡。終克底於成。其粉鄉背面海。具有天然之碼頭。君鑒鄉中勞動者多僅業農。生計良艱。因出而倡組川走廈門之輪公司。使交通便利。復能惠及平民之生計。至於今鄉之人。猶稱頌之。性慷慨疏財。故舊朋友以及有志青年受其濟助者。尤指不勝屈。今君五十七歲矣。雖身材瘦削。然猶精神奕奕。絕無老邁氣。每謂友人曰。予自少年經營事業。規模已粗具。今長子聯灝。可繼予志矣。乘將耳順之年。言旋梓里。優遊歲月。然亦欲竭其餘力。謀故鄉公益也。詎知天不假年。去春在廈。偶染寒疾。因眷屬均居坭。遂帶病南渡。竟以之不起。而壽終於旅寓。惜哉君有六子聯灝。通補學。克紹箕裘。無少年浮躁氣。習舉父之遺業。一肩任之。次男聯純。佐兄司財政。毫忽不苟。亦令子也。餘聯科。聯枕。聯慶。聯才。俱修業於中外之學校。壘篋並奏。雍雍克諧。知者咸曰蔡君可謂有子矣。

## 吳實堂

吳君諱元汐。字實堂。生長於福建晉江棲梧鄉。坭中僑界巨商克誠君之令先君也。父諱士引。君在兄弟行序三。幼時曾受業於里塾。聰敏好學。良得師歡。但未久。便以窘於家計而輟業。從事耕稼。以資餬口。然不願鬱鬱居田間。十六歲。乃乘帆船破浪南遊。初抵菲。以苦工覓食。有餘晷則勤習西文土語。如是者數稔。頗能貫通之。於是漸得任要職。而耐勞樸




吳實堂先生

儉。爲其本色。粒積至而立之年始挾資歸國。聘同邑大崙鄉蔡踏之長女爲室。聞名淑慎。稱其德性也。明年。君復渡坭。自以持籌握算之術。足爲自樹一幟。所乏者資本耳。而信用素昭。能得多助。因鼓其勇氣。創設合發木業於本埠彥那撈街。自是注其精力。奮鬪於商場。卒能立鴻業之基礎。以貽其哲嗣。君性爽直而和易。有長者氣象。方是時。社會少團體之組織。公益事業。亦不若今日之盛。然君以聲望所在。於社會上有利僑胞之事。輒隨勞之所至。任勞以贊襄之。稽君生平。得內助之力良多。蓋其夫人體強健而性慈祥。事無大小。必躬自操作。待人接物。尤令人欽敬。平日好施舍。遇貧苦之告貸。輒解囊付與。不吝惜。昔居故里。事翁姑以孝。睦妯娌以和。相夫訓子。辛苦備嘗。箕帚之間。不聞詬誶。其閭範早昭於里閭戚鄰也。惟至惡懶惰不事生產者。子孫後輩或遊手好閒苟且偷安。則責備不稍寬貸。不姑息不溺愛。其心理超越乎尋常婦女之上。可謂賢母矣。民國六年。以內地匪氛日熾。隨兒曹來菲。現年八十有六。精神矍鑠。蓋僑界第一高壽之女流也。生五男二女。男克城克裕克籃克仁克榮。稱社會名流者強半。長女適施。次早世。君側室氏陳。生一男二女。君於某年。與世長辭。享壽

歲。

## 吳澤富






君姓吳氏。諱澤富。字克裕。生於福建十七八都西吳鄉。於中華民國十五年。亦公元一九二六年廢歷二月十四日。卒於岷江旅寓。享年五十三歲。君父實堂。僑菲營木業。家計頗裕。君童年在里塾受學業。敏勤循規。師頗稱許之。而其父以治生道。農不如工。工不如商。且以故里無從學。暨行文字。遂挈之來菲。就閩閩中習貨殖之術。並令於工餘從師修西文。學土語。時君方十二齡也。然能專心致志。與一暴十寒者。弗可同日語焉。歷數載。學識與歲時俱進。足爲其父之臂助。年十七。奉父命回國娶妻。翌年返菲。卽注全副精神於木業之經營。雖艱苦備嘗。不餒不懈。未幾其父逝世。君乃與昆季協力奮鬪。力爭上流。旣而進寸進尺。建築之業。亦臻隆盛。久之。聲望益著。居木業界中。頗佔優越地位矣。君持躬純正。處事穩健。故所經殊少挫折。雖自己未受高深教育。然素注重學問。其眼光之巨。亦有過人者。曾不惜

巨資。培育兒童。曾送其長男綿果君留學美洲。卒得醫學博士之學位以歸。君於知命之年榮旋。親戚里鄰爲之稱觴介壽。嘉賓麇集。濟濟一堂。頗極一時之盛。不數月復南渡。於公歷一九二五年。則自建木行於宿務大埠。方期展布長才。以聘其志。詎天不永年。經週歲便與世長辭矣。惜哉。幸次男仲華。曾肄業於上海聖約翰大學。三男淑華亦曾修業於香港聖約瑟書院。均能承父志掌理行務。其夫人氏蔡閨名時。稱賢德淑。得四男一女。其季子少華現在鼓浪嶼英華書院讀書。女名

丹蘭適許氏。素嫻閩訓。以淑德見稱。

## 李正坎

君氏李。諱正坎。字拔鱗。號杏邨。福建晉江永甯鄉人。岷埠萬安堂之主人。晉江梅林學校及永寧競新女學之董事也。父




學川。家貧。無力使君修學業。鄉人出洋者多。君年二十三亦趁舟南渡。初爲餬口計耳。先在岷中德安堂藥鋪爲夥計。以勤於所事。爲東主所器重。君益自奮勉。細心研究。凡參朮苓蒼種切藥材之品性。皆悉心以窮考之。逾二年。東主以其能。遂任爲經理。委鋪務於君。聽所取材。越歲。君歸里聘陳氏爲室。僅留四十日。卽買棹南來。恐誤店事也。其認真職守。不肯負人有如此者。又一載。元配以病逝世。君又返國續絃。繼室郭氏。越四月回岷仍任舊職。四歲而後。積有餘資。足以自樹商幟。乃於公元一九〇三年開張萬安堂藥房於仙道其里街。廣羅國內各省地道藥材。以應僑界之需求數載之間譽彰海嶠。迄今在藥業界中幾乎首屈一指矣。君貌不揚。望之者不能信其爲醇愿人也。而純樸儉約之天性殊良可取。且好行善事還鄉里。往往備藥物贈送貧苦者。己雖失學。每以教育爲重。與一般頑固之資本家自己目不識了。可

擁厚產。遂以生財不在學問爲口頭禪者不相類也。故鄉中梅林學校與永寧競新女學校君皆輸資以贊厥成。被推爲董事。古語云。以貌取人。失之子羽。知君者多以爲然。君於民國四年旋里爲長子流棟完娶。並建大廈。里巷卽已豔羨之。君得三男三女。次男流芳三男金鑾俱長成。三女亦皆出嫁。君卒於民國十八年古歷七月四日未時距生於前清同治丁卯年十一月十一日亥時享壽六十三歲云。

### 吳綿果

醫學博士吳君綿果。菲律濱僑界留學美洲之醫士第一人也。君原籍福建十七都西吳鄉。父諱澤富。爲旅菲華僑木商之先輩。有四子。君其長也。幼敏慧。就故里塾師讀儒書數載。思想操行便與羣兒異。十一歲應父命渡菲。未久。眼界浸廣。知嚮時呬唔咕哩之所學者。於外邦不盡適所用。乃轉赴香江修業於聖約翰書院。中學畢業後。蟹行文字有根柢矣。遂復來坭。時隱抱活人以濟世之志。願進菲律濱大學治醫科。歷兩載。以是校醫學系。尙乏名師。設備亦未盡完美。卽負笈越太平洋而至美洲。入芝加哥大學校續修醫學。公元一九一六年。卽中華民國紀元後五年。畢業。得醫學士學位。然尤以爲未窮其措置也。更注精會神以研究之。越年。又得醫學博士學位。繼循醫科學生習例。就該校之醫院



實習醫道一年。以所學試諸診視。藉富其經驗。並任全美醫學聯合會職員。聲譽遂漸著於醫學界。民國八年。自美返菲。遵例應政府衛生處醫生考試。名列前茅。得行醫執照。自是設館於坵埠樹日街。懸壺爲社會服務。並任崇仁醫院副院長。尤以擅長割割之手術。兼爲手術部之主任。君在僑界爲留學美國西醫士第一人。故醫名顯著之速。迥異乎尋常。且君不僅醫術精深得人稱美。而醫德高尚。心仁而貌溫。尤足使病家欽慕也。貧苦僑胞之罹疾者。每爲之診治。而不受酬金。是以感其惠者。多嘖嘖逢人說項。謂君若老於醫界。必口碑載道而無疑云。性沉靜。務實事求是。不好以巧言虛辭。與人週旋。以博其喜悅。於公益事業。隨量贊助。而不汲汲於浮名。夫人蔡氏。孀於君方十三稔得三男五女矣。一男二女。達學齡者。已進僑校肄業。餘尙在髻亂襁褓中。君之年逾不感才一載。正壯歲也。不幸爲二豎所侵。卒以不起。死之日乃公元一九三一年。亦中華民國二十年。十一月廿六日。越三日靈柩安葬於華僑之義山。僑界人士執紼送殯者甚多。知者無不爲之嘆息弗置云。

## 許志巧先生傳略

顏文初

君生晉江南門外。山脚鄉。族稱石龜。少孤貧。爲人牧牛。母傭鄰鄉。除夕無以度歲。母子依僱主過年。稍長。族中人攜其來馬里刺。經過若干年困頓勞苦生涯。運用其忍耐勞苦精神。始達到成功美滿境域。當西領時。凡政府機關日常需用物品。皆可由一家包攬供給。俗謂之「交庫」。君對政界首領。善與交遊。故一時政府機關用品。多爲其供給。又經營大規模雪茄烟廠。配運南洋星洲各埠。君因少時貧苦。對人極謙卑。遇親朋戚屬告貸。施與無吝色。凡新客未得相當職業。苟有人介紹。寄食其店中。不使與彈鋏歸來之歎。其母夫人從貧困中來。深悉此中苦况。晚年力事佈施。附近鄉鄰受其惠者。至今猶稱道弗輟。君事母孝。送終之日。糜金錢數萬。爲全邑空前盛况。晚年因某夥友與讐家結合。謀傾君。君不知早

爲預防。致藉債案。由檢察出令拘捕。全埠名望商人咸不平。以君忠厚素著。不應受此恥辱。乃聯合爲其後盾。該案始得


昭雪。然君自此憂鬱成疾。未幾在坭窩逝世。時年祇六十餘。公有

丈夫子四。其仲嗣許春苑君。在坭埠業醫。亦名震一時云。

紀者曰許君與先嚴爲摯交。其母夫人名許刺姆。予幼時過其家見之。充滿慈祥惻愷氣象。記憶所及。書此藉表揚先德。然不足以盡君也。春苑先生兄弟殂謝已盡。深望君之孫曾輩。再振家聲。爲符爲善必昌定律也。

### 吳達成

吳達成先



吳君達成。字貽善。福建晉江霞里鄉人。少家貧。簞瓢屢空。四壁蕭然。無以爲生。君天資聰敏。遇此窘况。能不自餒而自棄。遂奮志出洋以謀活計。渡坭時方十六歲。當斐島尙屬西班牙政府管轄。法律苛戾。專制異常。華工入境無所保障。君依人作嫁。聊資餬口。

初爲華店小工。曾受虐待。然處弱者地位。無可如何。後以粒積微資。與菲商合夥作負販生意。披星戴月。沐雨櫛風。受盡異域奔波之苦。而勤儉誠實。出於性成。耐勞守分。以逐什一之利。至廿九歲始得囊餘之款。歸里結婚。完娶後。不久即拋室家之樂。重渡坭江。以經以營。賴往時信用可靠。分文不苟。乃有什貨店之開張。規模雖小。而盈利稍豐。至三十餘歲。營業益漸發展。在市井中頗佔位置。然克勤克儉。不亞於寒微之日也。及四十二歲。暫將生理交親戚代理。蓋已

能攜資歸國。建業置產矣。數載後歐戰發生。物價騰貴。財源猛進。其所手創之洲仔岸源發號。珠細理商店。頓成本途有數之鋪戶。自是聲望著於僑界。曾爲聯絡本途各商計。提議組織聯合和珠細里商會。一倡百和。卒底於成。君歷任會之總理。不幸於前年一病逝世。享壽六十有二歲。君平生不苟言笑。樂善好施。舍濟困扶危以及公益事業。都肯贊助。在其故鄉亦多所建樹。里人咸德之。生子六女二。長女已出閣。長次子亦均結婚。其幼者則在學校肄業。夫人 氏現在故鄉休養。君在日嘗爲中華總商會董事。讓德堂總理。其爲商界所推許。宗族所敬重。蓋可不言而喻矣。


## 顏良瞞先生傳略

君諱良瞞。閩晉江南門外鈔坑鄉人。先世業農。父六十四歲生君。九歲而孤。兩兄出洋謀生。俱不得志。魚雁時杳。依母爲活。十五六歲時。卽肩挑背負以贍家。時地方多故。生計壓逼。與年俱進。鄉中有浪子某。素貧無立錫地。冒險來菲島。奮鬪廿餘年。竟稍發迹。君知久困田園。涸鮒莫蘇。然以家貧母老。不忍絕裾遽去。如是者挨延又數年。終逼於家計。遂惘惘南來。時年廿六歲矣。處此南荒災服中。藉傭工以餬口。然對商業則潛心研究。本其天然智能。勒其職守。不三四年間。由傭工升任經理。三十二歲。回家娶前室施。老母健存。猶及含飴弄孫。尋再來岷。適近族中某病革。以商店相委託。義不容辭。卽合組所謂「源美」一出口班。未幾噩耗傳來。母妻相繼殞謝。三十六歲娶繼室蔡。從此行務日益發達。經營土產若米糖海參等。糖海參直接配運上海。由上海配運入口者。有金器麵粉等物。在五十餘年前。交通未便。南僑多無遠大眼光。常親到香港上海等處考察商務。僑界中先進。若陳謙善。蔡德淺。許志巧諸君驚爲商界奇才。皆與折節論交。在西領時代。對華僑行甲必丹制度。三年一任。由諸名望商界公舉。總督加以任命。羣因君正直。豫選爲甲必丹。終以家鄉族弱姓小。恐叢怨毒。力辭而止。君早年貧困。故鄉住宅。幾類甕牖繩樞。狹隘太甚。至是生齒漸繁。謀建新居。藉

蔽風雨。然爲商務所羈。不獲躬理其事。託鄉中強有力者代理之。時南洋歸客。惹人注目。胥吏藉稅契催科等事。任意敲詐。理其事者。抱禍慘功大目的。益擴大風潮。訟事乃延長三四年而不息。在滿清末造。晉江各區櫃書。（城廂。青陽。石獅。安海。河市五區。稱爲五櫃。櫃書卽代表知縣催收錢糧）。具有破家知縣之魄力。以平民敢與櫃書抗。實屬創見。君外勞形商務。內擔憂官司。百感交集。因勞成疾。不得已回家休養。繼室蔡孀人躬任看護。十四個月中。幾無一夜帖席安眠。詎料病入膏肓。藥石無靈。享壽祇四十七歲。遺孤三。長僅十四齡。公所經營源美出入口班。係與親族中聯合。在生時營業鼎盛。積股本十餘萬。蔡孀人以夫亡子幼。將來商業盈虧難預定。力主抽回股金。除被親族戚友侵蝕外。所餘祇近二萬圓。蔡孀人廿餘年來治家教子。皆恃此款爲挹注。常君馳譽商場。甚以微時孤貧。不得讀書爲憾。又因飽經官司。懼衙門胥吏若蛇蝎。深願後進得身列士林。或免受貪污魚肉。君逝世後。蔡孀人繼其志。培育第三哲嗣文初君。使勵志讀書。并時勗以毋負君生前所期望云。

## 黃振明

君黃姓。諱文明。字振明。號容卿。福建永春卿園鄉人。卽鄉中文明學校之先校主也。祖宣悻。業農。以勤樸稱。父焉慶。少攻儒書。長而投筆。經商於菲律賓。娶鄭氏。以光緒乙酉年九月十四日。生君於珂里江夏四房祖宇。君居長。幼岐嶷。穎悟異常。勝衣入蒙塾。勤敏冠兒曹。稍長。學業精進。英俊之氣睒然。同學恆倚爲表率。乙巳十一月。其父由菲返國。道經香港。不幸病沒旅次。時君方逾弱冠。猶從師修業。得噩耗。哀慟不勝。卽奔赴香江。扶父棺回鄉。遵禮葬之。由是君不得已舍傭舍。耕繼父志。越年渡菲。赴怡江。經營先人遺業。海縣僑界閭閻中。素乏有學問者。君自幼受教育。智珠在握。益以勤謹自勵。常一人而兼數職。同業皆遜其精敏。未幾何時。端木貨殖之道。游刃有餘。是以業日隆而家日康。



黃振明先生

也。民國紀元。君旅梓。鼎建成德堂於粉鄉。美輪美奐。堂構煥然。洵永屬有名之華宇也。七年。地方政變。此攻彼伐。頻在槍林彈雨中。君鑒時局多艱。乃挈眷僑居菲島。時家僅中產耳。然性樂善好施。見義勇爲。遇有閩粵僑胞失業無依者。輒慨然傾助還鄉。且分別贈資。少壯者數十元。老病者或多至數百元。恩惠溥被。爲兩省人士所盛稱。君自重渡後。尤專心致志。努力於商業。先後分開支行於坵里喇廈門等埠。酌劑盈虛。算無遺策。生財之道益廣。而對教育及慈善事業。亦益積極進行。如怡埠中西學校。暨國內教育機關。疊次向募。無不解囊樂助。又如賑孤恤寡。濟困扶傾。病施醫藥。死賻棺殮。貧窮者爲謀生計。無後者爲立嗣續。其急公好義。出自天性。迥非瞻徇勉強貪慕浮名者。所可倫比也。九年。歐戰告終。商務發達。一日千里。蓋君又營糖業。適糖價飛騰。遂獲奇贏。立致巨富。陶朱猗頓之名。於是益震。儼然操商場之管鑰矣。歷任怡明中華商會董事。善譽者以君料事多中。焱厲勇往。且號之爲商戰場中之飛將軍。然君善聚而善散。公益之志彌堅。關懷桑梓。教育之心亦彌切。居恆坐念國事方艱。政潮黑暗。雖不克抒奇業。建偉功。直接以紓國難。卽興學以造就才俊。亦所以間接救國也。於是樹人之計。爲其終身之職志。嘗云。學校之教。可以化野爲文。化昏爲明。吾當於鄉中設立文明學校。爲後生少年謀教育之普及。蓋深痛夫吾國末俗之澆漓。人皆狃於私利。隱謂彼硜硜守財者。錙銖磨戛。而無補於世。雖富亦奚以爲。故能



移其克家之思想。進而爲救國之計。蓋君屢董怡江中華商業學校事。其熱心於教育者久矣。十一年。開張文明公司於怡江。將以其業爲文明學校之基金及建築費。其計劃至善且深。爲菲島僑界所絕無而僅有者。惟因積勞過度。病暴發而入沉疴。中外妙手。醫藥罔效。迨民國十二年古歷十二月十七日。溘然長逝。享年僅三十有九。嗚呼惜哉。在病榻一息奄奄之際。尙立遺書。勉三弟振誠。繼其遺志。尅期開辦文明學校。舉凡公益事業。均當量力贊助。如君之德之才之量。使天假之年。其濟人利世之偉績。正不知如何建樹也。時振誠回廈。故未舉葬事。越年二月。君之靈柩。安窆於怡朗華僑義山。送殯者中外士女數千人。或舉奠。或執紼。或輓輓軸花圈。又有中西樂隊數十陣。行列絡繹。達若干里。令人於嗟悼中。而生豔羨。前三載。欽仰君者。爲君徵詩文。印行君逝世五週年紀念刊。海內外達官名流文人騷客題詠者。琳瑯滿目。累成一冊。可謂生榮而死哀。身雖沒而名不朽矣。君有兩弟。仲振裕。早世。婦青年守節。君篤友于。能推孔懷之誼待之。敬禮有加。視諸姪如己子。愛護備至。其家業爲君所手成。析產時。不分畛域。無厚薄於其間。誠難能而可貴者也。季振誠。亦賢而多才。克承兄志。且善守成。今其梓里菁莪之盛。談者未嘗不稱道之。美爲難弟。夫人陳氏。生四子。長燦雲。次茂建。又次少聰璇璣。女二。瓊珠寶環。均成人。以君生平之積德。其後嗣必能光前裕後。無疑也。

## 黃馬元

黃馬元先生。以字行。生於福建思明禾山祥培鄉。年十三。乘帆船渡菲。時在遜清道咸年間。華菲交迫。尙無汽船航行也。初到菲時。爲人司灑掃。任炊爨。蓋此爲西班牙時代華僑新客到菲必經之歷程。而努力奮鬪。勤儉耐苦。言信行果。卒至擁巨資。爲宿務華僑三雙半襪之一。(西班牙時代華僑非富資財有聲望者不敢穿襪爾時宿務華僑商店近百家有穿襪資格者只三人有半半云者時穿時不穿也)亦足以自豪矣。先生少蒞菲。故操「未賽亞」語及西班牙語甚嫻熟。與西班牙軍政界

## 陳允全



黃馬元先生

人員過從甚密。其婿任宿務省長八年。華僑被居留政府虐待者。皆賴先生爲之交涉。處西班牙專制時代之我僑。不爲其所魚肉者。先生有力焉。光緒年間。任名譽領事職。爲宿務中國領事之第一人。民國時亦繼續任職。凡二十餘年。以領事終其身。宿務土人革命時代。曾爲軍輸官。被西政府逮捕。禁古城中。因與一西班牙上級軍官友善。得其營救。遂免於難。先生讀書雖不多。而明理識大體。對公益事。輒爲首倡。於學校尤致意焉。宿務中華學校將建築時。所擇地點。以先生之業居大半。則向董事長言曰。予近雖商業停頓。經濟窮困。苟爲校舍建築。地價可由董事會酌定。予不較低昂也。其慷慨率類此。民國十四年十一月卒。享壽八十齡。兼善公所特贈義山後一中央墳地以葬之。旌其有功德於僑民也。

先生陳姓諱大科。字允全。以字行。福建思明縣人。其先居北溪。徙廈門嘉禾里雙福鄉。迄今始三世也。父諱天俊。業商。子五人。沒時。先生甫十有二歲。三兄皆客菲。獨承父業。養母撫幼弟以孝友稱。年十六。復丁內艱。兄召之赴斐。僑武教。習商。忠厥職。宿務黃君都。任以經理。因館甥焉。後自樹立。嶄然成巨商。宿務在二十年前。地未盡闢。我僑商




陳允全先生

千百。散漫無團體。恆魚肉於斐人。先生起而組織中華會所。崇華醫院。置墳山。倡辦中華學校。華僑生以聚。病以療。死以瘞。幼以教。咸先生力。比年築建校舍。倡立商會。皆賴經始。而不及見其成。亦恨事也。民國以來勞績聞於政府當道。是後受二等金色嘉祥章。及大總統「興學可嘉」獎額。而未嘗出以誇人。曰「服務社會天職也」。人以是益重先生。若華人與斐人。有所爭執。每決於先生。卒得其平。歲庚戌。宿務僑能安處乎」。其見大。類如此。先生生於光緒乙亥四月廿七日。卒於民國壬戌年十二月二十九日。壽四十有八。天不假年。使其事業僅止此。惜哉。華僑企仰其德望。醜資公葬之墳山亭中。葬之日。送者數千人。市輟業半日以志悼。皆異數也。

### 吳文鮫

吳君諱文鮫。宿務協珍行之創業主人翁。亦即宿埠現任中華名譽領事吳天爲君之先君子也。以公元一八五九年生於福建晉江十九都之坑東鄉。以一九二二年卒於原籍。享壽六十三歲。君之尊人名益殼。生三男。君居長。幼時以家貧。至十一歲始發其蒙故里中之私塾。顧歷年餘。卽輟學。而胼胝於畝畝之間。時其父餬口於菲島。君年十五。慕洋客之生涯。覺株守田園。無出人頭地之日也。乃隨父南來。初抵宿務。依人爲店夥。以耐勞忍苦見稱。歲序三更。薄有囊積矣。乃作肩挑



吳文洵先生

教育。三男章安。卒業商科於上海大學。現佐其兄掌理商務。女名理紗。適施氏。君鄉居十一年。壽終正寢時中華民國紀元十年也。故舊親戚。無不至深惋悼云。

## 黃瑞坤

君姓黃諱瑞坤。字與號無有也。原籍福建思明縣禾山薛厝社。父玉衡。多男子。君第六。其最幼者。髫齡讀書於村塾。在

小販。繼則開張一小什貨店。爲獨立之基礎。而辛苦經營。勤儉之本色如故也。雖所獲僅蠅頭微利。然少取多來。久之。盈餘頗厚。遂設法使其弟來菲。藉資臂助。無何。自整歸鞭。因授室焉。翌年返宿。合手足之精力。聘商賈之長策。恢張其業。成出入口莊。兼收買土產。賤入貴出。財源廣進。至一九零八年。爲便利販運計。自置輪船。今日號稱因仕叻航業公司者。蓋起點乎是也。未幾財力益雄。產業益增。儼然宿埠商界中之翹楚矣。君以聲望素孚。馳名島域。其時華僑社會。無甚組織。僅有之公共事業。如建醫院設義山諸善舉。君皆輸將以贊厥成。故益爲邦人士所欽仰。見推爲中華公所之董事。君旅外至五十二歲。以次郎天爲君有才幹。克承其志守其業。乃返故園怡養。以娛晚景。時正辛亥革命之年也。德配李氏。得三男一女。長男章蔚。曾受相當

乳臭中。如鶴立雞羣。顧終不喜弄翰墨。十六歲。遂與其兄媽超買舟南渡。先在棉三米示省。張三台店內爲夥。有餘晷。則延師教西班牙文字。兼習土語。蓋知欲利海外市場。非能與外人相交接周旋不可也。故愛惜寸陰。勤於所學。絕不肯浪蕩時光。荏苒數年。語文俱通曉。而貿易之道。亦稍有經驗。乃來宿務佐其兄理米舖。時營業規模。尙未大也。而徵貴求賤。大有可爲之機。於是張羅資本。擴而充之。是邦土著。狃地利之饒食。皆窳不知積累。君與兄聘爭時之長策。收買土產。用廉賈術。恆獲奇羨。又採辦申江香港貨品。推銷於遐邇。以粵產較夥。埠中稱爲廣東幫。卽販港貨之入口莊也。其

黃 瑞 坤 先 生




行號曰金順昌。自是生意發展。馳譽日廣。不久。在宿務僑界中

。幾乎首屈一指矣。君西名 Juanin Castro 以信用昭著於外人。推爲商界巨子。前清末葉。君回國。曾投資開辦粵漢新寧鐵路。旋被舉爲新寧路董事。蓋君深知交通事業。爲興國之要素也。君在故鄉。殊留意地方公益。禾山自治會成立。君廁議席。以鄉俗尙奢侈。婚喪多糜費。提議改革之。辛亥。卽西歷一九一一年。返菲。在宿籌捐。並自輸巨欸。以助桑梓之興辦教育。未幾。旋里。設甲種商業學校。躬董其事。成績斐然。君於革命軍籌餉。曾捐重資購軍債券。如於慈善義舉。所貢獻尤不少。宿務中華會所崇華醫院等。均得君實質上之贊襄。僑衆公選之爲董事者屢。宜其望滿當時。至於今猶有嘖嘖稱之者。君於民國五年。亦公元一九一六年。因病逝世。享壽五十。德配李氏。生男女各一。男平洋君。今日宿埠之有數名流也。女閨名錦治。

適氓中殷商劉君與進云。

## 黃媽超

黃君諱媽超。字超羣。世居福建思明禾山薛厝鄉。父光銓。生六子。君其仲也。幼時。家清淡。便以弱小之軀。作力於田園。以佐家計。至十歲始就學於村中之學究。然亦半勞碌乎鋤耰。年十有五。料株守家園非長策也。乃追隨洋客作小呂宋




黃媽超先生

之行。抵菲後先在亞嗎申社及棉三米示省。覓枝棲於市肆。不辭辛苦。不計報酬。惟求有信任於東主。能得商業上之經驗。稍有餘囊。則歸家理烟事。翌年返菲。其依人作嫁如故也。然經商學識。與年俱進。未幾自信可以樹幟於商場。與人競居積之術矣。遂徙宿務埠。與其兄開張金順昌。經營米穀。兼收買土產。其作始也簡。其擴充也漸。迨資本頗裕。則採辦舶來品。並運輸土產於外埠。自置帆船。轉運土產。於是鴻業駿發。一日千里。後又與其弟瑞坤。共策進展。改置輪。船航行菲島中部各嶼之間。不但商業之基礎以固。而其規模亦益宏偉矣。君爲人樸訥。不喜修飾。然藹然溫和。令人喜親之。當是時。僑界社會乏團體之組織

。公益事業。猶未萌芽。而君之拯危濟貧。則每隨力之所至。行其方便。處己約。待人厚。故爲富不仁之譏。尙獲免焉。而在華僑先輩中。實堪稱一勝利者也。德配李氏。生一男三女。男名自來。今日宿埠之名流也。長女適薛。次適陳。俱得所天。君於三十年前棄世。時公元一九〇一年也。享壽五十有六歲。

## 林伸壽

君諱伸壽字瀛洲。福建晉江高山鄉人。宿務國民黨中堅份子。曾任支部之主席也。幼時。家屢空。從村學究受業。苦莫能



林伸壽先生

奉束脩。未幾。且爲家景所限。舍蒙塾。佐其兄業豆腐。兼以耒耜助生計。稍長。覺株守窮鄉。無以求美利也。乃蓄志爲洋客。至年十九。便與堂兄泛舟南渡。抵宿。先在其堂兄所投資之泰興公司。任瑣屑事務。君乘機勤習商法。荏苒五年。商業上之學識與經驗。俱大進步。且至忠於其事。爲當事所器重。因委之赴市望仔社任支店要職。越兩載有奇。以堂兄與股東析業。分得市望仔支店。於是移來宿埠經營。君則任副經理。歷十載。致力相輔。其間堂兄還鄉兩度。君則撐持一切。唯勤唯謹。而所獲贏利。亦足謀獨立之局面矣。一九一二年。開始與人合資。關什貨舖於旺木社。逾年。爲同事返國。遂將生意收盤。再回大埠。以販麥爲業。經兩稔。獲利良豐。卽於一九一五年。設置磨房。八載之間。盈餘不少。嗣以運氣所趨。此業頓形變態。則乘勢改途。以資本置產建屋。開張汽水廠並代理紙烟。越兩年。復轉而創設咖啡廠及內衫廠。未幾又兼營影戲業。戲院顏曰瀛洲。蓋僑界此途


之第一家也。君性和爽質直。喜奔走社會事業。所輸將金錢頗不貲。尤樂效勞於革命運動。呼號勸導。辛苦弗畏。國民黨宿務支部長及各要職。君堯任之。提倡創辦中山學校。以實施黨化教育。君歷董其事。新校舍得以落成。君之力良多。亦尙見推爲中華商會之董事。其對於國家社會之貢獻。未能一一指數也。夫人菲女。閨名朱山娜。乃前菲島下議員院之議員拉馬氏之胞妹也。伉儷甚篤。生三男。二女。男名葛祥洛扶西蓋示。女名米叻洛裕只亞。長男長女。均在僑校肄業。蓋防沾染菲化也。餘尙幼稚。君因商業及社會事。心力交瘁以病以死。死之時。中華民國二十年。即公元一九三十一年。二月日也。得年五十有四。知者皆爲之惋惜。謂爲社會國家之不幸云。

## 包魏榮

菲律賓羣島中部之繁盛商埠。首推曰宿務。據四達之衢。爲輪舶商旅薈萃之處。其間之華僑社會。有特異之熱心人。曰包魏榮者。字淑華。福建思明禾山人也。幼穎悟。讀儒書於鄉塾。略通文翰。以竄於家計。不能終治舉子業。弱冠。任廈門某洋行記室。而志氣恢奇。操行殊於庸衆。急公好義之性。尤如出於天生。迥非士大夫之所及。平日敏於事而忠其職。至爲東主所重器。歷八載。忽動遠遊之念。蓋雖有懷投筆。而無從請纓。竊謂託跡鷺江。莫由廣其眼界。若出洋之爲愈也。計決。以意白之行東。挽留者再。卒不能移其志。乃許之行。而厚贈焉。君於是買棹渡菲。寄居於宿務埠。因乏憑藉。仍恃不律謀生。其依人作嫁也。因似鬱鬱不得志。顧深知老子知足之旨。能隨遇而安。且恬焉自得。不迷戀乎富貴。而致然惑其方寸也。自奉儉約。質樸過人。硯田所入。舍供家用外。絕不妄耗分文。衣不華美。食不肥腴。所謂得過且過者耳。然君之儉樸。非如世人之吝嗇者。節省用度。一毛不拔。只事問舍求田。爲兒孫計也。頻年所積薪資。本無多。而遇公益義舉。輒傾囊捐輸。足以愧夫所稱富家翁者。尤致力於革命事業。貢獻助餉。恆極踴躍。辛亥武昌起義後。同盟會在海外




籌餉。時君儲款無幾。乃轉向居停商假來日之辛金。湊足千元而樂捐輸之。其愛國疎財。實不遜於漢之卜式。爲僑界人士所不能倫比者也。自是革命黨每募軍餉。君皆必輸資。且必盡其所有。更奔走呼號不辭困瘁。披星戴月。四出勸募。視古之毀家紓難者。弗多讓焉。民國九年。岷江有某報主筆自署特等乞丐爲福州孤兒院募捐者。君聞之慨然曰。是人也。可以媲美乞錢興學之武訓。值得吾儕之崇拜矣。遂題百金於捐冊。餘囊不足亦先貸於東主。且逢人說項。爲不相識之特等乞丐揚其行誼。其俠義之高風有如是者。君爲華安公司掌簿書若干年。工餘之暇。多從事於社會公益事業。不憚煩勞。而綜計其一生。爲國家社會平勞績不著。於是九月八日。黨務指導委員會常務會議。僉決俟三年後。覓相當墳場。建築規模宏壯之佳城。遷葬君之靈柩。現則懸其遺像於黨所。以供瞻仰。而昭紀念。中央黨部。嘉其忠於黨國。除特頒獎章外。致電慰其家屬。並贈卹金千兩以資贍養。是亦僑胞所受之空前榮典也。



包魏榮先生

之義舉而貢獻之金錢。達七千元之譜。誠可稱不可多得之熱心人。而可爲僑界之模範者矣。談者或謂君乃非屬第一個之真正國民黨員。絕無權利思想。而單純犧牲者。非過譽也。君於民國十七年八月十六日。因病逝世。享壽五十有六歲。身後蕭條。聞者爲之惻然。宿務國民黨支部。既組織治喪委員會。爲之舉行葬禮。又念其生

## 余兆文




余君兆文。廣東中山縣申堂鄉人也。三歲喪父。家甚窶。兄弟三。君最幼。俱賴寡母躬耕以爲活。童稚時。遇獲秋收。輒隨母田間。拾遺秉以資餬口。年十三。爲里中之塾師任洒掃執爨。得暇。始從之學書問字。如是者歷數年。稍長矣。爲補助家計。乃兆販猪肉。沿戶求售。累三年。有餘蓄。略足以授室。乃草草完娶文焉。自是負擔益重。因思出洋謀生。時其兄已遠遊檀香山。君弱先冠後。與友人同渡檀島。初佐兄治理其業務。幾近一載。微有經商智識。則自開一小舖。販售什貨。越二年。盈餘二千金而強。則與其友及兄合組廣東幫。經營出入口生意。無何。以兄逝世。又不幸而所建屋宇遭回祿。所業遂以歇。未幾。赴扶桑。意有所展布也。經一稔。所謀不就。始南來菲島。抵坭後數月。適遇南島粵商欲開設船塢者。聘君司其事。君遂隨之赴怡郎。船廠成立。卽任經理。逾三載。運遇頗佳。君所分佣亦有成數。嗣因股份發生爭執。便決去志。舍怡而來坭。天緣作合。無意中竟與黃蓮枝女士締婚。由是留坭營業。開張飲冰室於橋頭大街。有美利可圖矣。而其後以業主變更。勢不得不作易地之計。其所適則甲米地省也。未久。有友人以甲省區域小無發展之望。

執遷地爲良之說。德惠之。於是轉徙宿務。開張罐頭食品之商店。自後君聘其所長。以周旋於商戰場中。進寸進尺。成績蔚然可觀也。公元一九二八年。冥然長逝。享壽五十有八歲。夫人稱賢內助。現在掌理舖業。可謂能矣。君性強毅。勇於任事。於公共事業匪僅捐輸。又樂効其勞。曾被推爲工商聯合會總理。中華商會董事。及中華學校校董。中華校舍得落成。君奔走募捐。殊得力也。君素注重教育。生兩男兩女。男均畢業於公立中學。女則尙在菲大學教育科修業中。君之商號曰文興。即 Cebu Grocery Co.

### 廖成功

廖成功 字禎祥 福建廈門禾山方湖鄉人。行一。父君陣。五十年前卽爲宿務巨商。故言廖君陣老 Miao contino。宿務華菲人無不識之。君英年南渡。紹父業而光大之。商餘則致力於公益事業。時宿務華僑少團結力。因與諸僑商設立宿務中華會所。謀商業之發展。


僑情之聯絡。崇華醫院之創設也。獨能捐巨金以資提倡。故其巨大照片。至今猶赫然懸掛醫院會客室中也。籌備宿務中華學校之時。君亦爲創辦人之一。以是歷任宿務中華會所。崇華醫院。宿務中華學校。總理協理董事十餘年。終其身無間斷也。時或還故鄉。則修橋以免涉水。造路以利行人。築亭以資休憩。施給醫藥楫。以恤無告。禾山人資雄於君者甚多。而能揚名閩里間。無老少婦孺皆稱道。當首推君焉。年六十餘卒於鄉。有子三人。惟未能繼承先志。爲可惜耳。



廖成功先生

## 蕭奕周

蕭君奕周。廈門禾山鷺石浦人。父諱良齡。壯年建磁窰。以資治生。君自幼時聰穎敦厚。從名宿修舉子業。文學精邃願屢



試不售。爲之抱屈者。祇嘆文章無價。僥倖有人而已。由是君棄儒學醫。初未敢出而問世。嗣因諸同窗及戚友知其方脉精到。請其懸壺濟世。始以行醫爲業。果然藥到回春。名播遐邇。君素儉樸。爲救苦之懷。無論病人貧富。凡延診者。不計遠近晝夜。皆立應之。或且徒步隨請者至病人之榻。對症開方。將事惟謹。不受一文之資。一餐之報。其醫德如是。宜乎口碑載道也。性純篤周。宗族稱孝。鄉黨稱弟。里中有爭鬥。事無大小。均能排解之。先聲望所至。衙役兵丁。不敢至其鄉任意騷擾。人人各安生業。咸德君之嘉惠一方也。西歷一八九三年前清舉人陳綱欲來坵省親。因與君有世誼。故力邀之作伴渡菲。蒙封翁謙善先生之薦引。數月後即在崇仁醫院主醫務。歷數年救人不少。埠中或外省有請治病者。一似在鄉時。不計潤筆之資。立往診視。故陳謙善先生父子每當賓客會集時。盛稱君之品德。曰忠勤服務。曰重義輕財。褒之至也。至一八九八年。陳綱捷南宮。朝廷簡任小呂宋總領事。乃請君辭醫院職而任之爲總領事署秘書兼理財政。埠中

僑界延請治病者如故。君或步行以往。又無異居里時也。一九〇五年。忽得家報。知太夫人仙逝。君哀痛欲絕。急奔喪回廈。扶柩安葬。至一九〇六年再渡坭江。乃立意爲商。得十餘年歲儲月積之餘囊。選辦各貨。以種種因緣。特來倪建張慶東南布店。然以勤儉經營。行醫濟世。近悅遠來。業乃日盛。當國內革命軍之起義也。先生亦曾捐助軍餉。越數月回國後民國成立。卽被舉爲禾山書院議員之一。一九一四年。再自華回倪。審其子朝鏗主持生意良得其法。自此便不問商務。專心在倪行醫。常來往宿務坭里喇。救人疾苦。不望報也。曾任華益社董事。思倪埠華僑有數百無墳場。死者必葬土人塚山。或久年失修而墳墓湮沒。或被土人掘移骸骨。而致荒墳無跡可認。因與林君金崎邀集善士捐款購山地一段。爲華僑墓場。是亦德及幽魂矣。一九二三年八月中間。君自坭旅倪。身體尙健。詎至九月初二晚。精神忽困倦。氣逆而喘。朝鏗澈夜侍側。時進茶湯。越日。辰刻。君徐徐而諭朝鏗曰。予壽至此。非藥石所能爲力。言訖而瞑。享壽六十有三歲。朝鏗親視含殮。擇吉扶靈柩安其窆甍。是日也。蒙各團體及親戚友朋贈送花圈輓軸甚多。爲倪埠空前所未有。蓋亦榮矣。朝鏗於貿易。富有經驗。善守父志。而勤儉之風且過其父。殆所謂善紹箕裘者歟。君元配薛氏。繼室郭氏。僅生一男。卽朝鏗也。二女名朝治。朝寅皆適陳氏。

## 跋

予僑菲十餘載。間有朋輩與之商量編纂「華僑黑幕」者。先後計兩度。其言大抵謂菲島吾僑社會中。種種奸詭淫邪險詐貪污之事。多不勝舉。非本懲戾瘴惡之宗旨。而揭露之。以資儆戒。則魑魅魍魎。匿跡潛形。貽害於人羣。不知伊於胡底。故海上出版「黑幕大觀」一巨著。國內名流蔡元培先生曾致函代序。而稱譽之曰。「救世苦心。深所欽佩」。君平日志在匡扶世道。挽救人心。其亦有意於此乎。予均婉謝之曰。君等之言良是。惟纂輯此類書籍。關係綦重。誰敢負其責任者。如作無人負責之刊物。則有類於匿名揭帖。無甚價值矣。君等果有此勇氣。肯肩其責否。予愧乏此力量。不敢冒昧任其事也。朋輩聞之。自覺無此胆量。餒焉而阻。其議遂以寢。今歲春初。則有友人擬摹仿近今中外各處之流行出版品。請予擔任編著「僑界名人錄」者。其意則云。此等時尚著述。旨在揚善。以資訓勉。與社會事業。人羣進步。皆有裨益也。且舉人所長。不揭人短。譽人之美德。不攻人之隱慝。與專事懲惡。而摘發陰私者迥異。可不惹恨賈怨。自無何等之關係。予初聆其語。頗表同情。顧再思之。又以爲未可貿焉從事也。乃對之曰。予今無言責矣。自顧藐然無似。不特彰人之過以懲惡。無其權力。卽譽人之美以勸善。亦未敢自信有此量力也。君必欲實現此良好之計劃者。其惟組織一社

。招集多數人。共負其責。以嘗試此新事業乎。友人諾之。退而組設一菲律賓濱名人史略編輯社。聯絡僑界領袖名流十餘輩。爲贊成員。遴聘專員。擔任徵訪。而俛予料理筆墨之事。於是允其請。依樣葫蘆。鈔胥自比。荏苒十閱月。社事草草結束。茲叢稿將付剞劂。舍爲本社草弁言以冠是編史略外。尙有餘意似可補誌篇末。以釋一般人之懷疑。憶一日正忙於塗抹間。有客來寓室。見案上疊史略之稿數紙。睨而微笑曰。之數輩者。今後居然廁名人之列歟。予正視之。異其狀態。乃亦輒然曰。君毋乃以爲奇耶。遂揖之坐。而與之言曰。君固知大王之尊號者。其於英語也。則爲 King。昔之見尊爲大王者。必也領土千里。帶甲百萬。威加一國之中。位居兆庶之上。而今也時移勢易。大王之徽號。則普及黎首。至爲尋常矣。吾人習聞歐美有鋼鐵大王。煤油大王。汽車大王。郵船大王。火柴大王。照相機大王等。是邦亦有所謂木業大王糖業大王者。甚至哲人多養幾隻鴨子。亦見稱爲鴨子大王。夫如是之大王。皆手無寸柄之平民也。大王之尊號。尙如彼其濫。况乎塵塵以名人稱者耶。所謂華僑名人者。不外僑界中。視尋常之輩。稍稍聞名於社會。或其事業地位。較爲邦人士所注目。便足以當之。而不足以爲異。豈必皆何等偉大之人物耶。君曾見此間某西報編「棒球界人物誌」否。其所採錄。非此道中人。殊少知其姓氏者。然彼輩以長於此技。在棒球界中。固可稱爲名人也。君又見斐人某君著依洛甘訥之大偉人傳記否(英文名 The Greatest Men of the Ilocanos)

其中所選。只是呂宋島西北部。依老哥南北兩省。實且不比我國兩小縣之出類人物耳。何嘗乃偉大之英雄。曾建掀天揭地之勳業者。然在彼蕞爾民族之中。固可以大偉人自豪也。君審此。則如某君某氏者。獲列於華僑名人史略之內。誠毫無足異矣。客又進而問曰。他日此書之所記述。果皆信而有徵。不雜虛詞否。抑不免如太史公貨殖傳所云。人富而仁義附焉。富者得勢而名益彰歟。予復笑應之曰。遷史貨殖傳所羅列。無非善牟利而富埒王侯者。其有功德及人者。至尠也。是編所記述。乃有與世長辭之日。四壁蕭然。妻子無靠。須人撫卹者。其間諸名流。大半皆與一方之社會事業。有密切關係者。故是書旨趣。與太史公貨殖列傳。迥乎不同也。至本社徵訪人員。主旨必崇信而黜虛。報者或言過其實。傳者或詞溢其美。損益微差。容或有之。然本社則絕不肯增改事實。或以無爲有。以聳觀聽。致貶本書之價值。若以嚴格而論。則清代文豪趙甌北之詩有云。「乃知青史上。大半亦屬誣」以是繩之。豈非號正史者。或以訛傳訛。亦不免失實乎。僑界名流。大率近在目前。其生平事蹟。皆可考而知。鄙意此書所筆。視稱史傳者。當尤可信而寡誣也。客離坐將去。復就而叩曰。然則君編此書。定必自畧姓名於其上乎。予搖首示意。是何以故。曰。予忝居報界十餘載。筆下所塗抹之文字。體裁不一。綜而計之。都百餘萬言。非願負至嚴重之責任。不敢不畧眞姓名如所印行之某某兩種小冊子者。則一概賡以異號別名。此固未必如蘇東坡所云「姓名莫使世間知」之



微意。蓋習而久之。幾乎成爲下筆時之慣例耳。况此書之得蒞事。強半乃徵訪者李君阜民之勞績。編者僅任鈔胥之役。原不敢居功。未署姓名。更奚足訝者。客乃點首而別。是亦編輯期間所經過之情形。較有趣味之一斑。姑述之以跋是編。

中華民國廿年十二月除夕編者書於垠江之客寓

上海图书馆藏书



A541 212 0016 93768

中華民國二十年十二月出版

每本定價大洋叁元

版權所有不准翻印

編輯者 菲律濱名人史略編輯社

發行者 菲律濱名人史略編輯社

印刷者 上海大東書局

# 勘誤表

五五	五四	五三	二六	一八	一五	一三	八	頁數
一	一三	一	六	七	一六	一五	一五	行數
二〇	三六	二五	二二	一五	一〇	五二	二三	字數
司	琅		者	府國	年歷	真爲		誤字
所	煊		比	國府	歷年	爲真		改正
		權爲					與	漏字

